

COMMENTARII
DE REBUS
IN
SCIENTIA NATVRALI
ET
MEDICINA
GESTIS.



VOLUMINIS XXVI. PARS III.

LIPSIAE, MDCCLXXXV.
APVD IOH. FRIDERICVM GLEDITSCH

Venduntur etiam

Londini apud Fr. Elmsly, Edinburgi apud Io. Balfour, Lugd. Bat. apud
Fratres Luchtman, Parisiis apud Barroi senior. Venetiis apud Io. Bapt.
Pasquali, Milano apud Ios. Galeazzi, Augustae Taurinor. apud
Laurent. Giraud, Holmiae apud Magnum Swederum.

THE HISTORY OF

THE CITY OF BOSTON

FROM THE FIRST SETTLEMENT

TO THE PRESENT TIME

BY SAMUEL JOHNSON

IN TWO VOLUMES

VOLUME THE FIRST

LONDON: Printed by J. DODD, in Pall-mall.

MDCCLXXV.

By Authority.

Printed by J. DODD, in Pall-mall.

MDCCLXXV.

By Authority.

Printed by J. DODD, in Pall-mall.

MDCCLXXV.

By Authority.

Printed by J. DODD, in Pall-mall.

MDCCLXXV.

By Authority.

Printed by J. DODD, in Pall-mall.

MDCCLXXV.

By Authority.

Printed by J. DODD, in Pall-mall.



I.

Acta Medicorum Suecicorum, seu Sylloge Observationum et Casuum rariorum in variis Medicinae partibus, praesertim in Historia Naturali, Praxi medica et Chirurgia. Tomus I. Cum XIX. Tabb. aeneis. Upsaliae Holmiae et Aboae. MDCCLXXXIII. 8. Alphab. I cum plagg. 8.

Praemissis b. A LINNE' et ROSENSTEIN vitae descriptionibus, quales singulis Tomis praemittere decreuit, varios hoc Tomo publici iuris facit anonymus Auctor libellos collectos, quorum obiectum titulus indicat. Sectio prima historiam naturalem spectat, et recensitas a nobis dissertationes Cel. THUNBERGII de Protea, Oxalide, Gardenia, noua Plantarum Genera, *) nouas Insectorum species, ac b. A LINNE', Filii, de Lauandula et Methodum Muscorum illustratam continet typis recusas. In altera, Medico chirurgica, sequentes continentur observationes.

L. I. SIDRE'N *Sphacelus cruris*: Haemorrhoidario, choleric, 50 annorum, post febrem autumnalem remittentem, adhibitis antea in cassum sudoriferis, Cortice peruiano sublatam, infecuta ad sudorem pronitate nimia, cum turbata digestionem doloribusque colicis, paralyfi, linguae demumque
Bb 2 apo-

*) vid. comm. nostr. Vol. XXV. p. 637 — 646.

apoplexia correpto, praeuia paralyfi totius cruris pedisque dextri natus, vfu externo internoque Corticis Peruuiani eatenus mutatus, vt amputatio et sanatio obtinerentur, aft poſtea rediit cum infultu apoplectico, quibus obiit aeger.

P. II. II. EBERH. ROSENBLAD *Morbus ſpasmoticus*
p. 303. *convulſiuis epidemicus*: Poſt aeſtatem humidam, tempeſtatibus etiam variam, anni 1745 et 1746 in Provinciae Elſborgenſis locis quibusdam ortus, poſt varia ſymptomata haemoptyi indeque orto pure acerrimo ſaepe necans, ſimilis illi, quem dudum alibi obſeruarunt Medici non pauci, a fornicationis per habitum corporis ſenſu denominatum, praefertim a panis e recenti frumento parati eſu oriri viſus, peculiari tribuitur veneno, inordinatum ſpirituum per nervos motum excitanti, in frumentis, vel ſaltem inter frumenta, quaerendo, vulgo aberucis frumenti male repurgati oriri putatus, deſcribitur quoad ſymptomata, cauſas, prognofin et curationem, euacuantibus et datis poſtea acre temperantibus, antiſpasmoticis atque anodynis abſoluendam.

p. 333. III. AD. MURRAY *Oſteo-Steatomatis Hiftoriae duae*. Alterum Matronae poſt varia ſymptomata calculi aliaque demum hydropico ſtatu obire viſae vteri, penitus ſcirrhoſi, fundo affixum repertum, glebis fruſtulisque diuerſae magnitudinis conſtans, partim cartilagineis, partim vere oſſeis, ad magnitudinem capitis recens nati infantis enatum; alterum matronae femoris oſſi ſiniſtro ſupra genu adnatum, ipſi ex parte ſimiliter mutato, ſteatomati ſimillimum, diuerſae tamen in diuerſis locis ſoliditatis, in confiniis ipſius oſſis et ex perioſteo originem traxiſſe viſum.

IV. G. HARMENS *de calculis bilioſis*. Caſus mali arthritici coniuncti cum calculis cysſticis, poſt varia ſymptomata tandem per aluum eliminatis, cum flauelſcente muco, ipſis candelae admotis, ſuccini inſtar, ſponte deſlagrantibus, villo vix relictio carbone, quos

quos magna secuta est cum scybalis concrementorum gypseorum albicantium ad candelam flagrantium copia, quandoque etiam excrementa argillacea veluti et friabili materia obducta prodierunt; Aegra tandem adeo conualuit, vt acidulis martialibus demum prorsus sit restituta.

V. N. ROSE'N A ROSENSTEIN. *Casus pleuritici* p. 361. *cum motu Pleuropneumoniae*; lege artis descriptus.

VI. ION. SIDRE'N *de Nuce vomica experimen-* p. 369. *ta*: Puero epileptico post frustra tentata emetica, anthelminticaque, ad grana 5 vsque ad 8 bis de die incassum data; ast iuuenem rusticum conuulsuum, aucta paullatim dosi, tandem ad grana 15 bis die data sanauit; sic et pueri nobilis conuulsionibus, frustra adhibitis anthelminticis, euacuantibus, rel. grana 8 bis die per 14 dies data in candelam attulerunt, puellae rusticae 7 annorum conuulsuos paroxysmos grana 6, ter die data, elapsis tribus septimanis, mitigasse rarioresque effecisse visa sunt; vti et iuuenis rusticus epilepticus a granis 10, vsque ad 24, bis die die sumtis, praeter vertiginem leuiorem, nil mali sensit, ast abeuntis curatio continuari non potuit. Sequuntur experimenta in canibus instituta, nucis vomicae tam in substantia, quam sub forma extracti aquosi datae, dummodo dosis sufficeret, vim deleteriam confirmantia, cui similem exseruit Faba St. Ignatii, cuius igitur doses iusto largiores ne propinentur, monet Nosier, qui ex allatis quoque concludit, Nuci vomicae, iusta dosi datae, non infimum competere inter antispasmodica locum, ac vim deleteriam non a summa eius amaritiae, sed narcotico principio latente prouenire, cum alia amara, canibus data, similem effectum non produxerint.

VIII. EIVSDEM tractatus *de casu haemorrhoidali*: p. 383. frustra tentato Cortice Peruuiano, motu olim consueto, leni euacuatione, diaeta cauta, Decocto et Extr. Taraxaci, ac, instantibus iterum moliminibus, pilulis bal-

famicis medela est allata, ut tamen etiamnum quolibet plenilunii tempore, interdum etiam instantibus subitis aëris vicissitudinibus, recurreret fluxus, quo recusante non parum commodi ex hirudinum usu sensit, ut doloris capitis et aurium tinnitus a V. S. verna autumnalique levamen.

P. 393. IX. AD. MURRAY *de sensibilitate ossium morbo-
sa*: Ossa in statu sano insensibilia, morbo sensibilia fieri, rationibus et experimentis comprobant. *)

P. 407. X. ION. SIDRE'N *Casus Hydropis Pericardii
solidarii*:

P. 413. XI. CASP. TRENDELENEBURG *Casus Pedarthro-
caces*: internis externisque variis, praeuia exfoliatione, obtinebatur sanatio.

P. 419. XII. AD. MURRAY, *Luxatio spinæ dorsæ, aqua
frigida curata*, stillicidii scilicet instar applicata, frustra antea tentata repositione; disiunctæ fuerant, a se invicem vertebrae dorsæ ultima lumborumque prima.

P. 427. XIII. EBERH. ROSENBLAD *Empyematis felix
per metastasin solutio*: accedens post fracti, licet sanati, pedis occultas prorumpentesque exulcerationes, empyema dextrae thoracis cavitatis, fluctuatione adeo circa regionem scapulæ atque thoracis audienda, metastasi ad fistulosa cruris pedisque ulcera sponte cessavit.

P. 435. XIV. CAR. M. BLOM *Observationes de Aëre et
Morbis epidemicis, in Dahlekarlia Suecorum, ab initio
anni 1772 ad finem anni 1773*: tempestatem morbosque, singulis mensibus observata, summam recensentur.

P. 481. XV. A. MURRAY *Paracentesis Cystidis urinariae*; Ischuriam pertinacem, variis externis, adeoque Cathetere, quin acu tricuspide F O V B E R T I per perinaeum immissa et incurvata FLEVRANTI per anum transfixa, frustra tentatis, factam in regione hypogastrica, prope lineam albam, intrusionem tricuspidis

*) vid. comm. nostr. Vol. XXIV. p. 527. et dec. III. Suppl. 3. p. 505.

dis infecuta est circum tubum sanatio, vt extracto epistomio vrinam emittere potuerit, optime abinde se habens, antea morti proximus, aeger.

II.

D. CH. FR. REVSS Med. Prof. Publ. in alma Eberhardino-Carolina acad. Nat. Curios. Regiae Danicae scientiarum eiusque oeconomicae, elect. Moguntinae, Lipsiensis oeconomicae; Tigurinae physicae; et Berolinensis amic. Nat. Scrutatorum sodalis, Primae Lineae Encyclopaediae et Methodologiae vniuersae scientiae medicae et theoreticae et practicae omniumque eius scientiarum tam praeparantium quam affinium ac subiunctae cuiusvis historiae litterariae. Tubingae 1783. 8. pagg. 570.

Nova haec discendi medicinam methodus ad exempla librorum praestantissimorum HERM. CONRINGII, BOERHAAVII, LUDWIGII, GRVNERI, SELLE et aliorum conscripta et exarata, non potuit non ad ipsam avide legendam nos invitare. Indicat vero cuiuslibet disciplinae medicae, et quae praeparat, et quae ipsa artis praecepta proponit, ambitum et utilitatem, examinat quae inprimis praestanda adhuc superfint, et diligenter annotat libros supra qualibet disciplina scriptos. Sed cum talis liber vix praecipuorum contentorum recensitionem admittat, maluimus potius ipsius sciagraphiam cum lectoribus nostris communicare. En itaque synopsin omnium disciplinarum ad scientiam medicam spectantium:

I DISCIPLINAE PRAEPARANTES

A. Vniuersales

- a) *Philologia*, studium linguarum veterum et recentiorum.

Bb 4

b)

b) *Philosophia*

- 1) theoretica f. speculativa, logica, metaphysica.
- 2) practica, Moralis f. Ethica et Ius naturae.
- c) *Mathesis* tam pura, quam applicata.
- d) *Artium liberalium* et scientiarum elegantiorum quaedam partes.

B. Speciales

a) Scientia naturae de corporibus naturalibus in tellure obviis, cuius scientiae subsidariae sunt:

1) *Physica* (quoad structuram externam corporum inmutatam)

α) theoretica l. pura et

β) practica l. applicata specialis medica

2) *Chemia* (quoad internam structuram mixtionem corporum mutatam)

α) theoretica l. pura

β) practica l. applicata: et haec quidem vel *physico-medica* vel *oeconomica*. E chemica applicata physico-medica huc referenda est *anthropologica*, ex hac

1) physiologica, 2) pathologica, 3) diaetetica, 4) therapeutica. Therapeutica sub se iterum comprehendit chemiam applicatam.

α) Therapiae generalis, β) materiae medicae, tam internae, quam externae et diaeteticae, γ) pharmaceuticam, δ) formularem, ε) forensem.

3) Anatomia, organicam structuram externam et internam corporum naturalium considerans, e qua huc referenda

α) *Zootomia*, et ex hac inprimis *anthropotomia* et sani et aegri hominis.

β)

β) *Phytotomia*.

4) *Physiologia* vires et vsum partium singulorum in structura et externa et interna corporum naturalium disquirens, et quidem

α) *Phytologica* f. *physiologia* plantarum.

β) *Zoologica* f. *physiologia* animalium, et ex hac inprimis *anthropologica*.

γ) *Mineralogica* f. *physiologia* mineralium.

5) *Historia naturalis* denominationem, descriptionem, ordinationem corporum tam diversorum naturalium determinans.

α) *theoretica* f. *pura*, *Terminologiam* characteristicam *Botanices*, *Zoologiae*, *Mineralogiae* comprehendens.

β) *practica* f. *applicata*, *botanica*, *zoologica*, *mineralogica*.

a) *medica*, et quidem in materia, 1) *diaetetica* et 2) *medica* tam interna, quam externa.

b) *oeconomica*.

b. *Historia medica* res in foro medico gestas enarrans;

α) *dogmaticè*, et quidem tam generaliter, quam specialiter.

β) *litterarie* — —

γ) *biographice*

II. DISCIPLINAE MEDICAE PRINCIPALES, quibus in statu sano et aegroto consideratur humanum corpus.

A. *Theoreticae*

a) in quibus corpus consideratur humanum quoad statum sanum, comprehendunt iterum inter se.

α) *Physiologiam anthropologicam*.

β) *Semioticam physiologicam*.

γ) *Diaeteticam* f. doctrinam sanitatem

1) conservandi et 2) praeservandi ope medicorum, quae materia diaetetica suppeditat.

b) in quibus humanum consideratur corpus, quoad statum aegrotum, continent

α) *Pathologiam* s. doctrinam affectuum,

1) tam generalem

2) quam specialem, quoad nosologiam semioticam, symptomatologiam, aetiologiam.

β) *Therapiam generalem*, quoad

1) *media interna*, in materia medica interna tradita.

2) *media externa*, tam materia medica externa s. chirurgica, quam instrumentalis, mechanica, comprehendens.

3) quoad horum mediorum vim et modum efficiendi *Therapiae generalis strictioris* praeceptis.

B. *Practicae* disciplinae, quae applicationem continent ipsam, omnium scientiarum tam praeparantium, quam principalium medicarum ad corpus humanum

a) affectum morbis, mediis imprimis *internis* tollendis ad *Therapiae specialis et specialissimae* principia

b) — — — — mediis praecipue *externis* vel *operationibus* auferendis, ad *chirurgiae* principia, *Embryulciam* seu artem obstetriciam simul continentis.

In quibus utriusque speciebus medicinae practicae occurrit iterum medicina *casuistica* vel *consultatoria*.

c) *medicina forensis* et *politia medica*.

III. DISCIPLINAE, SCIENTIIS AFFINES MEDICIS praecipuae sunt

A. ars veterinaria.

B. Chemia applicata oeconomica.

C. Historia naturalis applicata oeconomica.

D. Oeconomia tam ruralis, quam ciuilis.

Plura, quae his addamus, non habemus. Difficile quoque est, de tali libro iudicium ferre; singulari vero

vero cum diligentia et assiduitate conscriptum esse, nemo negabit: et si optassemus, in recensitis libris alio ordine usum fuisse Cl. Auctorem. Non tamen dubitamus ipsum et tironibus et magistris artis medicae commendare.

III.

EDVARDI SANDIFORT, *Medicinae, anatomes, et chirurgiae in academia Batava, quae Leidae est, Professoris, Anatome infantis cerebro destituti.* L.B. 1784. 4. c. tab. VI. pagg. 86.

Recte desiderat Cl. Auctor infantum cerebro destitutorum, quibus saepe et falso acephali dicuntur, figuras nitidas et eleganti arte paratas. Quapropter non solum tales offerre, verum quoque easdem descriptione illustrare egregie constituit auctor Cl. nobis jam ex multis scriptis de meliori commendatus.

p. 9.

Primo capite itaque continetur accurata cranii cerebro destituti descriptio, partiumque vel praesentium vel plane deficientium enarratio sedula et concinna. Cerebri membranae molliores cum integumentis confusae sanguine extravasato distentae conspiciebantur, supercilia aderant nulla, sicuti et ossa verticis plane deficiebant, meatus auditorius compressus tamen pervius apparebat. Loco cerebri in conspectum veniebat substantia satis dura, granulosa, albicans, sita inter partes anteriores ossium petrosorum, nervi aderant omnes, vel saltem per partes et vias consuetas solita ratione distribuebantur. Vertebrae, quamvis multum compressas et irregulares, omnes Cl. Auctor conspexit, at faciei ossa adeo degenerata vidit, ut calvariam humanam esse, vix quisquam crederet. Quarum partium degenerationem ideo sollicitè examinat.

Secun-

- p. 27. Secundum caput de acephalis veris exponit. Perraro sane truncus supra humeros rotundo fine desinebat, nullumque adnexum caput erat. Percurrit itaque pauca illa horum monstrorum exempla, et quidem ea cum eruditione, qua talia argumenta pertractare Cl. Auctor solet.
- P. 39. Simili studio acephalorum improprie sic dictorum casus et exempla capite tertio in examen vocavit, proponens omnes illas observationes, quae cum ab Auctore descripto monstro conveniunt.
- p. 60. Quartum denique caput de causa maxime probabili degenerationis cranii hactenus descriptae agit. Alienus ab illa sententia, quae monstrositates imaginationis effectus esse censet, quamvis et casum ab ipso descriptum hac sententia assumpta explicari posse ipse affirmet, HALLERVM secutus a causa externa sui foetus difformitatem derivat, vel ab interna causa et ab hydrocephalo immutato talem foetum monstrosum ortum duxisse ipsi probabile est.

IV.

In gangraenam scroti observatio animadversio-
nibus nonnullis illustrata. Diff. Praeside
ADOLPHO MURRAY M. D. Anat. et chir.
P. R. et O. examini deferretur OS. GUST. PIP-
PING. Vpsaliae 1783. 4. pagg. 30.

Vir vilioris fortis, olim nauta, scorbuto, et quoque
arthritide aliquoties affectus, scabie humida in-
festatur, quam primum lavatione in frigida aqua in-
siccam commutat, mox continuata lavatione plane fu-
gat, remanente aliqua corporis hebetudine. Corri-
pitur mox febre et tribus praeterlapsis diebus scrotum
intumescens rubescit, atque suppuratione orta et tes-
tes

fles tumere coeperunt. Impeditur ideo gangraenae progressus, praescribitur cortex, imponuntur epithemata discutientia. Decidebat scrotum, et consolidatum est ulcus quamvis aegre convenienti medicina. Redibat quidem non scabies, attamen cutis tuberculis exasperata squamas obtulit abscedentes.

Hunc igitur casum sequentibus animadversionibus illustrat Cl. Auctor. Sic recte monet, in partibus virorum genitalibus sensilissimis vulnera tamen protinus et consolidari et multas operationes sine funesto exitu institui. Sed multo magis mirum ipsi videtur scrotum regenerari. Scrotum autem frequentissime gangraena perditur per hydropicam intumescentiam, post febres cum metastatica materia, post exanthematicas febres et eruptiones cutaneas, sic etiam ab aëre vitiatō, violentia externa, a veneno viperarum scrotum necrosi est affectum. Mox constituit novam gangraenae speciem, scilicet mixtam; desideratur in ea mollities et fungositas, quae humidam distinguit, neque pars affecta ita exarescit, uti in sicca; putrescentia in hac serius ingruit, quam in humida. Diversitas autem gangraenae consistit in eo, quod aut circulatio in vasis perfecte intercipitur et cohibetur, aut humores nimis libere irruunt. Causas gangraenae perspicere difficile judicat, cum potius tantum phaenomena observare liceat. Sic in febribus malignis, sic ex venenis, post dysenteriam, morbos exanthematicos male curatos gangraenam oriri scimus. Certe gangraena non est contagium speciale, nec antea sistitur ipsa, quam causa efficiente remota. Gignitur autem gangraena, ubi excrescentiae et tumores vasa et nervos comprimentes, ubi infiltratio lymphae in tela cellulari tonum vasorum plane exstinguit, ubi post contusiones organisatio aliqua ex parte est destructa, ubi majori aut minori vasorum et fibrarum

brarum irritatione copiosior humorum procuratur affluxus, nec huic respondet effluxus, ubi inflammatio ad summum evoluitur fastigium. Sic quoque interesset, quorundam phaenomenorum causas nosse, cur v. c. necrosis in uno aegro rapide progrediatur, cum tamen causa detegi nequeat, qui fiat, ut gangraena jam sine praevia inflammatione oriatur, e. s. p.

Prolatis itaque similibus quaestionibus ostendit, in quibus casibus opium, in quibus sal cornu cerui volatile, vesicatoria, et in quibus chinam adhibere vel utile sit vel noxium. In universum enim cupit medicos chirurgos magis sollicitos in eligendis remediis pro gangraenae diversitate.

V.

Collectio opusculorum selectorum ad medicinam forensam spectantium curante Dr. I O. CHRIST. TRAUGOTT SCHLEGEL Medico apud Longo Salisenses. Vol. I. Lipsiae 1785. 8. pagg. 286.

Egregium sane cepit Cl. SCHLEGEL consilium, cum erudito orbe communicare rariores de medicina legali et politica medica commentationes, quarum in Germaniae academiis sane et multae et optinae prostant, et quarum cognitio non semper ad externos devenit. Quapropter valdopere laudamus Cl. Auctoris studium, ipsumque omnibus, quorum interest optima quaeque scire, commendamus. Continet vero primum volumen dissertationes sequentes: 1) HEISTER de principum cura circa sanitatem subditorum. 2) MAUCHART et SALZER de inspectione et sectione legali harumque exemplo speciali. 3) FABRICII et BRÜCKMANN diss. exhib. praecipuas cautiones in sectionibus et perquisitionibus cadaverum humanorum pro usu fori observandas. 4) ADOLPHI et DREYER de infanticidii notis

notis sectione legali detegendis. 5) HEISTER de summe necessaria inspectione cordis vasorumque majorum sub legali infantum sectione. 6) MAYER et REIMANN diss. sist. praecipua experimenta de effectibus putredinis in pulmones infantum ante et post partum mortuorum, subjunctis novis quibusdam experimentis circa pulmones infantum ante partum mortuorum institutis. 7) DELIUS et BERGER de sugillatione, quatenus infanticidii judicium.

VI.

First Lines of the practice of Physic: for the use of students in the university of Edinburg, by WILLIAM CULLEN, M. D. Professor of the practice of Physic, first Physician to his Majesty for Scotland etc. Vol. III. Edinburgh printed for Will. Creech. 1783. 8. pag. 389.

i. e.

Primae lineae praxeos medicae in usum studiorum Universitatis Edinburgensis. Vol. III.

Nota iam in genere est ratio viris eruditis, qua primas praxeos medicae Cel. CULLEN lineas duxit; qua itaque praetermissa, morbos modo indicabimus in hoc volumine pertractatos, excerptis nonnullis, quae nobis notabiliora visa sunt. Agit vero cel. auctor de morbis nervos afficientibus vel de *neurosis*, quorum libro I eos affert, quos *comata* appellat, ad quae *apoplexiam* et *paralysin* refert. Illam censet adesse, si omnis sensus interni externique, motusque musculares certo quodam gradu sint sublati, vigentibus adhuc actionibus vitalibus: qua ratione sub eadem *carum*, *cataphoram*, *comam* et *lethargum* comprehendit, quae omnia unius eiusdemque naturae esse et vehementia solum differre asserit. Oriri vero eadem vel a quadam origine nervorum

P. 5.

- vorum comprimente causa, vel virium nervosarum mobilitatem destruente; quarum prior potius sit, et forsan omnes apoplexias a causa interna pendentes progignat. Remotiores causas esse violentiam externam, tumores quoscunque in encephalo, vel nimiam extensionem vasorum, vel rupturam, qua fluida effundantur; quae vero quoque accumulari
- p. 23. possint nimia vasorum exhalantium secretionem, vel statu plethorico venarum resorbentium, vel earundem relaxatione, vel nimia particularum aquearum copia. Differentiam quidem adesse inter apoplexiam sanguineam et serosam, quae vero exigui usus sit in praxi, quia utraque saepe pendeat ab eadem causa, nempe plethora venosa; eaque ex ratione eandem fere requirat medendi methodum; excepta diathesi hydro-
- p. 25. pica praesente. Causis, quae destruunt nervorum mobilitatem directo modo, annumeranda esse aërem fixum, fumum carbonum, mercurii, plumbi cet. opium, spiritum vini, et alia narcotica; nec minus frigus, electricitatem, percussionem, mentis commotiones,
- p. 26. rel. Eandem immobilitatem, certe quadam ratione productam, videri causam appoplexiae epilepsiam, hysteriam, vel podagram atonicam subsequens, quum nulla fluida extra vasa haerentia in cadavere reperiuntur, quae etiam praesentia, saepe modo ut eiusdem
- p. 27. causae effectus, considerari possint. Ad apoplexiam curandam suadet venae sectionem, vel capitis scarificationem, purgantia acrida, vel ore vel ope clysteris ingesta; vesicatoria capiti applicanda: vomitoria vero, et remedia stimulantia noxia ei videntur, excepto isto casu, quo immobilitas nervorum eiusdem apparat causa. (Remedium nobis superest valde efficax, fomentationes nempe capitis frigidissimae, quas ex analogia felicissimae methodi, in vulneribus capitis gravioribus a cel. *Schmuckero* adhibitae, proposuit Ill.
- p. 38. CRELLIUS (Neues Magaz. f. Aertze B. I. St. I. pag. 11.)

De *paralyfi* agens Cl. CVLLENIVS eam modo p. 46. intelligit, quae a causa generali, non locali, pendet, eadem itaque ratione sananda, qua apoplexia: si vero p. 54. iam invaluerit, et symptomata apoplexiae sublatae sint, nec indices compressionis cerebri occurrant, adhibeantur, eo praecipue in casu, si narcotica morbum p. 56. induxerint, stimulantia, imprimis in nervos, non vasa sanguifera agentia; e. gr. salia alcalia volatilia, et vegetabilia e *tetradynamia* desumpta; e contrario vero electricitas, balnea frigida, aromatica, resinosa, foetida, amara, et cortex peruvianus ad ancipitia remedia plurimis in casibus Auctori referenda videntur.

Liber II. adynamias comprehendit, quarum primae, p. 69. *syncope*s, rationes remotas duplices esse censet; unam p. 75. in cerebro, vel alia parte a corde remota latentem, quae vero interveniente cerebro in cor agit; alteram in ipso corde haerentem; quibus itaque hicce apta remedia opponit. *Dyspepsiam* distinguit ciborum ap- p. 60. petitu deficiente, nausea, interdum vomitu, subitis et transitoriis stomachi distensionibus, variae conditionis eructationibus, ardore ventriculi, et dolore, alvo obstipata. Adhibet antimonialia emetica, ut removeat cruditates in primis viis obvias, acidum vero praeternaturale corrigit salibus et terris alcalinis, in- p. 104. primis causticis, nimia dosi non propinandis, et di- aeta; alvoque obstructae opponit laxantia leniora. Restaurant ventriculi tonum, quae vel modo imme- p. 111. diato in ventriculum agunt, vel systema nervosum in genere roborant: ad illa pertinent acida, vitriolicum, muriaticum, et vegetabile destillatum; (ut e. g. in aqua picis,) salia neutra, imprimis muriatica, aroma- tica, (quorum vero effectus citius iusto transit,) ama- p. 113. ra, (quorum vero nimis continuato usu tonus ventri- culi, quin totius systematis, perit; an ab immixta vi narcotica, non liquet;) amara adstringentibus nupta, ut cortex peruvianus, (qui vero eodem quoque, ut amara, laborare vitio videtur;) tandem chalybeata, et p. 114

- inprimis aquae minerales, (quarum vero effectus potius a causis concurrentibus derivandi videntur.) Nervorum systema in genere roborat 1) corporis exercitium, perspirationem promouens, actionemque excitans vasorum eius superficiem occupantium, quae
- p. 115. inter et musculares stomachi fibras singularis adesse videtur consensus: cavendum vero ab eiusmodi genere, quod corpus fatiget; quamobrem nave vel equo vehi praecipuum est. Aliud remedium non spernendum 2) frigidorum applicatio; ut aër frigidus, vel bal-
- p. 118. neum eiusdem indolis: quae omnia saepe quoque dyspepsiam symptomaticam sanant, cum tonus ventriculo redditus ob consensum saepe ad reliquum systema transeat.
- p. 120. *Hypochondriasis* definit esse dyspepsiam cum languore, moestitia et metu ex causis non aequis in temperamento melancholico coniunctum, eamque ab affinibus morbis bene distinguit. Cuius causam quae-
- p. 127. rit in rigiditate quadam solidorum, torpore virium nervosarum, et singulari quadam relatione systematis arteriosi ad venosum. Infert inde, hypochondriasis non eadem, ac dyspepsiam, ratione esse sanandam: rarius in illa adesse saburram in primis viis, ideoque emeticis rarius opus esse; saepius vere antacidis,
- p. 133. supra enumeratis et iisdem purgantibus. Tonica vero, quae in dyspepsia omnem paginam absolvunt, hic neque necessaria, nec tuta esse; deficienti, non tono, sed activitati, (ut ita dicamus) nervorum esse medendum: hypochondriacis rarius balneum frigidum, saepius calidum, et potum theae et caffee proficua esse, quae in illa quam maxime noceant: corporis motum utrique morbo prodesse. Sed praecipuam considerationem poscere mentis conditionem, cui in fuetis laboribus, ab affectionibus, anxietate vel defa-
- p. 139. tigatione liberis sit persistendum; (minime vero in contrario casu) quique alternent recreationibus, cum corporis motu et dexteritate atque ardore quodam coniunctis.

Librum III. explent affectus spasmodici, quos non p. 143
dividit Cel. A. in tónicos et clónicos, (quia saepe mix-
ti generis sint,) sed eosdem, uti vel animales; vita-
les vel naturales actiones corripunt, enumerat. Sub p. 150.
tetani nomine comprehendit quoque opisthotonum,
emprosthotonum, et trisium, ut unius morbi diver-
sos gradus, eidemque praecipue opponit opium lar- p. 165.
giori in dosi etiam ope clysteris assumendum, inter-
positis remediis laxantibus: nec minus moschum,
camphoram, balneum calidum, (cum cautione adhi- p. 173.
bendum) et salivationem mercurialem. Sequuntur p. 177.
epilepsia, et *Chorea Sti Viti*, in qua impuberes utrius- p. 227.
que sexus motus edunt convulsivos ex parte volunta-
rios, plerumque alterius lateris, quam maxime sin-
gulares, in gressu pedem alterum saepius trahentes,
quam attollentes.

Ad morbos spasmodicos actionum vitalium refe- p. 233.
runtur *cordis palpitatio*, (e corde ipso vel remotis par- p. 241.
tibus originem ducens,) *dyspnoea*, et *asthma* (*convul-* p. 247.
sivum), cuius causa proxima videtur esse praeternatu- p. 257.
ralis, et velut spasmodica fibrarum muscularium in
bronchiis constrictio, plenariam harum dilatationem
impediens, et rigiditatem quandam inducens. Quod
itaque rarissime penitus sanatur, allevationis modo
capax, cui fini saepe respondent clysteres emollien-
tes laxantibus copulati, lenia emetica accessum saepe
praecaventia, salia acida et neutra. Ut vero praedis- p. 263.
positio ad constrictiones spasmodicas et praeternatura-
lis pulmonum mobilitas et irritabilitas tollatur, ten-
tanda sunt antispasmodica, (gummata vero foetida non
sine cautione) moschus, aether vitriolicus, inprimis
opium, in vero asthma (convulsivo) tutum; maxi-
mi vero momenti est causarum occasionalium paro-
xysmos accersentium evitatio.

Pertussis, a materia contagiosa specifica oriens, p. 27
in initio requirit interdum venae sectionem, remedia p. 284
alvum laxam reddentia, vesicatoria, praecipue autem

vomitoria, (tartarum emeticum:) in morbi progres-
su idem non persistere videtur ob contagiosam cor-
pori adhuc inhaerentem materiam; sed ob habitum
p. 290. quendam contractum; cui tollendo inservit castoreum,
moschus, opium cicutae extractum, inprimis cortex
peruvianus.

Affectibus spasmodicis, actionibus naturalibus mō-
p. 294. lestis, annumeratur *Pyrosis*, epigastrii dolore urente,
et copiosi humoris aquei, plerumque insipidi eructa-
tione, cognoscenda, orta quae e fibrarum ventriculi spas-
mo, vasa ad maiorem secretionem sollicitante; eam-
que expugnant opium, rarius aether vitriolicus et sal
alkali volatile. Sequitur *colica*, quae ratione causa-

p. 301. rum remotarum forsan distingui posset; sed quoad causam proximam, i. e. constrictionem canalis intestinalis spasmodicam, eique superstructam indicationem curatoriam, eadem est, quae spasmus scilicet tollere antispasticis et actionem intestinorum purgan-

p. 307. tibus et aliis quoque modis excitare iubet; præmissa, si morbi vehementia id poscit, venæsectione. Quæ ex causâ sanant fomentationes, vesicatoria, rubefa-

p. 311. *cientia, opium (circumspectius adhibendum), olea expressa, lente purgantia, (ut cremor tartari) ore assumenda, fortiora clysmatum ope administranda (quorum efficacissimum e terebinthina rite paratum videtur) fumus tabaci, larga aquae calidae, vi quadam, ope syringae, injectae quantitas. (Recentissimis temporibus iure suo laudantur clysteres frigidi, vel ex aceto*

p. 320. parati) *Cholerae* medentur copiosa diluentia mollia,
ore et ano suscipienda ad bilis evacuationem; qua fa-

p. 330. cta, opiata, parca, sed repetita dosi conducunt. *Diarrhoeam*, cuius summus gradus *lienteria* fit, interdum ex intestinorum inflammatione erysipelatoſa oriri docet:

p. 349. *coeliacam* quoque pro diarrhoeae specie habet.—Vrina,

p. 364. in *diabete* excreta, semper fere dulci sapore praedita est. Non negat cel. *Cullenius*, eandem interdum combinatam esse cum affectibus calculosis, et irrationem

in

in renibus urinae secretionem promovere quidem posse; sed inde mutatam urinae conditionem, eamque saccharinam, nullo modo explicari; quae potius a vitio quodam assimilationis assumptorum pendere videatur: rarissime vero huic morbo mederi, nec, si factum, remediis ad eundem hactenus laudatis tribuendum esse.

Hysteria cognoscitur ventris murmure, sensu p. 372. globi in abdomine se volventis, ad ventriculum et fauces adscendentis, ibique strangulantis, sopore, convulsione, urina limpida copiosissima, animoque maxime vario et mutabili; nec soli sexui sequiori propria, licet frequentissima, est, et in utero vel partibus genitalibus sedem praecipuam habet; eiusque proxima causa systematis nervosi mobilitas, a statu ple-p. 384. thorico ut plurimum pendens censenda est, iisdemque, ac epilepsia, remediis oppugnanda. Finem egregio libro imponunt animadversiones de *hydrophobia*, de p. 387. cuius pathologia constare cel. auctori non videtur; nec magis de medendi methodo, in eadem maxime fallaci: interim opinatur, maxime securum morbi praecavendi modum esse destructionem partis a rabioso cane commorsaе; efficacissimam quidem protinus in initio, minime tamen etiam aliquot diebus post negligendam; omnibus vero remediis, ad hunc diem usque in usum vocatis, mercurium largius et diutius ex-p. 389. hibitum palmam praeripere videri. Inesse huic nostro operi plura, quae a receptis hactenus medicorum opinionibus valde recedant, cuique, nobis etiam non monentibus, apparebit facile; interim cum a cel. viro profecta sint, cui rei medicae penetralia pateant, maxime digna sunt, quae a doctis viris curatius ponderentur.

VII.

Dissertations on select subjects in chemistry and medicine, by MARTIN WALL, M. D. Physician

fician at Oxford, public reader of chemistry in that University, and late fellow of new College. Oxford, printed for D. Prince 1783. 8. m. p. 166.

i. e.

**Dissertationes super selectis aliquot chemiae et
medicinae materiis; auctore MART. WALL M. D.**

- T**ria potissimum sunt momenta, de quibus Cl. Au-
p. 1. ctor mentem suam exponit. Primo loco no-
bis communicat orationem inauguralem, quam prae-
misit praelectionibus suis chemicis, et in qua super
p. 4. *studio chemiae* disserit. Cuius definitiones lustrans,
taxat a BOERHAAVIO et MACQUERO propositas,
p. 8. quibus illam Cel. BLACKII praefert, qua chemia di-
citur scientia, quae experimentis docet effectus mix-
tionis et caloris in corpora. Cuius scientiae utilita-
tem multiplicem exponit, eiusque historiam addit,
p. 21. quam a generis humani primordiis fere repetit. Non
p. 33. praetervidet incrementa chemiae, quae eadem debet
copiosissimis alchemiae, quam vocant, cultoribus;
quam vero artem inanem, quin impossibilem censet.
p. 50. Non diffitemur, totam hancce dissertationem, cum
studio et elegantia conscriptam, nos non sine qua-
dam voluptate legisse; attamen non invenimus, quae
ignota sint nostratibus.

*Secunda commentatio sistit coniecturas de antiqui-
tate et usu symbolorum, quibus astronomia et chemia ad
designanda corpora coelestia et metallica utitur. Negat*
Cl. Auctor, illa symbola a chemicis primum inven-
p. 92. ta esse, et indicare qualitates intimas metallorum:
p. 95. quae potius referenda sint ad vetustissimos astrono-
mos, qui corpora ista coelestia splendidissima haberent
p. 99. habitationes deorum suorum. Itaque opinatur, so-
p. 100. lem esse supremo numini, Osiridi, dicatum; lunam
ipsius uxori, matri omnium communi; reliquorum
planetarum splendidissimum primo mortalium inter di-

vos

vos relato, Iovi, cuius signum erat arietis cornu; p. 103. addita cruce, quae columnis imposita, diversos inundationis Nili gradus indicabat. Veneri, vel Ifidi, p. 108. reginae coelorum, stellam dicatam sistro esse denotatam: Saturni signum fuisse falcem, in memoriam p. 111. agriculturae inventoris: planetam, primo heroum p. 114. consecratum, a reliquis caractere hastae et clypei esse distinctum: cet. Quibus positis, quo modo si p. 126. gna planetarum ad metalla translata sint, coniecturis declarare studet Cl. Auctor; cui licet animi sagacitatem et singularem cum veteribus auctoribus sic dictis classicis familiaritatem minime denegamus, tamen nos fugit, quid inde chemia capere possit emolumenti!

Vltimum locum occupant *observationes in morbos, in insulis maris australis praevalentes, praecipue vero in luem veneream, cum animadversionibus in tempus, quo primum in Europa apparebat.* Cl. Auctor sub initium rationes proponit non leves, quibus motus Cel. I. R. FORSTERVS incunabula morbi venerei quaerenda esse ante tempora Americae detectae contendit; eundemque inprimis iam saeviisse prius in maris australis insulis, quam Europaei illas visitaverint. Quibus vero omnibus Cl. WALLI opponit argumenta, contrarium suadentia, iisdem vero carere illos posse nobis videntur, qui Cel. HENSLERI egregium opus hac de re conscriptum*) debito studio pervolverunt.

VIII.

Versuche mit Quecksilber, Silber und Gold, angestellt zu Guildfort im May 1782 und beschrieben von JAMES PRICE, D. d. A. und Mitgl. der Königl. Societät der Wissensch. — Nebst einem Auszuge aus BOYLE'S Erzählung von einer Degradation des Goldes. Aus dem Engl. — Dessau, auf Kosten der Verlagskasse für

Cc 4

Gelehrte

*) vid Comment. nostr. Vol. huj. p. 149.

*Gelehrte und Künstler, und zu finden in der
Buchhandl. der Gelehrten. 1783. 8. min. pagg. 63.*

i. e.

Experimenta circa hydrargyrum, argentum et
aurum, auct. JACOBO PRICE; vna cum
epitome narrationis BOYLEI de auri de-
gradatione.

Multos magnosque rumores excitarunt haecce ex-
perimenta, quae Auctor circa transmutationem
hydrargyri in aurum et argentum, argentique in
aurum instituit. Prodiit libellus, quo illa experi-
menta prouulgauit, anglice conscriptus Oxfordiae a.
1782. Apud nos versio germanica avidissime tum
a chemiae sanioris cultoribus, cum sublimioris alche-
miae adeptis arripiebatur. Sed eo magis auctor om-
nium admirationem mouebat, quum notum esset, ip-
sum esse virum clarum, doctum, nulla famae sini-
strae labe adpersum, quem auri sacra fames ad frau-
des seducere non posset.

In *prooemio* ipse causas, quibus ad hos conatus
fufcipiendos appulfus est, ac analogias, quae inter ve-
terum recentiorumque sententias de partibus consti-
tutiuus metallorum dantur, enarrat. Tunc testes, qui
experimentis ipsius circa miram illam transmutatio-
nem adstiterunt, tales esse declarat, quibus omnis fi-
des haberi possit. Confitetur tamen, se feliciorem
adhuc existimaturum fore, si haec experimenta, quae
tam infueta essent, sententiamque a cunctis fere repro-
batam confirmarent, coram testibus, quorum summa
auctoritas valet, ipsa in metropoli instituere potuiffet.
At dolet, omnem transmutantis materiae copiam iam
consumtam esse, nouamque ob diutinum, operosum,
suaeque valetudini infestissimum laborem, quo illa
excoquenda fit, se parare non posse. Sed spectatorum
fidem, scientiam, probitatem, suamque integritatem
incul.

inculpatam fraudumque nesciam ipsum reiteratione experimentorum eximere posse perhibet. Vt conciliaret suis experimentis maiorem adhuc fiduciam ope similium exemplorum, praemittit epitomen narrationis BOYLEI de degradatione auri ex scripto eius minus vulgari, qua drachmas duas auri antea cupellati et fusi ope pulveris rubicundi, octauam, aut decimam grani partem vix aequantis, mox in aliud metallum, quod ductilitate, colore et imprimis grauitate specifica multum ab auro distaret, mutatas esse, ille refert.

Primo experimento, quod D. PRICE coram IV p. 37. testibus d. VI. Maii 1782 instituit, narratur, hydrargyri semunciam, in fluxum ex borace carbonisque et nitri frustulo paratum in crucibulo hassiaco, (omnibus antea a testibus scrupulose examinatis), effusam, post insersionem grani dimidiati pulveris rubri nec fumos emisisse, nec ebullisse, etsi crucibulum igne candesceret. Adaugebatur tunc ignis gradus et addebatur adhuc pauxillum boracis per testes inuestigati. Crucibulum post semihoram sensim refrigerari curarunt, et confracto ipso, in eius fundo repererunt metallum flauum, eiusdem plura frustula in scoriis, pondere X granorum. Hydrostatice exploratum iuxta omnium assertionem ipsius grauitas specifica vt 20: 1 deprehendebatur; caeterisque omnibus sicuti aurum genuinum se gessit. Solutio enim huius auri chemici in aqua regis facta cum solutione stanni purpuram minerali, vitrum cramesino colore tingentem, exhibuit. Sal volatile causticum ex solutione eius aurum praecipitauit fulminans; aether vero vitrioli in illius solutionem egit, sicuti in eam auro genuino factam.

Secundo experimento coram iisdem et duobus adhuc aliis testibus d. VIII. Maii instituto eadem quantitas hydrargyri in similem fluxum effundebatur, ipsique leniter calefacto pulveris albi granum vnum inspergebatur. Omnes nunc hydrargyrum viderunt in

- fundo crucibuli candentis quietum, nec ebulliens, nec fumans. Crucibulo post tres horae quadrantes igne extracto fractoque, multos in scoriis dispersos inueniunt globulos metalli albi, pondere gr. XIII. Carbonum in hocce experimento nimiam quantitatem pro parando fluxu adhibitam esse, Dr. *Price* monuit, ideoque sequenti die vicissim instituebatur experimentum.
- p. 46. In semunciam hydrargyri iamiam ob fortuitam moram ebullientis iniiciebatur pulueris illius albi granum dimidiatum, sic statim hydrargyrum ebullire cessit, etsi calor gradum ad eius ebullitionem requisitum superaret. In fundo crucibuli reperiiebatur
- p. 47. globulus metalli albi, pondere gr. X.
Eodem die, iisdem adstantibus testibus, aliud experimentum cum argento captum est. Huic enim in eundem fluxum, vti supra dictum est, in crucibulo imposito et fuso granum dimid. rubri pulueris inspergebatur. Post horae quadrantem crucibulum ex igne trahebatur, quia illud disruptum inueniebat D. PRICE. Sed metalli globulus in fundo eius nihil amiserat pondere.
- p. 48. Postero die idem experimentum cum argento repetebatur, eiusdemque XXX granis fuis iniiciebatur gr. dimid. pulueris rubri. Reperiiebatur in fundo crucibuli metallum, quod auro adunatum inuentum fuit. Id quod itidem de argento in priori experimento adhibito comperere. Aurum in hoc illoue inuicem fuso argenti efficiebat adhibiti octauam partem.
- p. 53. Sexto experimento hydrargyri fluidissimi unciae duae cum duabus guttulis Naphthae Vitrioli terebantur, et addebatur vnum granum pulueris albi. Hydrargyrum spissius euasit, et post expressionem per pannum remansit massa amalgamae similis, quae tubulo ferruminatorio fusa exhibuit metallum album, quod XXIV gr. ponderavit, et argentum se praestitit genuinum.
- p. 54. Postea loco pulueris albi addebatur hydrargyro puluis ruber et simili modo instituebatur experimentum. Sic hydrargyri XXIV partes vna tantum parte dicti pul-

pulveris in aurum genuinum mutatae sunt. Reiteratis in experimentis coram iisdem aliisque spectatoribus similes effectus apparuere.

Omnia tandem, adstantibus multis testibus, repetebantur experimenta, et vna pars pulveris albi quinquaginta partes hydrargyri in argentum; eadem vero quantitas pulveris rubri LX. partes eius in aurum exaltabant. p. 57.

Quocunque in experimento omnia per testes, quos in chemia versatos ex parte declarat Noster, rite et scrupulose examinabantur, aut ab ipsis apportabantur. At res euentum habuit tragicum, vti nunc legimus*). Dr. Price sedulo rogabatur, vt experimenta sua coram testibus, qui omnia phaenomena rite meliusque diiudicare possent, institueret. Per sex septimanas nunc assiduo pro conficiendo illo puluere transmutante frustra laborauit. Grauiissimo tandem moerore pressus vexatusque haustu aquae ex lauro-cerasi foliis a se ipso destillatae vitam sibi priuauit, annum agens XXVIII. Miser ipse amico confessus est, se flagitasse, vt magnam sibi compararet famam nomenque celeberrimum. — Sic vana spe lufit alchemiae adeptos eorumque credulam figit expectationem.

IX.

Abhandlung über die Bereitung des Brechweinsteins, von IOH. GEORGE ALBRECHT HÖPFNER. Mit einer Vorrede von I. C. WIEGLEB. Weimar 1782 bey C. L. Hoffmanns Jeel. Wittwe und Erben. 8. 55 Seiten.
h. e.

Tractatus super tartari emetici praeparatione,
Auctore I. G. A. HÖPFNERO.

Libellus hic veluti supplementum ad disputationem BERGMANNI de tartaro antimoniato, Vpsalae

*) vid. CRELLII annales chem. Fasc. III. p. 235.

salae MDCCLXXIII defensam, considerandus est, utpote in quo variorum de optima metallici huius salis conficiendi methodo sententiae et recenseantur breviter, et accurate diiudicentur. Etenim quum HÖPFNERO laudata BERGMANNI disputatio haud esset omnibus numeris absoluta visa, ipse sibi proposuit, experimenta quaedam nova instituire, ut methodum inveniret, qua emeticus tartarus parari queat, qui et efficax admodum sit, et virtute sibi semper constet. Ac primum quidem, sua experientia nixus, contendit, causam, cur hoc sal eadem vi haud semper polleat, non quidem a partibus illud constituentibus, sed potius a perversa eius parandi ratione repetendam esse; deinde contra BERGMANNUM dicit, qui methodum, quam descripsit, optimam, tutissimamque censuerit, docetque simul, plures, easque quodammodo inter se diversas esse rationes, quibus produci valde efficax et medicis usibus peridoneum antimonialie emeticum possit. Non repetemus autem, quae Noster adversus BERGMANNVM, aliosque chemicos monuit, sed potius de ipsis, quae instituit, exp. 32. perimentis breviter referamus. Scilicet *croci metallorum* recte edulcorati unciam unam cum duabus unciiis cremoris tartari, librisque duabus aquae communis in ollam argillaceam immisit, et omnem hanc massam, sub continua agitatione, leni igne coxit. Iam autem, cum dimidia fere liquidi portio in vapores acta esset, aquae libram denuo addidit, hancque affusionem tam diu repetiit, donec materies per integras decem horas coxisset. Immisit deinde decoctum filtro, et quod haud solutum in vase manserat, rursus cum una aquae libra per breve tempus coxit, solutionemque hanc, postquam eam filtri ope depuraverat, simul cum priori ad puluerulentam siccitatem inspissavit, quo facto tartari emetici duas uncias et triginta grana obtinuit. Ut autem de antimonialium particularum in hoc sale copia Auctor certior fieret,

fieret, pulverem, qui in filtro supererat, itidem leni calore exsiccauit, ipsumque duarum drachmarum et sex granorum pondus habere animadvertit; hinc calcinati antimonii quinque drachmae et quadraginta quinque grana tartaro nupserant. Patet proinde ex hoc experimento, eam parandi huius emetici salis methodum, qua aequales tartari crystallisati et croci metallorum partes adhibentur, omnino ineptam esse, cum, si dupla cremoris tartari portio sumpta fuisset, quaedam antimonialis calcis pars adhuc indissoluta restiterit.

Aliud experimentum cum *antimonio per se calcinato* p. 37. instituit; sumsit enim huius calcis partem unam et duas partes crystallorum tartari pulverisatorum, pulveremque ex horum ingredientium commixtione ortum cum sufficiente aquae copia ea, quam modo laudauimus, ratione tractauit. Ita animaduertit, calcis antimonii quinque drachmas et quinquaginta duo grana soluta fuisse atque cum tartaro mixtionem iniisse. Non multum ergo differentiae inter hunc emeticum tartarum, illumque, qui cum croco metallorum paratur, intercedere patet; nam uterque fere eandem antimonii calcinati copiam continet. At enim p. 40. vero qui ope *vitri antimonialis* producitur sibiatus tartarus, semimetallicae substantiae magis diues est, quam illi, de quibus haecenus locuti sumus; namque cum vitrum antimonii dupla portione cremoris tartari mixtum cum sufficiente aquae copia Auctor coxisset, deos tantum vitri scrupulos indissolutos remansisse, tartarum emeticum vero uncias duarum et quadraginta granorum pondus habuisse expertus est.

Vltimum experimentum, de quo HOEPFNERVS p. 43. retulit, cum *mercurio vitae* fuit institutum, quem quidem ea ipsa, quam supra descripsimus, methodo cum tartari cremore commiscuit et in communi aqua soluit. Iam cum duarum horarum spatium praeterlapsum esset, omnis fere materies soluta fuit, quare statim lixiuum depurandum et sufficiente calore ad siccitatem redi-

redigendum curavit. Emeticus tartarus, quem hoc modo obtinuit, ponderis fuit duarum vnciarum, trium drachinarum et quinquaginta septem granorum, filtro autem sex tantum grana inerant. Hinc mercurius vitae ad parandum hoc metallicum sal ipsi vitro antimoniali omnino praestat; veruntamen cum hic ipse mercurius nimis caro pretio vendatur, et praeterea vitrum etiam efficacissimum emeticum medicamentum cum tartari cremore, modo recte fuerit tractatum, constituat, suadendum chemicis antimonii vitrum potius, quam aliam antimoniam calcem, ad hunc finem esse Noster censet, eorumque, qui vitrum minus idoneum iudicant, dubia diluit. Ceterum lixiuum, siue antimonialis calcis et cremoris tartari in aqua communi solutionem, haud quidem crystallifari, sed potius ad puluerulentam siccitatem inspissari Auctor iubet; nam huiusmodi euaporatione emeticum tartarum oriri, qui virtute sibi semper constet, crystallisatione non item, experientia multiplici probatum esse contendit.

X.

10. G. ROEDERER et CAR. G. WAGLERI tractatus de morbo mucoso, denuo recusis annexaque praefatione de trichuridibus novo vermium genere editus ab HENRICO AUGUSTO WRISBERG — cum tab. aen. Goettingae 1783. 8. 22. pl.

Notissimus omnibus quum jam sit celeberrimorum quondam virorum ROEDERER et WAGLER de morbo mucoso doctissimus liber, nouam ejus lectoribusque commodam editionem prodiisse, Editoris, V. Cl. additamento auctam indicasse sufficit. Praefatio Cel. WRISBERGII 38. paginas comprehendit, et commendationem primum operis, post eamque trichu-

trichuridum historiam continet. Trichurides ante annum 1760 nemini innotuisse, FABRICIUMQUE HILDANUM non trichurides, sed lumbricellos aciculares descripsisse. Media hyeme 1761. studiosus aliquis in theatro anatomico Gottingensi praeparatione valuulae coli puellae quinquennis occupatus, ex improvviso vulnusculum coeco intestino, frequentissima in cadaueribus trichuridum sede, inflixerat. Prodiabant tunc cum aqua ligatum intestinorum frustulum replente et residuis excrementorum partibus, teneri vermiculi, qui a b. WAGLERO, aliisque ad ascarides aut ad lumbricos juniores referebantur. Quum tandem b. ROEDERERO et BUTTNERO hi vermes ostenderentur, in eo demum hi viri conuenerunt, quod hoc vermium genus pro nouo habendum sit. Ob filiformem caudam *trichuridum* nomine hi vermes donati sunt. Quum demum epidemia mucosa incidente, intestina hoc morbo defunctorum diligenter examinarentur, b. ROEDERERVS, quum tales vermes in omnibus paene cadaueribus inueniret, nimis liberaliter forte credidit, eos epidemiae mucosae adscribendos esse. Ipse beatus ROEDERERVS Gottingensi scientiarum academiae horum vermium exactam descriptionem communicauerat, cuius vero editio morte optimi viri praepedita est. Quae WRISBERGIVS de his vermibus in his pagellis tradit, spolia sunt, quorum ex ore praeceptoris sui recordatur, quum maxima harum obseruationum microscopicarum pars eo praesente in theatro anatomico conscripta fuerint.

Primi, quos WRISBERGIVS, V. Cl. vidit, Praefat. in duodeno intestino inueniebantur. Eos in viuer- Wrisb. fo intestinali tubo, excepto tamen ventriculo, fre- p. 9. quentissime tamen in coeco intestino inuenit. Alii corpus habebant in veram lineam spiralem conuolutum, alii leuiter solummodo incuruum. Corpus modice crassum proboscide prominente et tenuissima cauda terminatur. Maxima corporis crassities tertiam

tiam lineae partem aequat; longitudo corporis ad 7. caudae vero ad 15 lineas accedit. Proboscis ex inferiori capitis parte prodit parumper incuruata, et vagina inclusa, ex qua magis minusve exseri potest. Ipsa proboscis in obscurum canalem continuatur, intra ipsum vermem reconditum, qui in trunco vermis parumper latefcit lineamque cauam vermis sequitur. Totius vermis substantia eleganter granulata apparet. In longitudine eius striae transuersae sunt. Per omnem extensionem corporis longitudinalem canalis decurrit albus materia albissima plenus, aliusque adest, longe tenuior, in medio vermis, canalis genitalis. In extremo canalis genitalis ouula copiosissima inueniebantur in spiralibus trichuridibus, incuruae vero nihil ouulorum exhibuerunt. Canalis alimentaris ex proboscide continuatur. In cauda peculiaris adhuc canalis est.

p. 25. Haec omnia a ROEDERERO obseruata sunt. Ipse autem Cl. WRISBERGIUS quum nouas saepius ex hoc tempore obseruationes institueret, inuenit spirales modiceque curuatas trichurides duas species, in eo distinctas constituere, quod spirales proboscide instructae sint, quam curuatae nunquam ostendunt. Ambae species glomeratim saepe in intestinis ascaridibus lumbricisque immixtae reperiuntur. Deprehendit saepe Cl. WRISBERGIUS glomera ex 15 — 24 trichuridibus constantia, quarum longissimae caudae tam arcte erant implicatae, vt, vno verme prehenso, totum glomus suspensum teneretur. Nunc ea traduntur, quae nouis aliis obseruationibus circa curuarum trichuridum internam structuram Cl. WRISBERGIUS microscopio obseruauit, ea, quae ROEDERERVS obseruauerat, maximam ad partem confirmantia. *)

XI.

*) Sufficit hic notare aliis O. F. MÜLLERI et GOEZE obseruationibus probari, partem, quam caudam dixerunt Auctores, de quorum libro retulimus, caput vermis potius esse habendum, vermemque ipsum, *Trichocephalum* nominandum,

XI.

Beobachtungen der epidemischen und einiger sporadischen Krankheiten am Oberharze, vom Jahr 1777. bis 1782. von LEBRECHT FRIDRICH BENJAMIN LENTIN. — Mit einem Kupfer. Dessau und Leipzig, in der Buchhandlung der Gelehrten, 1783. 8. 160. Seiten.

i. e.

De morbis quibusdam epidemicis et sporadicis observationes, Auctore LEBR. FR. BENJ. LENTIN.

His observationibus, quibus partim rari et parum visi morborum casus enarrantur, partim morborum frequenter incidentium melior diagnosi curatioque traditur, introductio praefixa est, 28 paginas explens, in qua de aëre, aquis, locis, morbis cet. Clausthaliensibus et Zellerfeldensibus agitur. Anno 1781 paucissimos morbos in his regionibus observatos esse. Subinde homines et humidissima tempestate perdurante parum aegrotare, frequentissime vero catarrhalibus febribus malignis cum dispositione ad putredinem aut ad miliarem efflorescentiam, si calor; aut rheumatismis biliosis aliisque morbis biliosis corripiti, si frigus hanc tempestatem excipit. Autumnales morbos in his regionibus vernalibus longe mitiores esse, huiusque rei rationem in oleribus tunc comparatu facilibus latere. De gratissimis et corpus mire refocillantibus abietum, florescentiae tempore, exhalationibus. Morborum copiam semper frugibus horaeis, fragis etc. deficientibus, longe maiorem esse, quam copiosis his fructibus existentibus. De tussi efficacique ad eam medicina cantharidum pulvere externe aut dorso, aut humero applicato. De epilepsia arcenda.

In ipso opere primum de ictero agitur. Colluviei biliosae in ventriculo, hepate et intestinis signa

adsuerunt, morbusque mitis, nullique mortem inferens, diluentibus lenteque resoluentibus ptisanis, tartaro tartarifato cum oxymelle squillitico, purgantibus ac roborantibus medicinis sanatus est. Sub finem morbi methodus lente diaphoretica profuit. Rheum parum praestitit. In grauidis puerperisque, quae pueros suos non lactarunt, malum rebellius exitit.

p. 8. *De febre catarrhali epidemica 1782 (Influenza).* Aëris singularis mutatio inprimis ad hunc morbum contulit. De medendi huic morbo, pro varia ejus indole, methodo.

p. 16. *De variolis.* Ipse Cel. Auctor 32 pueris variolas inseruit. *Dimsdalii* methodo ad praeparationem, et ad insitionem antiqua methodo, quae per incisionem peragitur, (omnibus utique praefenda, quicquid Galli cantent) usus. Hanc methodum ob supurationem succedentem inprimis praestare. De variolis naturalibus artificialium insitionem proxime excipientibus. Accidit ipsi Cl. Auctori, ut filius ipsius post insitas ipsi artificiales variolas a naturalium variolarum contagio corripereetur occidereturque, aliisque et eiusdem Cl. Viri filius in ipso paene felici variolarum ipsi insitarum decursu malignarum contagium suscepit. De praecordiorum irritatione in prima variolarum febre moderanda. Ab hac plurima mala symptomata et id inprimis pendere, quod morbidae materiae coctio in superficie impediatur. Urinae etiam interceptionem symptoma subinde peculiarem tractationem requirens constituere. Aërem moderatum esse debere, nimisque frigidum crisis per cutem obstare. De biliosa saburra durante eruptione variolarum et post eam moderanda. De secunda variolarum febre tractanda. Ad urinae effluxum liberum etiam respiciendum esse. De oculis in varioloso morbo affectis tractandis. Collyrium ex melle, cui boracis grana quaedam admixta sint, inprimis

mis ad variolas in oculis conuenire, difficilem vero semper et diuturnam earum curationem esse.

Observationes de aquae, in qua ferrum fusione liquatum in grana redactum sit, ad varios morbos usu. p. 55.
Exempla a Cl. Auctore allegata probant, hanc aquam in contabescentia articularum a vi externa exorta, paralyfi perfecta articularum inferiorum, articularum debilitate et tumore, debilitate post malum hystericum, morbum nigrum, arthritidem remanente, paralyfi post saturninam colicam, hysterica passione intensa cum manuum paralyfi conjuncta, articularum infirmitate, spasmis in articulis vagis, hemicrania, insignes effectus edidisse; in variis vero vagis musculorum spasmis, paralyfi toti cuidam familiae familiari, diurna pollutione, articularum intenso tremore, articularum difficili mobilitate post apoplexiam parum aegris contulisse.

De hydrope quaedam, inprimis de signis, ex quibus incipiens hydrops cognosci possit. p. 93.
Subinde primas hydropis origines in vrinae interceptione quadam latere. De nimio potu hydropis causa, inprimis de spiritus frumenti potu. Viscerum et ventriculi atoniam ab his spiritibus exortam fructuum aurantiorum immaturorum usum optime curare. Hydropis post efflorescentias cutaneas et post febres oriundi, rationem subinde in atonia cutis paralytica latere. Asthma, a quacunque demum causa ortum fuerit, in hydropem demum terminari. De hydrope post haemorrhagias, a mercurii sublimati usu. Qua ratione hydropicorum aquae per aluum educendae sint. Gummi guttae omnibus aliis medicinis, praemittendis, praemissis praefert. De vrina pellenda. Squillam in pectoris hydrope semper obesse, Alcaliscentes et acres factae aquae hydropicae quomodo corrigendae sint. Cremorem tartari, aliaque acida lenia huic aquarum vitio, alcalino quippe, maxime obesse. In abdominali hydrope paracentesin institu-

tuendam esse, simulac aquae fluctuatio percipiatur; tunc curationem longe melius succedere.

p. 141. De hydrope anasarca. Eum saepissime malum paralyticum constituere, quod in aliis, aut post alios morbos; aut ab humorum dissolutione ortos, aut post eos, in quibus cutis functiones perspirationisque negotium vitiosa erant, oritur. Mineralia acida, caute data, ei in initiis optime mederi. Vasis expirationi inferuentibus paralytice affectis, excitantia cutem, vrticationes, fumigationes, frictiones, caet. conuenire. De incisionibus faciendis.

p. 155. De polyposa angina. Externe in aegris hoc morbo affectis, in initio, ad maiorem glutinis congelationem minuendam, vnguentum ad scabiem *Werlhofii* applicuit, vesicatorium emplastrum intra scapulas poni, et laneum pannum camphora impraegnatum pectori imponi iussit. Interne ammoniacum gummi cum aqua solutum et senegae radix data sunt. In progressu morbi salis ammoniaci spiritus datus est, et solutam glutinosam materiem emetica medicina feliciter expulit. Eadem methodo et alius aeger seruatus est.

Ad finem tabulae additae sunt, modum docentes, quo historiam morborum ad vsum suum priuatum inedicus conscribere possit.

XII.

Magazin für die gerichtliche Arzneykunde und medicinische Polizey. Stendal. 1782. in 8vo. Erster Band. Ebendesselben Werks, Zweyten Bandes, erstes Stück. ebendasselbst. 1783.

i. e.

Medicinae forensis et politiae medicae promtuarium.

Manuale in physicorum vsum primum conscribere tentauerat editor Cl. UDEN, cui vero pro-

proposito quum varia obstarent, et quum neque politica medica nec ipsa forensis medicina in libris plene tradita essent, promptuarium quoddam condidit, in quo omnia ea colligerentur, quae iudicibus iisque, qui rerum politicarum curam gerunt, scitu inprimis necessaria sunt. Eam ob causam et opusculorum lectu dignorum iam impressorum, inprimis dissertationum academicarum opusculorumque lingua alia, quam vernacula, conscriptorum versionem a fine suo haud alienam duxit.

Primo autem volumine haec continentur:

De infanticidio tractatio, occasione celebratissimae p. 1. quaestionis conscripta. Infanticidii crimen hoc inprimis modo auerti debere, ut omnis impraegnationis illegitimae macula deleatur.

De melancholia. Eam animi imbecillitatem esse p. 53. ex corporis vitioso statu ortam, in qua animus a certis externis objectis tam vehementer afficitur, ut perceptio quibus ex iis obortis resistere haud queat. De nervae melancholia, eiusque essentia.

De legali vulnerum per medicum inspectione post p. 108. homicidium summe necessaria. Versio dissertationis academicae est, a Petro Gerike 1737 Helmstadii editae.

De Io. P. Ph. Rosenfeldio, famoso fanatico et haeretico Berolinensi. Educatus maleque in prima iuventute tractatus a pastore quodam est, in eoque forte ratio sita est, quod post varia alia infortunia christianae demum religionis aduersarius euaserit. Per duos annos postea in mente captorum nosodochio detentus dimissus est, quum nil amplius fanatici in eo perciperetur. Postea septem sigillorum vitae potestatem a Deo sibi traditam esse dixit, ut autem haec sigilla aperirentur, septem virgines necessarias esse, in quibus sigillorum solutionem stupratione tentauit. Tandem ad iudicem res a muliere delata est, quae tres ipsi filias ad talem sigillorum solutionem dederat. Iu-

dicium medicum de mentis huius hominis morbo sequitur.

p. 171. *Aquarum soteriarum ad Brunkau examen. Librorum censurae.*

p. 239. In altera parte huius operis *de melancholia* tractatio continuata est. De causis melancholiae natura. De spasmodicae melancholiae, et medicinis ad eam. Plurima ex *Lorry*, V. Ill. opere depromta sunt.

p. 350. *De his, quae a physicis in terris Borussiae regno adscriptis praestanda sunt.* Formulae simul variae iudiciorum, caet. additae sunt, eaque tota tractatio inter bene elaboratas referenda est.

p. 368. *Meieri*, aulae medici Hannoverani ex cadaueris violenta morte occisi inspectione iudicium. Ex *BALDINGERI*, V. Ill. promptuario medico.

De juggillationibus et contusionibus, periculo ex iis rite aestimando, iisque curandis.

p. 401. *Cur omnia ad bouum luem auertendam haecenus tentata non suffecerint.* Principiis inprimis obstandum, et ubi inualuerit lues, eius inoculationem tentandam esse.

Io. Henr. Schulze dissertatio, qua probatur, *funiculi umbilicalis deligationem in infantibus recenter editis absolute necessariam esse.* Ex latino versa dissertatio.

Catalogus eorum, qui Berolini ab anno 1779, usque ad annum 1780. et ab anno 1780 usque ad annum 1781. demortui sunt. Bona utilisque tabula est. Morbi simul, ex quo mortui sunt, additi sunt.

Librorum censurae.

Alterius voluminis prima pars *Cothenii*, V. Ill. cogitata continet, *de necessitate nullo - medicinam publice docendi*, ex historia *Academiae Regiae scientiarum Berolinensis* e gallico translata.

Historia statusque rei medicae in terris Borussiae regno adscriptis. Bona, imo optima tractatio, notitiam

tiam omnium, quae ad rem medicam in his terris pertinent, maxime distinctam continens.

Vogelii de his, qui aqua suffocati sunt, vitae restituendis. Ex III. BALDINGERI prointuario.

De legibus circa infanticidium in Suecia datis. Etp. 103. in his terris rigorem legis hodie valde mitigatum esse.

Nosocomii publici Petropolitani pro pauperibus et insanabilibus aegris instituti historia statusque. De aliis institutis medicis publicis, inprimis *Tigurino*.

Ex actis judicialibus varia. De aegro morbum si. p. 135. mulante.

Num plumbi in grana fusio cereuisiae, quae in loco p. 144. huic fusioni vicino paratur, nociuas qualitates imperire possit. Posse aliquid nociui in cereuisiam ex plumbo redundare utique adferitur.

Librorum censurae.

De cloacarum exhalationibus noxiis.

Vita litteraria Dn. de *Chamouffet*.

XIII.

Gazette de Santé, oder gemeinnütziges medicinisches Magazin für Leser aus allen Ständen, und zum Besten einer Privatanstalt für arme Kranke herausgegeben von IO. HEINR. RAHN. Med. Dr. Erster Jahrgang, I — VI. Stück. Zweyter Jahrgang I. und II. Stück.

i. e.

Promptuarium medicum in usum lectorum cuiuscunque conditionis editum a IO. HENR. RAHN. Annus I. Pars I — VI. Annus II. Pars I et II.

Hoc periodico opere, in quo partim propriae Clⁱ editoris aliorumque medicorum lucubrationes, partim et ex variis bonis libris varia continentur, doctrina de natura corporis humani, de conseruanda bona valetudine, de valetudine morbisque cuique ho-

minum conditioni opificioque propriis, de infantum educatione, simulque regulae traduntur in morbis quoad diaetam et medicamentorum usum obseruandae, hoc tamen respectu habito, vt liber non medicis proprie inferuiat, sed communem usum habeat, quem in finem et hic liber ob argumenti bonam pertractationem merito commendari debet.

Primum *hominis historia naturalis* traditur bene elaborata, vt ii, qui medicinam non didicerunt, multum ex hac tractatione commodi expectare possint.

p. 39. *De corporis cura infantum diligenter gerenda*, de parentum cura, quam, foetu nondum in lucem edito, gerere debent. De tempore ad matrimonium contrahendum maxime opportuno (anno vigesimo). Matrimonium tantum sanos contrahere debere. De vestimentorum, imprimis in sexu sequiori, cura.

p. 71. *De bona valetudine conseruanda*. Ex *Frankii* systemate politiae medicae.

De litteratorum valetudine tuenda. Ex Cll. virorum *Tissoti*, *Ackermanni*, *Leuthneri* et *Frankii* libris.

De artificum morbis, ex *Ackermanni* libro.

p. 122. *De insitionis variolarum in patria Clⁱ Auctoris vrbe progressibus*.

Catechismus, in quo praecipua de variolarum insitione, in eorum usum, qui rus colunt, traduntur, auctore Cl^o *Aepli*. Egrege elaboratum opusculum est, ad cuius normam plures iam in Heluetia variolas feliciter suis inseruerunt.

De periculo ex secundinis in utero residuis, eodem V. Cl^o auctore. Casus simul, catechismi forma, in quibus secundinarum extractionem tentare conuenit, remediaque in variis casibus adhibenda bene traduntur.

Varia ex scriptis medicis in communem usum conscriptis, aliaque.

p. 267. *Tertia et quarta primi anni parte* *hominis naturalis historia* continuatur, et de corporis infantum cura diligenter gerenda vberius agitur. De his, quae
in

in sexu virili obseruanda sunt, de manuſtuprationis noxis, caet.

De ſecunda valetudine conſeruanda, inprimis de p. 333. ſignis bonae ex omni parte valetudinis.

De agyrtis et circumforaneis, auctore Cl^o *Aepli*, p. 344. Plurimae talium circumforaneorum et ex vrina medicorum hiftoriae partim a Celeberrimo auctore, partim ab editore traduntur.

Varia ex ſcriptis et alia ſequentur.

Quinta et ſexta pars continuationem naturalis hiftoriae exhibet, in qua inprimis de vitae tempore et duratione agitur. p. 520.

De medicis oculariis circumforaneis, auctore Cl^o *AEPLI*. Continuatio tractationis de agyrtis eſt, in qua plura infeliciū ab his hominibus temere ſuſceptarum curationum exempla traduntur.

De variis animi morbis, eorum originibus optimaque eos curandi methodo, editore V. Cl. auctore.

De corporis infantum recenter editorum cura gerenda. De his agitur, quae grauiditatis tempore agenda ſunt.

De variolarum inoculatione Cl. *Scherb*, agit.

De valetudine conſeruanda. Ex libris varia, variaque alia ad inoculationem variolarum, putredinis, per acetum correctionem, medicos ex vrina, caet. pertinentia.

Secundi anni pars *prima* et *altera* edita eſt. In ea hominis naturalis hiftoria continuatur.

De variolarum inſitione, argumentisque pro ea aut contra eam maxime vrgentibus. Doctiſſima tractatio, in qua *Sellii*, *Metzgeri*, *Platneri*, aliorumque argumenta examinantur.

In *Pauli* quendam locum, Epift. ad *Timoth.* 2, 12 — 15.

Morbi cuiusdam hiftoria, in uſum eorum, qui in pſychologia occupantur.

De morbis artificum ex *Ackermanni* libro.

Ex libris varia. De magicis rebus, caet.

XIV.

*Aufsätze und Beobachtungen aus der gerichtlichen
Arzneywissenschaft, herausgegeben von IO-
HANN THEODOR PYL — Erste Sammlung.
Berlin 1783 in 8v. 272 pag.*

i. e.

Differtationes et obseruationes ad medicinam
forensem spectantes. editae a IO. THEOD. PYL.

Varios casus hic liber continet raros subinde lectu-
que dignissimos cum doctissima epicrisi. Ob-
seruationes autem, quae in hoc tomo occurrunt, se-
quentes sunt:

*Conthoracium, qui in lecto demortui reperti sunt, le-
galis inspectio cadauerumque sectio.* Mortis probabilis
caussa carbonum vapor fuit. Ventriculus vehemen-
ter inflammatus, vasa sanguine dissoluto, spumoso
turgida, cerebri vasa turgidissima fuere; in pectore
sanguis extrauasatus spumofus, repertus est. Ven-
triculi in his cadaueribus inflammationem ab humo-
rum acrimonia intensa jam antea praesente ortam esse
Noster putat, nulla plane veneni ingesti suspicione
praesente.

p. 29. *Panis venenati falsa suspicio* in altera obseruatione
enarratur. Alius veneni dati accusationis, pariter fal-
sae, historiam tertius casus continet.

p. 43. *Mortis ex arsenici cum aqua solutione externe ad sca-
biem profligandam adhibita* in puero quinque annorum
historia. In inciso cadauere pulmones inflammati, san-
guine referti, cor eiusque vasa sanguine pariter tur-
gida, intestina aëre distenta, parum inflammata, du-
rae matris cerebrique vasa sanguine tali modo referta
distentaque inuenta sunt, vt sanguis, cerebri substan-
tia incisa, copiose profunderetur. Plures simul hi-
storiae ex auctoribus citantur, quibus arsenici externe
corpori applicati mortiferi effectus probantur. (Nos
nuper-

nuperrime diram capitis inflammationem externam immanemque dolorem in puero tredecim annorum observauimus lactisque calidi copiosissimo fotu sanauimus, qui circumforanei suasu, cobalti puluerem capiti variis in locis exulcerato inspererat.)

Mortis ex arsenico dato historia, cadauerisque incisio. P. 53. Modi, quibus ea, quae in corpore eorum reperiuntur, quos arsenici summi suspicio premit, examinanda sunt, praeclare enarrantur, et quam cauti physici in talibus casibus esse debeant, exemplis demonstratur. Probatur in primis, vapores istos allium redolentes arsenici summi signum certum haud esse, certaque signa, experimentaque traduntur, quibus arsenici praesentia cognosci potest.

Singularium symptomatum mortisque post althaeae pastam effoctam sumtam historia. P. 70. Intensus vomitus, ardor, delirium, neruorum distensiones, caet. mortem praecesserunt. Sanguis in ventriculo pectore, cerebro accumulatus et in toto corpore dissolutus repertus fuit. Inflammatio nulla. Aliud etiam exemplum noxarum ex pastae althaeae situ nimis diuturno corruptae esu ortarum adducitur.

De noxis ex euphorbii puluere externe corpori applicato.

Morbi mortisque ex opio sumto historiam octaua p. 84. *observatio continet.* Cadauere inciso summa putredo observata est. Intestinalis tubus aëre valde distentus, ventriculus tumidissimus, in interna sua superficie valde inflammatus, hepar variis locis maculis subnigris foedum, bilis putrida, lien admodum fragile inuenta fuere. Omnes abdominales venae sanguine nigro fluidoque tam valde distentae fuere, ut duplo crassiores, quam in statu naturali, essent. Pleura inflammata, cor praeternaturalem in modum dilatatum, cerebrique vasa omnia sanguine refertissima fuere. Opii grana LX hic homo sumserat, quem apoplexia ab opio inducta mortuum esse Noster putat.

Alia

Alia adhuc morbi mortisque ex opio historia traditur. Emetico dato aeger opii partem quidem maximam vomitu reddidit, verum alui obstructio ab intestinorum paralyfi inducta tam pertinax remansit, ut, gangraena et totius corporis rigore demum obortis, decimo post opium assumptum die, aeger animam redderet. — Epicrasis symptomatum ex opio nimia quantitate sumto historiam, iisque medendi methodum continet. Fortis emetica medicina omnibus praefenda est; eaque via natura subinde seipsam ab inimicissimo hoc sibi veneno liberat. Nos juvenem curavimus, qui ad mortem sibi consciscendam XC. grana opii puri vespertino tempore devoraverat. Pessima symptomata, ingens totius corporis rigor, nervorum distentiones, continuumque delirium statim sequuta sunt. Septima post opium sumtum hora vomitus spontaneus, copiosissimus obortus est, eoque opii non satis exacte triti frustra plurima ejecta sunt. Febris postea hunc hominem corripuit putrida, nervosis symptomatibus stipata, cum vitae periculo maximo conjuncta, post XXXV. demum dies convenientibus medicinis, peruviano imprimis cortice et vitrioli acido meraco aut dulcificato, sanata. Verum tam tarda lentaque digestio, tantaque virium defectio remansit, ut post integrum annum elapsum aeger nondum penitus convalesceret.

Ad vasorum distentionem avertendam Noster venesectionem, medicina praemissa, suadet.

Pluribus denique casibus expositis, ad infanticidium, remque obstetriciam, quatenus ad medicum forensensem spectat, pertinentibus, XXIII. et XXIV. observatione *de impotentia virili* agitur, eaque observationibus quibusdam singularibus illustratur.

Num epilepsia correpti matrimonium inire possint, XXV. observatione expenditur. Concedi his posse matrimonium, sana parte consentiente; raro tamen epilepticos matrimonio sanari.

Obser-

Observationes et experimenta meloës majalis vim p. 240.
ad hydrophobiam concernentia, auctore SCHÖNWALD
 Med. Dr. libro annexa sunt. Primum symptomata
 exponuntur, quibus infectio a rabidi animalis morfu
 in hominibus cognosci possit. Vidit Cl. Auctor hy-
 drophobiam in virgine ante XXIV. hebdomades mor-
 fu rabidi canis laesa. Primum autem symptoma post
 morsum dolor intensus in lacerata parte est, totum
 sensim corpus occupans. (In omnibus demorsis,
 quos vidimus curavimusque, dolor haud valde inten-
 sus fuit. Vidimus adeo manum alteram sine magno
 dolore tali morfu dire laesam, neque profunda vul-
 nera cum substantiae deperditione ori illata vehemen-
 ter doluerunt.) Signa postea, quibus canum rabies
 cognosci potest, exponuntur, et exempla demum plu-
 rima medicinae efficacem ad hunc morbum vim in ho-
 minibus animalibusque probantia adducuntur.

Finis operi observatione plane singulari imponi-
 tur infantis statim post partum, rescisso, et non liga-
 to funiculo umbilicali, in cistam sepositi, ex eaque
 post sex horas, quum vitam adhuc ageret, sanus ve-
 getusque esset, extracti.

XV.

IOHANN DANIEL METZGERS — *Grundriss*
der Physiologie. Zwote, umgearbeitete und
verbesserte Auflage. Königsberg 1783. 8.
2II. pagg.

i. e.

Primae lineae physiologiae, auctore IOANNE
 DANIELE METZGER.

In hoc libro Cl. Auctor singulari studio omnia in
 physiologiae disciplina recenter inventa diligenter
 collegit, iam antea ab HALLERO aliisque dictis adjun-
 xit, hocque modo mole quidem paruum, verum ar-
 gumenti gravitate prae aliis multis conspicuum lectu-
 que

que dignissimum opusculum condidit, in quo laudabili breuitate principes physiologiae doctrinae praeclare traditae sunt.

Epistola ad SPROEGELIUM, Berolinensem professorem celeberrimum, praemissa est, in qua, quid ad bonum et utile physiologiae compendium requiratur, simulque, quid in HALLERI primis lineis physiologiae desideretur, succincte exponitur, breuissimaque physiologiae historia praemissa, in praelectionibus academicis ulterius illustranda, *prima sectione* de hominis historia naturali agitur. Varietates hominis quinque sunt. Loquela, risu, fletu, imprimis autem sensibus perfectis magis, gressu erecto indeque pendente partium singulari forma ab aliis animalibus homo distinguitur.

Partium corporis humani analyfi chemica exposita, in qua fixo aëri cohaesionis partium causa non adscribitur, de fibra, tela cellulosa, membranis, cet. agitur. Vires, quae humano corpori viuenti insunt, *vis vitae* et *vis nervea* sunt. *Vitae vis* quoad suam naturam nobis incognita in omnibus corporis partibus praesens est, corporis partes ad functiones suas exercendas et ad sibi noxia remouenda aptas reddens. Ea et post mortem adhuc in sensus incidit, in omnibus corporis partibus, ossibus, cet. existit, in musculis vero *irritabilitate Halleriana* sese manifestat. Consensus partium ex connubio vis vitae et nerveae oritur, tela cellulosa tamen, structurae analogia, sanguifera vasa, cet. etiam aliquid ad eam conferunt. De temperamentis.

p. 15. Altera sectione *actiones vitales* comprehenduntur, primumque de sanguinis circulatione, et de sanguinis indole agitur. Sanguineos rubicundos globulos sanguinis partes constitutiuas haud, verum tantum particulas sanguineas rubicundas esse aquae parti innatantes, neque hoc verum esse, quod globuli rubri in flauos hique in albos dissiliant. Sanguis in vasis
vivi

vivi animalis detentus vitali quadam aut irritabili vi praeditus esse videtur, eaque vitalis vis ex sanguine emisso vaporum forma in aërem forte ascendit. Rubor sanguinis a phlogistico principio pendet. Caloris animalis ratio in sanguine hoc tamen modo sita est, ut et nervea vis multum ad eum conferat.

Cordis anatoem functionibusque ad sanguinis circulationem, organorum respirationi inservientium, pectoris ossei, diaphragmatis, pulmonum, asperae arteriae anatomica historia, aërisque qualitatibus succincte traditis, de respiratione agitur. Quantum pulmones ad sanguinis indolem conferant, ex comparatione sanguinis animalium frigido et calido sanguine praeditorum perspicui potest, ex eaque comparatione patet, pulmones ad sanguificationem maxime conferre. In pulmonibus sanguis refrigerari haud videtur. Calorem sanguinis a phlogisto pendere admodum probabile est. Arteriarum postea, venarum et vasorum lymphaticorum fabrica ususque exponitur, hisque praemissis de secretionibus agitur. Quamvis autem omnium humorum secretorum principia in sanguine iam insint, secreti tamen humores, priusquam secernantur, in sanguine non adsunt. Vires autem secernentes non in vi quadam attractili, aut gravitate specifica quaerendae sunt; positae potius in viva quadam vi sunt, quae in *vi separatoria, praeparatoria, secretoria* et *denuo secretoria* consistit.

Tertia sectione *animales functiones* pertractantur. p. 71.
Primum de cerebro et nervis agitur, postea autem cerebri nervorumque functiones exponuntur. Sensorii communis sedem nobis incognitam esse. Nervos non tanquam chordas tensas agere, dubios tamen et hodie adhuc spiritus animales esse: sanguinis enim quantitate cerebro advecta non necessario sequi, ut secretio quaedam in eo peragatur, aliaque argumenta, quae in vitalium spirituum favorem adducantur, pariter dubia esse. Praestare itaque nerveam vim cerebro

rebro nervisque propriam, quoad naturam suam ignotam, verum secundum certas, nobis vero plane incognitas leges agentem vim dicere.

p. 123. Sensationis theoria, organorum sensibus externis interservientium anatome, sensuumque, qui in his organis locum habent, theoria expositis, ad *internos sensus* transitus est. Animae sedes verosimiliter in medulla oblongata quaerenda est. Cerebri diversam magnitudinem, specificam gravitatem cerebri variam, variam cerebri et cerebelli rationem multum ad animi facultates mutandas in hominibus et animalibus conferre certum est.

p. 130. Voluntariorum motuum theoria singulari capite pertractatur. De musculorum structura et vi iis insita, elasticitate et irritabilitate.

p. 140. *Naturales actiones* quarta sectione exponuntur, primumque de alimentis et masticatione agitur. Hominis structuram eam esse, ut alimentis partim animalibus, partim vegetabilibus vesci possit. Salivae qualitates et actiones in cibos traduntur, posteaque, quid in ciborum deglutitione accadat, exponitur. Ciborum in ventriculo mutationes bene describuntur, diligens tamen expositio modi, quo cibi sensum in animale substantiam convertuntur, desideratur.

De bilis et hepatis functionibus copiose agitur, nec non de sanguinis in portarum vena contenti qualitate. Lienis usum dubium adhuc esse. De intestinorum, vasorum lacteorum, mesenterii, cet. fabrica et functionibus.

p. 165. Quinta sectione *de excretionibus* agitur. Fecum aluinarum excretionem exposita, de urinae secretionem et excretionem, analyti urinae chemica praemissa, agitur. De insensibili perspiratione, sudore, materiaque, quae expiratione e pulmonibus educitur (cuius tamen parcam tantum Cl. Vir mentionem facit.)

p. 177. *De iis, quae ad propagationem generis humani pertinent*, sexta sectione agitur. Primum, quid vir ad gene-

generationem conferat, exponitur. *Tensionem* coitu durante tantum in corpore cavernoso penis inferiori produci. Debilitatem ex coitu a nervorum consensu (non a nobilissimi humoris profusione?) oriri. Videtur Cl. Auctor semini virili propriam, activam, vivam, irritabilitati analogam vim, qua ovulo muliebri vitam inferre valet, tribuere; et spermatica animalcula, recentioribus observationibus magis confirmata, negare.

De virginum partibus genitalibus. Irritabilitas valde magna utero tribuitur a muscularibus fibris probabili modo praesentibus deriuata. Corpus luteum post primam conceptionem (obscurum paululum sensu, quum, WRISBERGIO, aliisque docentibus, post quamvis conceptionem corpus luteum nascatur) in ovariis generari. Menstruus fluxus periodicae uteri plethorae tribuitur. De eo, quod in partibus genitalibus accidit, ut conceptio succedat, deque ipsa conceptionis theoria nihil certi traditur, phaenomena tantum exponuntur. Superfoetationem possibilem haud esse.

Matris imaginationis vis in foetum non plane negatur. Partus historia tradita, ea exponuntur, quae in foeminis post partum accidere solent. Tandem de differentia foetus et neogeniti agitur.

De nutritione. Nobis incognitum esse, quinam humor nutritioni quarundam partium inserviat. Secretionum legibus eae inprimis partes sanguinis ad has partes adferuntur, quorum nutritioni inprimis inservire debent. Hae partes nutriendae vi vasorum partis ipsius ulterius praeparantur, parti assimilantur posteaque apponuntur.

Postremo de incremento, statu et decremento corporis humani agitur. Decrementi inprimis causae bene exponuntur. p. 209.

Paulo prolixiores in argumento huius libelli enarrando eam ob causam fuimus, ut, quanta rerum uti-

lium scituque necessariorum copia in tam angusto pagellarum spatio inclusa sit, lectores eo melius perspicere possent. Liber ceterum aphorismorum forma, nervea brevitate talique modo conscriptus est ut paucis verbis rerum copia magna comprehendatur.

XVI.

De limitandis laudibus et abusu moschi in medela morborum dissertatio, auctore BALTHASARO LUDOVICO TRALLES, medico Vratislaviensi, Vratislaviae 1783. 8. 150 pagg.

Moschi historiam LUCAS SCHRÖECKIUS doctissimam primum dedit, quumque eo tempore *Academiae Imperialis Naturae Curiosorum* collegae in corporibus ex tribus regnis naturae illustrandis singularem operam impenderent, et eorum quisque, in corpore naturali suo, quod elegerat, vires salutiferas magnas mirasque qualitates inuenire putaret, factum inde est, ut et moscho plus virium adscriberetur, eaeque liberaliter nimis commendarentur. Moschi famam nostris temporibus imprimis auxit *Praxis Londinensis*, moschum largiter ad hunc diem exhibens. Factum inde est, ut facili nimis fiducia et coeco amore hoc medicamentum in morbo qualicunque exhiberetur, utque omnium medicorum paene opera laudibus virium et virtutum, quas moschus haud possidet, plena essent. Inualuit sane pessima aegrisque maxime damnosa consuetudo in Germania, ut medici medicinis ab exteris, falsis saepe experimentis, aut non satis fidis, laudatis, fidem maximam adhibeant, bonis vero, probatis et efficacibus omnes paene laudes demant.

p. 21.

„Moschus summa et stupenda plane vi agit in nervos totumque eorum systema peruadit et commouet.“
Subtilitatis effluuiorum moschi exempla plura adferuntur,

runtur, ex eiusque effectibus generalioribus demonstratur, moschum feminis delicatioribus plane non dari viris vero non ita promiscue posse, nec in nosocomiiis adhibendum esse, quum odore suo fragrantissimo cubacula omnia inficiat, sicque varias difficultates inducat.

„*Moschus circulationem sanguinis celeriore reddidit, et fortiore, eaque propter etiam calorem in corpore auget.*“ Hoc theorema testimoniis auctorum copiosissimis confirmatur, omnesque medici, qui ad pulsum in febribus excitandum moschum praescribunt, eo ipso profitentur, quod calefacientem et sanguinem commouentem virtutem ipsi inhaerere credant.

„*Moschus sanguinem expandit, rarefacit eiusque volumen auget.*“ Ab his moschi hactenus enarratis viribus eius vis aphrodisiaca pendet. p. 32.

„*Moschus sanguinem ad caput congerit, vasa eius eo obruit et distendit, gravitatem eius somnolentiam, temulentiam inducit, tum et illum simul trudit ad pedus, in quo oppletionem et anxietatem excitat.*“ Ipse omni modo venerabilis auctor ex moscho in asthma-
tis conuulsiui insultu exhibito tantam capitis gravitatem observavit, ut plumbeum aegro caput esse videretur. Insignem capitis a moscho propinato in dy-
enterico cum visus obnubilatione perturbationem vidit, puellaque sub usu moschi per aliquot dies sibi non conscia fuit, tandemque, cessante eius usu, sibi reddita est. In eodem statu vir per quinque dies, a moschi usu permansit, et somnolentus, temulentus, delirans demum obiit. — Moschi effectus paene iidem sunt, ac opii, ita ut et opio moschus, dum debita dosi exhibetur, substitui queat.

Generalioribus his de moschi viribus et qualitatibus medicis praemissis, ad singulares morbos, ad quos moschus ab auctoribus medicis laudatus est, Noster transit. p. 45.

Primum de *hydrophobia* et laudato ad eam *Sinenſi puluere* agitur.

Sinenſium autem medicina tam manca, ridicula omnique vero experimento deſtituta eſt, vt pollicitationibus eorum parum fidei tribuendum ſit. Moſcho vires adſcripſerunt, quas certe non poſſidet, et tamen eorum de hoc medicamento nugae in Anglia fidem inuenerant facilem. Nullus haeret Noſter, quin moſchum non ſaltem nil boni in hoc morbo praestare, ſed certum nocumentum afferre, conuiſſiſſimus declaret. Nemo haſtenus aſſeruit moſcho vim hoc rabidi canis venenum deſtruendi ſpecificam ineſſe, adeoque mercurius (aliaeque efficaciffimae medicinae) ei longe praeferendae ſunt. — Dubium praeterea adhuc eſt, num calidae medicinae omnes ad morbum auertendum valeant, in quo frigidae medicinae effectus maximos edunt. Praeſtantiffimi medici morbum ceu ſumme inflammatorium tractari volunt, moſchus autem inflammationem producit, neque ob vim ſuam, qua ſanguinem ad caput pellit, tuto in morbo dari poteſt, in quo humores maxima vi ſuperiora petunt.

p. 59. Maximam autem famam moſchus in morbis conuiſſiuis ſanandis acquiſiuit, verum paradoxum videtur, moſchum in paralyſi aequae ac in conuiſſionibus laudari. Neque vlli conuiſſionum cauſſae moſchus aduerſus eſt, nec ad neruorum motus ſedandos dari poteſt, quum praeternaturales neruorum motus potius concitet. In epilepſia dari nequit, quum cauſſas morbi non tollat, et ſi antiſpaſmodicis in hoc morbo ſanando medici indigeant, eorum praetantiorum copia detur. Ad hyſtericum morbum non valet, quum omnes hyſtericae neruorum ſenſilitatem ſummam habeant, moſchus autem neruos inoueant, nec a feminis facile ferri poſſit. Nec in mania conuenit, eius cauſſis non aduerſum deſperatumque in deſperato et miſerrimo aegrorum ſtatu remedium, nulli indicationi ſatis faciens, morbumque augens. Conſtitit no-

stris temporibus, maniam maxime refrigerantibus curari, aceto destillato, fotibus frigidis capiti impositis, caet. moscho vero et opio contraria plane curationi praestantur.

Medicus, qui omnes physicos moschi affectus ante p. 108. oculos habet, eum in *morbis acutis*, inflammatoriis certe, non adhiberet, et tamen factum est, ut et ad hos morbos ab egregiis viris laudaretur. Concipi autem fere non potest, qua ratione remedium fumme penetrans, circulationem sanguinis cito et insigni modo augens, irritans, resoluens, commotum sanguinem ad viscera vitalia vehementer pellens, verbo, eosdem, ac ipsa febris, effectus in corpore producus, febris sanandae aptum et par remedium haberi queat. Nec delirium sanare potest remedium, quod sana capita turbat.

Quodsi denique et moschus eam ob causam in febribus laudatur, quod sudorem promoueat salutarem symptomataque perniciose praefocantem, ex SYDENHAMI aliorumque omnium observationibus clarum est, sudoribus in febribus imprudenter excitatis plurimos morti traditos esse. Sed praecipue ad febres malignas et putridas moschus laudatur, et alexipharmaca illi vis prae aliis longe eminens tribuitur. In veteribus autem iam multi fuere, qui malignitatem acutarum non solum non ab eo corrigi, verum potius augeri asseuerarunt; Anglorum vero auctoritate recentiores medici inprimis seducti sunt, ut huic remedio ad hos morbos vires, quas non possidet, tribuerent. Pulsus quidem et sanguinis circulatio in hoc morbo augeri debent, verum hoc non moscho, sed remediis excitantibus simulque putredini aduersis, quae indicatio in his morbis omnibus princeps est, obtinetur. Nec in conuulsionibus febrilibus multum valuit, omnesque, qui eum ad eas laudant, et alia simul magis probata remedia commendant. Exanthemata febrilia certe quidem expellit, verum quid

quaeso boni ex his sanguinis dissoluti symptomatibus euidentissimis expectari potest? Praestat in his morbis moschi loco camphoram, myrrham, corticem Peruvianum (acida mineralia) in usum vocare, quam calidissima hac medicina ignem vix extinguendum augere.

p. 174. In variolis parum leuaminis moschus semper attulit. Nec, quod ipse Noster expertus est, collo appensus variolas benigniores reddidit.

Cephalicum remedium, quod cerebrum et nervos, eorumque fluidum grato stimulo excitet, et moueat, vel cerebrum nervosque roboret, moschus haud est, atoniam potius cerebri et nervorum producit.

In apoplexia moschus nullo modo exhibendus est. Antiparalyticam vim illi quidem medici tribuerunt, verum diligenter distinguendum est inter paralysem calidam frigidamque, moschusque in calida paralyse nullo modo adhibendus est.

p. 137. Nec in asthma conuulsiuo moschus a probatis medicis laudatur. In conuulsiua tussi non tam efficax, quam emeticae medicinae et cortex Peruvianus est. (Nos morbum manifeste augeri ab eo in epidemia verna 1782. vidimus) Nec phthisicis prodest.

Vt autem iustum moscho pretium statuatur, tanquam probatum Nostro est, opio et moscho inter se, effectuum ratione, arctissimam similitudinem intercedere, adeoque et moscho, ceu debiliori medicamento, incertaeque efficaciae, haud opus esse, quum omnia, quae a moscho expectantur, opium felicius et certius praestet. Accedit, quod moschus, ob peculiarem odorem, pluribus inimicus sit. — De dosibus moschi, genuinique veris qualitatibus, et adulterato (sanguine inprimis variorum animalium) cognoscendo.

Liber TISSOTO, veteri Nostri amico, inscriptus est. Eum non sine magna voluptate legimus, et nostris observationibus cum moscho institutis probantibus,
parum

parum utique praesidii ex medicamento expectandum esse, quod a pluribus, in summo mortis periculo, ceu sacra ancora, adhibetur.

XVII.

PETRI IOANNIS VASTAPANI — de china
china in synochis putribus animadversiones.
Argentorati 1783. 8. pag. 162.

Quum Peruviani corticis usus amplissimus et summe efficax praedicetur in synochis putribus, quinimo penes multos fere unicum et tutissimum remedium sit, alii vero tantam antisepticam virtutem ipsi non tribuant, observationes, quas circa corticis usum in nosocomio IOANNIS BAPTISTAE Taurinensi, et in epidemicis constitutionibus variis collegit, Noster hoc libello publici juris fecit.

Corticis Peruviani analysi chemica ex variis auctoribus tradita, synochi putris naturam exponit. Duplex *lentoris* genus in hac febre observavit tum epidemicè grassante; in aliis enim a materie phlogistico — rheumatica, initio morbi putrescentem superante, morbus ortus est, vix autem in aliis signa a primis morbi exordiis observata sunt, quae lentoris causam diathesi inflammatoriae tribuendam esse suaderent. In omnibus tamen aegris septicum miasma praevaluit.

Symptomatibus huius febris traditis, num utilis in ea corticis Peruviani usus esse possit expenditur. Is autem ex Nostri sententia in tali febre, in qua externa quaedam causa humores ad *stasim* induxit, utilis esse non potest, quum lentor humorum oppugnandus sit, isque ab omnibus tonicis et subadstringentibus augeatur. In morbis imprimis a rheumatica acrimonia pendentibus haec stasis et adstringentium noxa valde magna est. Acrimoniae etiam, febribus ansam praebenti et a febribus generatae, corrigendae cortex Peruvianus penitus impar est, et his, aliisque ejusdem argumenti, rationibus probatur, Peruvianum

corticem neque in incremento, neque in statu, nec in decremento febrium synocharum putrium convenire.

Deinde et ex ipso corticis Peruviani ad febres aut remittentes aut intermittentes sanandas adhibiti successu et ex testimoniis medicorum copiose allatis probatur, hunc corticem, febre nullas remissiones habente, nullo plane modo convenire, metastasibusque perniciosissimis aliisque symptomatibus dirissimis ansam dari, si in febribus vere continuis continentibus, licet et nulla topica inflammatione stipatae sint, exhibeatur.

p. 61. Neque ex putredine in synocho putri praesente indicatio corticem Peruvianum adhibendi desumenda est. Longe enim alia ratio experimentorum est cum cortice et carnibus aut putridis aut recentibus institutorum ad antisepticam illius vim evincendam, eorumque, quae in vivo corpore animali instituuntur; etsi indubitata corticis antisepticam vim ponamus, in synocho putri, experientia teste, oeconomia animalis semper pervertitur, si ea, quae a sanitatis regulis recesserunt, non eliminantur; indeque tam varii tamque difficiles morbi, qui post febres synochas continuas cortice curatas orti sunt, explicari debent. Denique et vim vere antisepticam corticis Peruviani in putridis febribus temere, et parum firmis rationibus in dubium vocat.

p. 84. Ex omnibus autem hactenus expositis ex Nostri mente patet, chinam chinam adversus febres in corruptionem pronas, quodcunque fuerit harum stadium, promiscue adhibendam haud esse.

Quae omnia argumenta corticis Peruviani usum in morbi genere prohibentia, in quo omnes medici, corticisque fautores maximi eum pro medicamento habuerunt, summa circumspeditione et cautissime, febre continenti et humorum dissolutione putrida non summa existentibus, adhibendo, observationibus ab Auctore confirmantur, morborumque historiis.

Prima observatione febris historia describitur, continentis primum, postea manifeste remittentis, corticis

cis

cis Peruviani usu in continentem iterum mutatae. (Recidivam fordes non satis evacuatae produxerunt, eamque cortex, omnibus debite praemissis, certe non produxisset.) In altero casu in eadem re vehementer peccatum est, et petechiae post corticis usum non corticis, non stagnationis ab eo inductae, sed sordium a cortice interceptarum effectus fuere. Corticis malam vim hae observationes certe non probant, verum inconsideratam, damnosam, morbo faventem corticisque usui contrariam Auctoris medendi methodum. In corticis enim usu haec regula, experientia et probatissimis medicis probantibus, prima est, *eum tuto dari non posse, neque speratos effectus edere, nisi probe antea a sordibus purgato corpore.*

Tertia historia pariter non corticis, sed praeposteræ sanationis infelices effectus enarrantur. Aegro febre tertiana inflammatoria laboranti ipecacuanha primum (Salina primum ad fordes praeparandas medicina et tartarus emeticus ad eas exturbandas praestitisset) deinde nitrum cum *opio* (!), postea cortex magna dosi datus est. Talis medendi methodus non solum ad morbum maligniorem reddendum, sed et ad mortem advocandam prae omnibus apta est. Praestitisset bilem tenacissimam, foetidissimam, quam aeger in perniciosi morbi decursu copiose dejiciebat, efficaci modo evacuare, et *peracta* hac evacuatione corticem dare.

In omnibus sequentibus historiis idem error in medendo gravissimus castigandus est. Emetica, et indicationibus manifestissimis praesentibus, aegris non, ejusque loco purgans medicina data est, posteaque auctor, praemissis subinde medicinis impuri fomitis corruptionem manifeste augmentibus, *aqua theriacali* (corpore, nondum purgato atque satis adhuc impuro! cet. corticem adhibuit, naturali hoc penitus eventu, ut febris augeretur et ex benigna maligna evaderet.

Corollaria libro addita sunt, in quibus adseritur, p. 159.

sine omni praemittendorum mentione *tuto* exhiberi posse corticem Peruvianum, si tempus remissionis diuturnum satis sit. (Subinde, *Torti* hoc probante, et brevissimo remissionis tempore existente, *una* aegri *salus* in cortice posita est.)

Nunquam dandum esse corticem in acuti morbi principio, augmento et statu, tertio corollario adferitur, quod pariter falsum est; subinde enim, morbo putrido existente, vita aegri cortice servanda est, nullo plane ad tempus morbi, si praemittenda praemissa fuerint, respectu habito.

Verissima sunt, quae quinto corollario de pessimis corticis, corpore non purgato, effectibus Noster affert. Verum medendi methodus, quam, historiis morborum probantibus, ipse, adhibuit, his, quae in corollario adferuntur, directe contraria est.

Quum nostris temporibus, virorum de medica scientia praeclare meritum insigni omnique modo laudabili opera, corticis Peruviani usus in morbis acutis et intermittentibus rite jam aestimatus et determinatus sit, non opus est, ut Auctoris argumenta futilia, et jam ab aliis, BAGLIVIO inprimis, melius aptiusque agitata ulterius convellantur; caueant autem ii, quibus in rebus medicis non constans mens est, ne hujus libri, inprimis historiarum, argumento decipiantur, eoque commoti medicinam damnent, quae, si rite datur, praestantior, si vero praepostere exhibetur, nocentior nulla reperitur.

XVIII.

WENCESLAI TRNKA de KRZOWITZ — historia febris hecticae, omnis aevi observata continens. Vindobonae 1783. 8. 401. p.

Notissima Celeberrimi Auctoris opera sunt, quibus febres intermittentes, amaurosin, surditatem, leu-

leucorrhoeam, caet. illustravit, et quamuis in iis parum inueniatur, quod amplificandae medicinae proprie inferuiat, vtile tamen et iucundum est, in his libris omnia paene, quae ab auctoribus de morbi quodam genere dicta sunt, in scitum ordinem redacta digestaque reperire.

Talium autem librorum vtilitas quum inde maxima ex parte pendeat, vt omnia pathologo practicoque scitu necessaria in iis contineantur, primum ordinem in opere seruatum, posteaque ea, quae libro desunt, aut addi possunt, fideliter enarrabimus.

In duas partes liber diuisus est. Prima de natura ac varietate febris hecticae agitur. *Hectica febris* Nostro *febris continua remittens chronica est, a pastu vesperi- que semper ingrauescens et corpus sensim extenuans.* Eius mentionem HIPPOCRATES non fecit. (Nominis quidem, quantum memini, non, verum symptomatum, varietatum et specierum febris hecticae certissime. cf. de veterum doctrinis circa hunc morbum, doctam b. BRENDÉLII dissertationem, in *Opusc. part. III. recusam de phthiſeos hecticaeque discrimine.*)

Hecticae febris genera duo statuuntur. *Protopathica*, seu primaria citra aliam aegritudinem, ex solo rerum non naturalium errore ortum ducit, eaque rarissima (forte medicis tali modo nunquam visa) est, *deutero-pathica* vero aut *genetica* (a morbo alio praesente producta) aut *symptomatica* est, huicque et phthiſicorum febris accensetur. Porro hectica febris, quoad statum in inchoatam, adultam et consummatam diuiditur, (incognitus est Cl^o Viro, vt iam monuimus, liber doctissimus BRENDÉLII, huc in primis referendus.)

Symptomatibus febris hecticae (pariter non omnibus, eorum enim mira, pro loci affecti ratione, varietas est) generalioribus satis bene expositis, *causſae proëguménæ* recensentur. Hecticae febris ex praeterna- p. 41. turalibus in corpore genitis, scirrhis, caet. oriundae historia copiose pertractatur. In procatacticis hecticae

cae febris caussis aestus solis, pathemata animi, dyspepta alimenta, spirituosus potus, acria medicamenta (mercurius sublimatus, cortex Peruvianus, caet.) vermes, humorum, chyli, lactis, sanguinis, feri, lymphae, feminis, spirituum iactura insignis, metastases sudoris, sanguinis, exanthematum, ulcerum, tumorum, febres sudatoriae, acutae inflammatoriae, remittentes gastricae, biliosae, intermittentes, contagium, recensentur.

p. 140. *Diagnosis febris hecticae absoluta* vnico hoc signo pathognomonico absoluitur, calore febrili scilicet post prastum semper ingrauescente, cum pulsu accelerato. *Relatiua* vero diagnosis difficilior est, inprimis complicatarum cum intermittentibus febribus, continuis remittentibus, caet.

p. 147. *Prognosis* in sequentibus constat: 1) diuturna admodum est febris hectica, 2) tumores, hydropes, lacrymandi impotentia, articulorum crepitus, anchyloses, phthises, illius effectus sunt. 3) curabilitas febris hecticae a vario eius gradu variaque causa pendet. 4) hectica febris interdum calore aut frigore atmosphaerae, appetitu automatico, febre, variis excretis, metastasibus variis soluitur. Lethalia in hectica febre signa sunt recidiua, orthopnoea, lethargus, coma, paralyfis, pulmonum exulceratio, marasmus cum Hippocratica facie, diarrhoea colliquatiua, exanthemata varia, vrina pinguis.

p. 189. Altera operis parte *medendi febris hecticae methodus* traditur. Primum *de emeticis* agitur, quae requiruntur, si dyspepta in ventriculo collecta sunt, vermes ventriculo insident, humorum prauorum colluies in primis viis adest. Amplioris autem longe in febre hectica utilitatis purgantia sunt, quae tamen, insigni virium prostratione praesente, aut in febre hectica simplici, non dari debent. Agaricus fungus parca dosi, sed saepe datus in cohibendis hecticorum sudoribus efficacissimus est.

De aperientium usu. In his humectantia principem p. 216.
locum tenent. Aqua pura, aquae foteriae, emulsa
varia (lactis, in his morbis celebratissimi remedii, lac-
tis praesertim asinini parca, medicamentique digni-
tati nullo modo conueniens mentio redditur) optima
humectantia sunt. In incidentibus sal ammoniacus
eiusque spiritus, antihecticum POTERII, (hoc nocen-
tissimum omni modo medicamentum, hecticum po-
tius, quam antihecticum, ab Auctore valde laudatur,
et, quum tamen adstringat, incidentium classi adscri-
bitur. Maculam certe his nimis copiosis medica-
menti humano corpori tam aduersi laudibus libro suo
Vir Cl. indelebilem inussit) cicuta laudantur. No-
vum et inauditum nobis haecenus medicamentorum
genus *haemorrhagica* constituunt. De mercurii ad
febrem hecticam usu.

Spatiosus maxime medicamentorum roborantium p. 250.
campus est. In stomachicis, quae „post emetica et
„cathartica — continuo sunt exhibenda“, quassiae
lignum (praestat cortex Peruvianus) et mentha pipe-
ritis laudantur. Roborantibus et resoluentia stases leni-
torum humorum ab atonia vasorum collectas accen-
sentur. Ad eorum classem cereuisiae variis herbarum
infusionibus medicatae, glandes quernae decoctae,
martialia, balsamica antiseptica, caet. referuntur. Me-
dicamenta antiphlogistica simul et antiseptica, *antipy-
reta* Nostro dicta, *Saturnina* sunt, inprimis saccharum
saturni et tinctura antiphthifica GRAMANNI, de qui-
bus dicit, non mirum esse, si interno vsui data non-
nunquam bonos praestiterint effectus, praesertim in
cohibendis colliquatiuis sudoribus „quum huiusmodi p. 273.
„medicamenta, aquae GOVLARDI documento, ad ex-
„ternas inflammationes valeant.“ (Quanta, et quam
indigna omni modo medico conclusio!) Ea tamen
non tantopere, quam POTERII hecticum medica-
mentum, laudat Cl. Vir, talium caeteroquin, vt facile
ex ipsa tractatione patet, medicamentorum amator,
tutio-

tutioraque iis putat acida mineralia, Peruvianum corticem, mixturam GRIFFITHII, ex myrrha, aqua alexeteria, aqua alia spirituosa, sale absynthii et martis vitriolo, cui, loco salis absynthii, subinde et nitrum (mala miscela, ob duo acida mineralia coniuncta) adiicitur.

p. 308. De *chirurgicis adminiculis* altera partis alterius sectione agitur, sanguinis missione, quam temere instituendam in febre hectica haud putat. (scarificationis, cucurbitularum siccarum, frictionum, vesicantium nulla fere mentio iniecta est.) De balneorum tepidorum ex aqua communi et aquis soteriis usu. Balnea et frigida subinde hecticis utilissima fuere. De enematribus, litu, fotu, ceratis, caet. De fonticulis aliisque vlceribus in hecticis excitandis (et hoc caput calamo nimis festinanti conscriptum est.)

p. 338. *Diaeta hecticorum* tertia sectione pertractatur. De cibis hecticorum. Iura varia (viperarum, Italici et Gallici celebratissima, omissa sunt) ptisanæ, cremores, puliculae tenerae variae, gelatinae animales, fructus horaei, semina demulcentia, pisces saxatiles, carnes, ranæ, testudines, ostrea (?), cochleae laudantur. Ptisanae hordei, lac humanum, asininum, caprillum, vaccinum hecticis commendantur. Valde mirati sumus, quod Noster lac in hypochondriacis — stomacho debili laborantibus, viscerum scirrhus et vlcera habentibus „quia aut inutile est lac, aut noxium etiam „ex id genus causis hectica laborantibus,“ (!!) in his, qui cephalalgia et febre putrida laborant, contra indicari adserat. De motu, quiete, aëre (nulla aëris dephlogisticati, utilissimi in talibus morbis, mentione facta) lecto, somno, animi pathematibus hecticorum, caet.

p. 385. Additæ (haud bono certe consilio) libro historiae hecticorum sunt ex AMATO LVSITANO, P. FORESTO, LAVRENTIO HEISTERO, FRIDERICO HOFF-

MAN-

MANNO, KALTSCHMIEDIO, SCHENFELDERO collectae. Index auctorum rerumque adiectus est.

Vt autem de huius libri argumento candidum iudicium feramus, negari nullo modo potest, eum multa continere ex auctoribus collecta, (propria enim non habet Noster) scitu utilia necessariaque; verum in hoc inprimis Vir Cl. hallucinatus est, quod partim non omnia scitu necessaria tradiderit, eiusque adeo liber „*omnis aevi observata*“ haud contineat, partim autem et observata, ex auctoribus, melioribus saepe, fideque vere dignis non selectis, perscripta tam copiose in eo enarrentur, ut liber, sine omni rerum in eo contentarum detrimento, in angustius longe spatium redigi potuisset.

XIX.

Dr. ERNST ANTON NICOLAI — *Sammlung von Beobachtungen, Recepten und Kurarten, mit theoretisch-praktischen Anmerkungen. Iena. 1784. 8. 840. pagg.* Autore ERNESTO ANTONIO NICOLAI.

i. e.

Observationum, formularum medicinalium et curandi methodorum collectio. —

Iam ante aliquot annos Ill. Auctor librum de medicamentorum formulis medicamentisque in morbis rite adhibendis edidit, cujus nos etiam in his commentariis mentionem fecimus*). Hoc nunc edito opere hic liber continuatur, hoc tamen modo, ut partim de singularibus medicamentis agatur, partim vero morbi quidam pertractentur iisque maxime conveniens medendi methodus tradatur.

Primum de insigni usu clysterum ex vini aceto paratorum in iliaca passione, alvi obstructione, intestinorum inflammatione, cet. agitur, simulque de insigni acetum ad varios morbos vi differitur.

In

*) vid. Comm. nostr. dec. III. Suppl. 3. p. 547.

In incarcerata hernia inguinali, omnibus aliis medicinis irritis, clysteres ex vini aceto spasmos morbumque sustulerunt, quod tamen inflammationi adversae aceti vi non tribueremus, verum potius irritanti, vehementiores constrictiones concitanti. Pluribus aliis casibus fuisse probatur, clysteres ex aceto ad intestinorum inflammationem, alvi obstructionem, cephalalgiam ex colluvie in primis viis ortam, cet. valuisse. Acetum vini simplex destillato longe praefendum esse, ob varia peregrina huic admixta (Nos nuperrime adhuc in pharmacopolio quodam potionem MINDERERI plane coeruleam venum proflare vidimus.) De aceti ad morbos putridos curandos, et ad epidemicos putridos morbos avertendos vi, de variis acetum concentrandi modis, et de aceti cum aqua diluti ad febres acutas et morbos ex sanguinis orgasmo usu. De insigni aceti ad venenatos fungorum effectus praefocandos, aliaque venena animalia, vegetabilia et mineralia usu.

p. 63. *Historia morbi duodecim asae foetidae unciis persanati.* Tumor fuit in abdominali regione ab obstructis mesenterii glandulis pendens. Resolventia salina amaraque vegetabilia incassum adhibita fuerant. Aeger demum pilulis ex asa foetida cum gummi ammoniaco copiose assumptis perfecte sanatus est.

p. 71. *Furoris uterini curatio, injectione frigidae aquae in rectum intestinum, capitisque et partium verendarum fomentotionibus frigidis peracta.*

p. 75. *De galbani essentiae ad varios morbos insigni usu.* Rheumaticos dolores intensos a perfrigerio ortos, externe applicata, sedavit. De modo hanc essentiam, efficacem utique medicinam, parandi et de viribus illius generalioribus varia.

p. 84. *De diversa hydropi medendi methodo.* Variis ex aliis auctoribus de hydropis speciebus diversis, symptomatibus, causis remotioribus et propioribus traditis, de medicamentis ad hydropem alterantibus et evacu-

evacuantes, imprimis de paracentesi abdominis, aquarumque mira quantitate, hac operatione iteratis vicibus instituta, educta, et de ejus ad hydropem curandum utilitate dubia adhuc agitur. De aquis hydropicis non omnibus evacuandis et de fasciae ab Ill. quondam MONRO descriptae usu. (Nos compressione, quae manuum ope fit, ipso aquarum ex vulnere profluvio durante, magis amamus, aquisque evacuatis abdomen fascia obvolvimus; fascia enim, dum abdomen mole minuitur, facile cedit, ipsumque subinde profluvium aquarum impedit.) De medicinis emeticis hydropicis caute propinandis. Eas eo tantum in casu convenire, ubi viscerum infimi ventris obstructio nondum invaluerit. In purgantibus leniora fortioribus semper praeferenda esse. Pilulae hydropicae BACHERI fuscè describuntur, simulque demonstratur, hellebori extractum jam ex longo tempore ad hydropem felici cum successu adhibitum esse. Pilulae WILDEGANSII et JUNCKERI cum BACHERI pilulis satis sane conveniunt. De elaterio forti ad hydropem purgante medicamento. Veteres efficacius elaterium suum ex pulpa colocynthidis parasse, nos idem ex succo horum cucumerum aquoso parare, indeque potissimum effectus diversitatem pendere. De gummi guttae, rhamno cathartico, radicis ireos nostratis succo, turpeto minerali, scammonio, aliisque purgantibus medicinis ad hydropem adhiberi solitis.

Ab his ad *diureticas* transitus est, in iisque de te. p. 250. rebinthina primum agitur. Tartari cremor ad diuresin producendam valde laudatur. (Nos in inveterato hydrope nullos ab eius usu successus vidimus.) Mineralia acida in hydrope parum, magis vero dulcificata conveniunt. De cinerum, aliorumque salium alcalinorum et mediorum, nec non de vitrioli, cantharidum, caet. ad hydropem usu.

Diureticis autem medicinis paene omnibus ad hydropem adhiberi solitis juniperi baccae palinam du;

biam reddunt. Earum solo usu Noster plures hydropicos sanauit. Colchici oxymel valde laudatur, idque squillae Noster fere praeferre videtur.

p. 300. Diaphoreticae medicinae plures allegantur, in iisque et *Doveri* pulvis. De mercurialibus, antimonialibus, roborantibus martialibus ad hydropem medicinis. Infusum glandium quernarum tostarum subinde salutare in hydrope effectus praestitisse. De olei externo ad hydropem usu. (Chamomillae oleum ab Ill. WEIKARDO adeo laudatum nobis tamen non successit) De cutis usione, scarificatione, per vesicatoria imposita exulceratione, caet. Vulnerum ulcerumque hac arte factorum cura, ne gangraena accedat, bene traditur. De thermis, balneisque in hydrope adhibendis.

p. 385. Quid irritantes clysteres in hydrope valeant, historiis valde notabilibus exponitur. De venae sectionis in hydrope usu, et de fasciis relaxatam ab aquis distentamque cutem adstringentibus. De diaeta hydropicorum, imprimis copioso potu iis administrando, ex MILLMANNI et BACHERI operibus. Additae his omnibus historiae improuisarum hydropis curationum sunt.

p. 431. *De oculorum morbis et medicinis ad eos.* De quibusdam tantum oculorum morbis et de ophthalmia primum Noster loquitur. In omni vehementi ophthalmia aut jugularem venam, aut temporalem arteriam incidendam, oculorum vero scarificationem damnosam esse. De hirudinibus oculis ex inflammatione dolentibus applicandis. Reuellentia fortiora praemissa sanguinis missione demum adhibenda esse. Externarum medicinarum, quae dolentibus oculis imponi solent, formulae copiosissimae exhibentur. De pso-ophthalmia, puris in oculis recens natorum collectione, caet. In palpebrarum aut conjunctivae tunicae suppuratione medicamentum *Uvesii* ex butyro et

et mercurio praecipitato rubro omnibus aliis praestare. De corneae opacitate, medicinisque ad corneae maculas delendas. Earum formulae plurimae ex probatissimis auctoribus describuntur. Nucum juglandium oleum ad corneae maculas prae aliis valere.

De amaurosi. Eam haud raro ab infarctu vaso. p. 544. rum oculi oriri et antiphlogistico regimine et sanguinis missionibus curandam esse. Saepius et morbi causam in primis viis latere. Signa amauroseos, eiusque characteres essentialia exacte describuntur, simulque ex observationibus probatissimorum virorum probatur, pupillae pigritiem immobilitatemque amauroseos signum certum haud esse. Causarum amauroseos partem maximam in sanguine latere, saepius etiam hunc morbum a morbida materie in corpore latente produci. Aliae causae amauroseos ex metastasi, ex pure aliaue materia peregrina in orbitae parte posteriori collecta, ex vasorum nimia inanitione, caet. fuse recensentur et observationibus illustrantur. — De humoris vitrei morbis amaurosin mentientibus quaedam subnexa sunt.

His praemissis de *amauroseos curatione* agitur. p. 600. Electricitatis in hoc morbo usus exemplis copiosis illustratur. De aliis medicinis non tam fuse agitur.

De curationibus morborum magnetis ope peractis. p. 627. Historia huius famosi et a Vindobonensibus sine dubio nimis laudati remedii exacte et ita tradita est, ut hac tractatione omnes paene observationes circa magnetis vim, quae publici juris factae sunt, excerptae contineantur. Vim remedii ad dentium dolorem primum nostris temporibus KLAERICH, celebris Göttingensis medicus, detexit. — Haec operis pars, quum absolutam paene historiam magnetismi contineat, prae omnibus aliis nobis placuit, eamque omnibus, qui historiam rerum ad medicinam pertinentium amant, seu lectu dignissimam, jure commendamus. Casus

tamen, notabilis omni modo et doctissime a Cl^o DE WOLTER descripti, nulla mentio injecta est.

p. 749. *De insigni aquarum medicatarum Schwalbacensium usu.* Scriptorum de his aquis historia perscripta, locus describitur, ex quo hae aquae scaturiunt, earumque analysis chymica exhibetur. Proficuae fuere in animi morbis melancholicis, infarctu viscerum infimi ventris ex conaminibus haemorrhoidalibus, oculorum inflammatione arthritica, vomitu ex cardialgia, haemoptysi, neruorum insigni debilitate, convulsionibus, rheumaticis febribus, variisque capitis ex antiquo vulnere symptomatibus.

p. 771. *De emeticorum in tumoribus salutaribus effectibus.*

p. 774. *De auri tincturis, aurique tinctura* BESTUSCHEW *et la MOTTE.* Et in hac dissertatione omnia paene excerpta inveniuntur, quae de celeberrimo hoc quondam medicamento scripta sunt. Eius historia optime tradita est, modique illud conficiendi varii tali modo perscripti sunt, ut claram omni modo medicamenti ideam ex iis haurire valeas. Methodus medicamentum praeparandi a GEORGI publici juris facta et lib. 516. bro III. PALLAS: *Nordische Beyträge* inserta, omnium optima est. — De auri tincturis. Eas paene omnes ex auri in oleo quodam aethereo aut naphtha solutione constare.

Essentiae dulcis, modique, quo ea parari solet, descriptione ex lib. BALDINGERI *promptuario*, finis libro imponitur, multa lectu digna et practico medico scitu inprimis necessaria, bono ordine digesta continenti. —

XX.

Nouveaux Memoires de l' Academie de Dijon, pour la Partie des sciences et arts. Premier Semestre, C1010CCLXXXII. A Dijon, chez Cauffe, Imprimeur-Libraire de l' Acad mie des

des sciences, 1783. 8. pagg. 225, cum tabula aen.

i. e.

Noui Commentarii Academiae scientiarum et artium Diuionensis. Semestre primum.

In prima disputatione, cuius Auctor DE MORVEAU p. 1.

est, nonnulla tentamina cum variis terrestribus, metallicisque calcibus, quibus pingendi artis magistri uti possint, instituta recensentur, ut appareret, quae pigmenta cum oleosis et gummosis liquidis coniunctionem facile inirent, nec mutationi a phlogisto essent obnoxia. Neque tamen Auctor hic de tentaminibus, quae ad viride, coeruleum, cet. pigmentum spectant, reddidit rationem, sed ea modo praeparata accurate descripsit, quae forte cerussae substitui possent. Hanc enim plumbi calcem, quae sola hodie in usu est, haud dignam esse laudibus et commendatione demonstrat, quae, ut hoc, vel illo modo praeparata, et ad usum velut aptior reddita sit, ita tamen mutari omnino nequeat, ut sua ipsi maneat albedo, si phlogisticis vaporibus, acidi quibusdam guttis hepate sulphuris expulsis, exponatur. Accedit, quod hoc ipsum calcinatum plumbum iis, qui manibus illud tractant, nocivum sit atque infestum, utpote qui varios, eosque graues inde morbos contrahant. Hinc una plures causae fuerunt, quae Nostrium ad hos labores suscipiendos excitarent, qui, quos euentus habuerint, iam dispiciamus. Et quod ad simplices ter-
ras attinet, eae, quamvis fixae admodum sint, nec a phlogisto valde mutantur, haud tamen commendari merentur pictoribus, quae oleosis et gummosis liquidis difficulter nubant, et praeterea, si his fluidis iunctae fuerint, albedine sua orbentur. Ipsa aluminis terra, quam BAVMEVS his usibus idoneam censuit, album pigmentum haud largita est Nostro; nec

magis apta ad pictorum vsum varia cum naturae, tum artis producta, velut iaspidem album, spatium scintillans, gypsum spatiosum, marmor album, porcellanam, seleniten, boracem calcareum, massas mixtione et fusione quarundam terrarum enatas, cet. reperit, quae proinde calcinato plumbo substitui omnino non posse patet. Solus fere tartarus calcareus ex calce viva et tartari cremore productus Auctori aliqua commendatione dignus visus est; etenim eum album, nec phlogisticis vaporibus mutandum pigmentum cum gummosis liquidis, cum oleosis non item, exhibuisse animaduertit.

p. 14. Ex periculis, quae cum metallicis calcibus Noster instituit, hoc clarum redditum est, stannum pigmentum largiri, quod phlogistico vapore non mutetur, antimonium autem cum nitro calcinatum in terrestrem puluerem abire, qui satis albus quidem sit, sed mox albedinem perdat, si phlogisti halitibus fuerit expositus. Diaphoretica antimonii calx aequae ac perlata materia cum oleo mixta et in aëre iisdem effluuiis inquinato asseruata flauedinem contraxit, similemque etiam mutationem bisnuthi magisterium subiit, zincum e contrario, siue per se, aut cum nitro calcinatum, siue alcalini salis, aut aquae calcis ope ex solutione praecipitatum esset, terrestrem materiam, commemoratis pulueribus omnino praeferendam, dedit, quae cum oleis et mucilaginosis liquidis coniunctionem lubenter ineat, neque a phlogisto alteretur; hinc eam commendandam valde pictoribus esse Noster ratus, de inuenienda methodo, qua negotio facili et sine magnis sumptibus parari ea possit, fuit sollicitus. Nec profecto spe excidit sua; nam operationem, de qua alia occasione vberius locuturus est, ita institui posse fatetur, ut haec calx albilissima, subtilissimaque euadat, neque tamen magno pretio constet, cet. Magnesium vitriariorum et arsenicum Auctor etiam disquisiuit, neutrum tamen me-

talli-

tallicum corpus in pigmentum album et commendabile abire expertus est.

Secundi Commentarii Auctor MARETVS est, qui p. 25. in eo de construendis nosocomiis fermocinatur, et simul de modo, quo effici possit, ut in aegrotorum cubiculis aer purus et salubris feruetur, consilia dat, quae profecto attentione dignissima sunt. Etenim quum certum omnino atque euictum sit, aegrotos, quorum quandoque numerus in nosocomiis admodum insignis est, exhalationibus suis aerem, quem inspirant, corrumpere, eumque ita reddere impurum, ut noxius ipsis et saepenumero funestus euadat, eorumque morbos faciat curatu difficiliore; non potest inanis et superuacanea videri Auctoris opera, quam in eo consumsit, ut remedia inueniret, quibus impediri possit, quo minus huiusmodi atmosphaerae mutatio locum habeat. Arbitratur autem, hunc omnino finem obtineri posse, si ita construantur in nosocomiis cubicula, ut massa aeris in iis stagnans pro lubitu mutari, ideoque aegrotorum atmosphaera puro aere velut emendari queat. Hinc praecepta varia dedit, quae, quanto grauioribus et ad persuadendum aptioribus argumentis nituntur, tanto magis digna sunt, quorum rationem architecti in construendo huiusmodi aedificio habeant. Demonstravit autem primum MARETVS, aerem in superiori aedium parte minus corruptum esse, atque in inferiori; carnem quippe in atmosphaera aegris proxima breui tempore in putredinem abiisse, eam contra, quae remoto ab aegris loco seruaretur, diu mansisse saluam et perfectam expertus est. Hinc conuenit, ut ille aer, qui lectos aegrotorum proxime circumstat, saepe mutetur, cet. — Formam ipsam, quam habere debet nosocomium, accurate descripsit, eamque etiam icone illustravit. Sub finem addidit nonnulla de quibusdam aeris corrupti emendandi mediis, scilicet de acido salis volatilifato et vegetatione plantarum, eaque nonnunquam summo cum fructu adhiberi posse contendit.

Hunc tractatum excipit obseruatio de congelatione acidi vitriolici concentrati, quam DE MOR-
p. 68. VEAU fecit, litterisque consignauit. Quum enim non conueniant inter se chemiae doctores de frigoris gradu, qui congelando vitrioli acido sufficiat, quaedam tentamina repetenda Noster duxit, quibus fuit edoctus, hoc acidum frigore tredecim gradibus multo inferiori solidam naturam induere. Scilicet postquam acidi aliquam portionem concentrauerat, phialam, qua illud erat exceptum, in vas glaciei plenum indidit, statimque spiritum nitri fumantem glaciei affudit, quo facto tale frigus productum fuit, vt thermometer ad gr. 16 sub 0 descenderet. Atqui hoc non solum frigore, verum etiam gradu thermometri 2—0 concentratum acidum solidum euasit, dilutum non item. Congelata acidi massa albida apparuit et semitransparens, visaque est niuis fere similis, quae, antea quodammodo calore liquata, nouo frigore rursus soliditatem adeptam est; regulari enim crystallina forma omnino non gaudebat. Ceterum quod fluidum restiterat super congelatum acidum, nec in ferrum, nec in calcareum lapidem agere videbatur, quod nimis concentratum erat; ipsum congelatum acidum nec corium album, nec lignum nigrum reddidit, cet.

p. 73. In quarto tractatu sistitur Tabula arcuum semidiurnorum sub parallelo Diuionensi, $47^{\circ} 19' 20''$, ad singula quinque minuta declinationis, tam borealis, quam australis, inde a 0, vsque ad 31 gr. auctore ROGER.

p. 100. Quintus commentarius complectitur examina quaedam minerarum cupri earum, quae viridi et coeruleo colore conspicuae sunt, et montani viridis atque coerulei nominibus ab aliis aeris mineris distinguuntur. Ea quidem nuper SAGIO opinio fuit, coeruleum minerarum cupri colorem a volatili alcali repetendum esse, tamen neminem vnquam hoc lixiuum sal ex huiusmodi mineris educere potuisse constat. Hinc dubia admodum DE MORVEAU, huius diatribes Auctori, visa est SAGII sententia, praesertim quum ea in co-
pia

pia volatile alcali in tellure haud inueniatur, vt possit coerulei coloris omnium cupri minerarum, quae eo gaudent, causa existere. Neque tamen ausus est Noster, huic sententiae publice contradicere, antequam propriis tentaminibus fuisset edoctus, eam veritati haud consentaneam esse. Atqui de suis, quos ea de re instituit, laboribus hic rationem reddit, seque iis, ait, fuisse conuictum, praecipuam diuersitatis harum cupri minerarum coloris causam a phlogisti maiori, vel minori portione, quae cum calcinato cupro coniuncta mansit, repetendam esse; etenim aliam, expertus est, cupri metallici copiam nitri acidum, in quo eam soluisset, coeruleum reddidisse, quod dissolutio admodum lente processisset, aliam eius ipsius metalli portionem eidem menstruo, quod vero ad hoc experimentum magis, atque ad illud, esset concentratum, viridem colorem fuisse largitam, quod acidum vehementius in metallum egisset, atque adeo maiori phlogisti quantitati inde sub vaporum forma abundae data fuisset occasio, cet.

In sexto Commentario agit MARETVS de aëre, p. 106. qui ex calcis cremore et minio expelli potest, ac simul descriptionem addit eorum experimentorum, quibus de vera natura subtilis fluidi his corporibus expulsi certiores se reddere studuit. Quanquam enim multi nuper varia ratione in calcis cremorem inquisiverunt, eumque ab ignito calcareo lapide in eo differre animadverterunt, ut ille fixo aëre abundet, eaque ipsa de causa volatile alcali ex ammoniaco sale expellat quidem, nec tamen causticum reddat, hic vero aëreo illo fluido destituatur, et proinde efficiat, ut lixiuum sal ex ammoniaco sale separatum fluida natura utatur, valdeque urens sit; tamen BUCQUETO illa de aëreo acido in calcis cremore praesente opinio assumpta magis, quam demonstrata, visa est, quippe qui falsus sit, se etiam ope illius cremoris causticum alcali ammoniaco sale expulisse, cet. Hoc ergo experi-

mentum Noster ea de causa repetiit, ut argumenta, quae eo nituntur, non posset non diluere. Animadvertit autem, aërem, qui in regenerata calce inest, omnino fixum esse, atque volatile alcali hac calce ex ammoniacali sale eductum cum acidis valde effervesce, aërisque plenissimum reperiri, hinc BVCQUETI oppositionem locum habere nullum. Ceterum separavit etiam MARETUS acidi vitriolici et nitrosi ope gas ex illa calce, et aquam eo saturam cunctis illis virtutibus gaudere vidit, quibus aqua fixo aëre impraegnata p. 113. insignis est. — Ex minio, quod per se vehementi igni exposuerat Noster, (nam ope acidi vitriolici aut nitrosi perparum tantum aëris inde separare potuit,) dephlogisticatum quidem gas, illud tamen haud penitus purum, sed cum sexta circiter parte acidi aërei mixtum obtinuit, et ipsam plumbi calcem hac operatione in flauum pulverem (*Massicot*) mutavit. An forte haec calx, si vehementiorem ignem Auctor adhibuisset, in verum metallum abitura fuisset? videtur; nam parietibus vasis, in quo illa in igne detenta fuerat, quasdam splendentes veluti particulas accretas fuisse, observavit, quas de incipiente reductione testari sibi persuasum habet. (Nos ex huiusmodi particulis potius concluderemus, plumbi calcem vitri quicquam soluisse, et cum eo in massam splendentem et veluti vitriformem abiisse.)

p. 116. Commentarius septimus agit *de obstaculis* (éclu-
p. 159. ses) *canalium vehendi navibus*, auctore GAUTHEY

Commentarius octavus complectitur Observaciones mineralogicas et chemicas super Gypso spatoso WALL. sive Marmore metallico CRONST. Et primum quidem refert Auctor (DE MORVEAU) nonnulla de natalibus huius fossilis corporis locis, narratque, se illud Chasseleyi in Lugdunensi territorio et Thotae in Burgundia mox quarzo griseo, eique puro vel tantum inhaerens, vel intimius immixtum, mox etiam quarzo conchyliorum variorum pleno innatum reperisse; deinde repetit methodum, qua BERGMANNVS
in

in separanda ab hoc spato terra ponderosa (*Barote* vel *terre barotique*) usus est, et tandem de experimentis quibusdam, quae ipse huius terrae conficiendae causa instituit, reddit rationem. Etsi enim BERGMANNI modum ad ponderosam terram producendam esse admodum aptum non diffitetur, sibi tamen persuasum habet, eam longe faciliori ratione parari posse. Nimirum calcinatione unciae unius et semis marmoris metallici cum duabus drachmis pulveris carbonum mixti, et solutione huius calcinatae massae in aqua lixivium obtinuit, ex quo ope aceti aut acidi muriatici Salia media terrestria, eaque disquirendis variis liquoribus aptissima, confici posse, expertus est.

De vasis omphalo-mesentericis in nono tractatu p. 175. loquitur CHAUSSIER, suaque cum in quadrupedibus nonnullis, tum in homine super hac re facta observata recenset, et cum aliorum anatomicorum relationibus comparat. Sunt, ait, in umbilicali funiculo, praeter magnos illos canales, quibus funis ipse constat, duo alia sanguinea vascula, quae in nonnullis animalibus, simulatque eorundem abdomen apertum est, facile in conspectum predeunt, et ab umbilico ad mesenterium proficisci videntur, quare ipsis vasorum omphalo-mesaraicorum nomen a dissectoribus datum est. Sequuntur ea, pergit, omnem funiculi longitudinem, ramisque suis peculiari membranae, ab allantoide, chorio et amnio prorsus distinctae, inferuntur. Atqui haec illa membrana est, cuius iam olim NEEDHAMUS meminit, quaeque in concava placentae superficie, prope umbilicalium vasorum divisionem et supra allantoiden tunicam situm habet, et ope cellularis textus partibus vicinis adhaeret. Primis post conceptionem hebdomadibus eam capsulam ferossi liquidi plenam formare, hoc ipsum autem fluidum copia sensim diminui et tandem prorsus disparere, neque tamen membranam non conspicuam esse Noster asseverat, quae multis sanguineis vasis abundet,
ac,

ac, ut NEEDHAMI verbis utamur, *succo omni absumto, membranulam choroiden in cerebro adeo accurate imitetur, ut exempla incautis imponere possit, cet.* Iam, quod ad horum vasorum, quorum rami in hac membrana, *capsulari aut vasculosa* a CHAUSSIERO dicta, naturam et directionem attinet, alterum eorum arteriosum, alterum venosum est, illudque ex mesaraica superiori ortum habet, hoc ex ipsa membrana permultis minoribus ramis enascitur, qui deinde in unum veluti truncum mutati, arteriosum vas primum sequuntur, prope umbilicum autem illud relinquunt, et sub intestinis tenuibus progrediuntur, tandemque venae portarum ventrali inferuntur. Atque hoc iter haec vascula in animalibus, quae Auctor dissecuit, fecisse, in humano fetu, in quo non ita facile ea demonstrari possunt, arteriam quidem superioris mesaraicae arteriae etiam subolem fuisse, venam autem magnae mesaraicae venae se insinuasse animadvertit. De usu utriusque vasculi pariter, ac de tempore, quo capsula illa in veram membranam mutetur, cet. nihil certi definire audet.

p. 199. Decimus tractatus, qui DURANDIUM Auctorem habet, de calculis biliariis, et de aetheris vitriolici cum spiritu terebinthinae mixti virtutibus medicis in colica hepatica ab huiusmodi lapidosis concretionibus producta inscriptus est, continetque cum variorum medicorum, tum ipsius Auctoris, de sede, et signis huius colici morbi, et de varia ipsi medendi methodo cogitata, quae alia occasione vel refutaturum, vel confirmaturum se propriis tentaminibus esse, pollicitus est. Quae autem in hac prima commentarii parte disputavit, eo potissimum redeunt, ut demonstret, calculos biliarios peculiarem colici morbi speciem, quam male SYDENHAMUS cum hysterica, alii cum inflammatoria et nephritica colica confuderunt, producere, eamque, utut haud raro admodum pertinacem et cum gravibus quibusdam symptomatibus coniun-

iunctam, idoneae medendi rationi non resistere, sed omnino sanabilem esse. Quodsi nimirum variis signis, velut doloribus dextri hypochondrii et umbilicalis regionis, insultibus colicis periodicis, flavo oculorum colore, itemque ictero vel partiali, vel universalis, eoque mox sponte evanescente, mox regrediente, porro urina crocea, aut lateritia, intumescencia felleae vesiculae, deiectionibus albae materiae post colicos insultus, et potissimum calculis biliariis excrementis immixtis, medicus fuerit certus redditus, hepatica colica aliquem laborare, longum humectantium atque diluentium, item aperientium medicamentorum usum ipsi primum commendandum, et deinde cum his aetherem vitrioli cum terebinthinae spiritu mixtum coniungendum esse. Noster suadet, quo quippe medicamento, cuius quotidie drachma una cum cyatho feri lactis, syrupi violarum, cet. pro dosi matutino tempore sumi debet, dissolvi calculos, sua se experientia edoctum esse fatetur. Ceterum si forte haec medicina nimis calefacit, aut dolores in hepatis regione excitat, venae sectione et balneis his symptomatibus obviam eundum, ipsum autem illud medicamentum diu continuandum est; nam quandoque malum omnino non tollitur, nisi ad minimum libra integra mixturae illius sensim assumpta fuerit. Finem curationis Noster lenibus purgantibus facit, quae tamen haud esse adhibenda monet, priusquam symptomata admodum mitigata sint.

In ultimo huius voluminis commentario tradit
M A R E T U S histeriam meteorologicam anni
MDCCLXXXII.

p. 235.

XXI.

IO. ZACH. PLATTNERI, D. et Prof. Med.
Lips. Institutiones Chirurgiae rationalis, tum
medicae, tum manualis, in usus discentium.

Editio

•Editio nouissima, recensuit, notasque adje-
cit CAROLVS CHRISTIANVS KRAVSE,
Med. Doct. et Profess. Lipsiensis. Lipsiae,
sumtibus Caspari Fritsch. 1783.

Celeberrimi quondam Viri, qui et sermonis ele-
gantia delectat, et doctrinae praestantia adeo ex-
cellit, vt Chirurgorum Germanorum tum temporis
primus nostraeque Academiae insigne decus haben-
dus sit, Institutiones Chirurgiae tertia iam vice editae
sunt a Professore Academiae nostrae, elegantissima
Celsi editione, multisque aliis modis de re medica opti-
me merito. Addit nunc doctrinae copia, qua no-
uam hanc editionem Plattnerianarum institutionum
non perlustrauit solum, sed talibus etiam illustrauit
animaduersionibus, quae de Ipsius egregia eruditione
praeclare testantur, nouum suis in artem medicam
meritis. Quod formam attinet, inde etiam huic edi-
tioni, effigie b. PLATTNERI ornatae, aliquod para-
tum est commodum, quod moles libri minoribus li-
teris quasi imminuta, et tum ipse ad normam versionis
eius Germanicae, a BOEHMERO curatae, in partes
duas diuisus, tum illi appendix medicamentorum,
quae tamen, vti et index, non mutata est, adiecta
fuerit. Animaduersiones Cel. Editoris, crucis signo
distinctae, pleraeque ad explicandum vel et emendan-
dum nouissimisque inuentis praecipuis illustrandum
Auctorem faciunt.

Maxime autem iis illustrata sunt sequentia capita:
de gangraena et sphacelo; de adustis; de amputatione
membrorum; de scirrho et cancro; de aneurisma-
te; de neruorum distensione; de hydrophobia; de
oculorum morbis; de labio leporino; de broncho-
tomia; de vexatis; de paracentesi; de polypo na-
rium; de herniis; sarcocoele; hydrocele, cui pneu-
matocoeles historia adiuncta est; vna cum descriptio-
ne hydroceles funiculi spermatici: de vlceribus; de
fistula

fistula lacrymali, et ani; de dentium morbis; de luxatis et fractis; de suffusione; de viarum vrinariarum incommodis, catheterismo, paracentesi vesicae, et calculosorum curationibus.

Praefertur spongia non cerata, arctius fortiusque p. 12.
 siue torculari, siue crassioribus cannabinis filis vehementius constrictis compressa, quum promptius forbeat et intumescat, minus vero premat et irritet.
 Defenduntur ii, qui de sanguinis extra vasa arteriosa p. 17.
 in telam cellulosam effusione dubitant; oculorum enim, aliarumque partium vere inflammatarum vasa singula disereta turgent. In inflammatione interiorum p. 22.
 partium quatuor inflammationis notae non semper manifestae sunt; et febris inflammationem concomitans saepe tantum est catarrhalis, erysipelatodes, vel putrida. Pus saepius in abscessibus et ulceribus p. 24.
 diutius pus plorantibus gignitur, licet nulla inflammatoriae crustae nota in sanguine adsit, idque in levioribus inflammationibus non raro locum habet, quod contra HAENIUM contenditur. Gangraenae avertenda p. 31.
 grae gratia sanguis etiam, tertio die jam elapso, mittendus est, si resolutionis spes evanuerit. Ad magnos abscessus aperiendos, si circa eos multus tumor, p. 42.
 non, si ii altius conditi sint, setacea profunt. Loco p. 47.
 ferri candentis, butyrique antimonii alia aptiorque carbunculorum curatio demonstratur. Parotidum p. 50.
 tumores vix non semper a glandula illa conglobata, quae parotidi insidet, initium capiunt. Cereus, materia p. 53.
 virulenta infectus, laudatur ad gonorrhoeam revocandam; sanguisugae plures ad scrotum applicatae p. 54.
 in incipiente testiculorum inflammatione commendantur. Quantum paronychia genus a Cel. Editore p. 60.
 emplastro malactico feliciter discussum est. Additur p. 64.
 pustulosa vel bullosa erysipelatis species. Cuius morbi p. 65.
 causa frequens est cacochymia biliosa. Metastasis p. 77.
 critica in febribus interdum est generis gangraenosi.
 In omni gangraena, ea quoque, quae a vehementiori p. 79.

- tiori inflammatione ortum cepit, nocent, evacuantia.
- p. 86. Causa gangraenae incrementis saepe est impurus nosodochiorum aër. Bene de utilitate et damno corticis
- p. 87. Peruviani in gangraena. Dubium adhuc, quid agendum, si in media artus parte steterit gangraena. Liquamen myrrhae, ulceris nutriendi ergo solum adhibitum, nimis siccat; praestant igitur unguenta balsamica.
- p. 100. Adusti digiti etiam liberali usu aquae vegeto-mineralis curvi redduntur. Quum lintheum, in vulnus demissum, ferram, dum ea ducitur, remorari possit, eius loco adhibeatur corii genus, quod Pergamenum
- p. 108. audit. Est dubium adhuc, num vasorum compressorum vel constrictorum parietes intus concrecant.
- p. 109. In scirrho recte definiendo durum a tumido probe discernendum est. Sententia veterum de melancholico succo, ut causa scirrhi, non adeo inepta est.
- p. 116. Sed in hoc morbo utilitas electricitatis dubia; verrucarumque equinarum laus superstitionem olet; prodesse tamen potest aqua calcis vivae, lacte commixta, nisi ventriculum laedat. Aliquem novit Cel. Auctor, qui, quotiescunque de aliqua re stuperet, labrum inferius non dentibus mordendo, sed vehementius tantum comprimendo, istius canerum letalem sine praegressis verrucis sibi contraxerat. Prohibentur validiora saturnina, quorum usu aliquis tumor scirrhosus
- p. 117. immenso auctus est. In Medici, cuius oculus saepe maculis rubentibus plerumque versus externum cantum mutatus fuerat, capite, et quidem hemisphaerio illius lateris, magna vomica purulenta reperta est.
- p. 128. Ill. PLATTNERVS in ophthalmia mercurialia nimis parum laudavit. Pterygium nascitur a coniunctivae ab inferioribus solutione, cuius vascula nullum sanguinem receperunt, non autem ab acris humoribus in partes solidas coeuntibus; nisi ex praegresso mutatoque panniculo enatum: panniculus vero ex arrosis,
- p. 131. aut sanguine distentis vasculis. Errant, qui novae sub-

substantiae generationem in locum vulnere deperditae negant. Sutura cruenta, interdum utique necessaria, in vulnere longo ter suendo raro bene procedit, nec diu adeo relinquenda est. Totum systema arteriosum morbosum est, si aneurysmata in pluribus locis sine euidenti causa oriantur. Verum aneurysma, in medio humeri ortum, simplici illo apparatu, qui ad fonticulos in humero deligandos adhibetur, splenioque sat crasso feliciter curatum et retentum fuit. Methodus nova LE COMTE arteriarum vulneribus medendi frustranea creditur. Opium in dolore ad maiorem inflammationem auertendam necessarium nervorum vires minime frangit! impedit hoc enim tensio nervorum a dolore facta. Machinae ad maxillam vi deprimendam propositae vanae sunt, PLATNERVS opioni de noxa illa, quae aëri a glandibus maioribus perniciosissimo motu prouolutis compresso, et partes corporis humani male afficienti, licet glandes ipsae partes non attingant, attribuitur, nullam fidem dedisse dicitur.

Virus a rabidi animalis morfu natum non in sola salua haeret; ea enim est humor ex sanguine secretus. Verosimile, hydrophobiae naturam spasmodici generis esse.

Pericranium cum osse coalescere potest, nisi aut pericranium, aut os, iam alienatum fuerit, etiam tum, cum suprema ossis lamella tantum alienata, quae radendo auferenda est. Cuius sententiae Ill. Auctor etiam fuisse videtur, licet maius in hac re periculum obstare putet, quam Cel. Editor. Resonitus seu contrassurae in ossibus docent, ex observationibus, quae in vulneribus capitis partes alterius, vulnerato oppositi lateris laesas tradunt, nil certi de chiasmo fibrarum medullarium colligi posse. Methodus Auctoris modiolum applicandi optima iudicatur. Addita est ratio, guttur ad illapsa extrahenda aperiendi. Exsuctio aëris humorisue, in pectoris vulneribus com-

mendata, fugienti vere noxia est; et quum humor contagiosus etiam halitu, nec non ipsa vulneris contractatio nocere queat, et diaphragma in aliquo tubuli loco efformatum noxam hanc auertere nequeat; melius est, quod aut vulneratus vulnere incumbat, aut humor inciso thorace extrahatur. *Thedenii* modus, arterias sub costis ad anteriora currentes vulneratas curandi, contra *Steidele*, arteriae, quae fonti suo vicina sit, et cum costa et pleura arctius cohaereat, libertatem sese contrahendi denegantem, ita defenditur, ut angulus, sub quo istae arteriae ex trunco suo exeunt, impetum sanguinis a vicinitate profectum multum infringere, arteriarum dissectio et a costa resolutio, versusque spinam replicatio ipsarum contractionem adiuuare; communia igitur haemorrhagiarum auxilia et per turundam facienda mediocris compressio post haec sanguinis profluvia sistendo sufficere posse dicantur.

Part. II.

p. 374. Additur, hydarthron, scirrhus, erysipelatodes,
p. 379. speciebus oedematis. Pediluua ex globulorum mar-
p. 385. tis solutione parata praestant lithargyrio. Adiungi-
p. 398. tur hydrophthalmiae nothae historia. Ganglia mi-
nora nec nimis dura, nec nimis vetusta, emplastro
mercuriali et spiritu saponato optime discutiuntur.
p. 400. Polypus narium non semper a pluribus pediculis de-
pendet, sed increfcens pluribus locis magis aggluti-
p. 402. natur. Externa remedia, quibus aliquid acidum mine-
ralis adhaeret, valde diluta polyporum altius occulto-
rum vasa contrahendo ipsorum radices exsuccas red-
p. 411. dere et ita separare possunt. PAVLVS AEGINETA
et AETIVS jam rupturam peritonaei in herniis nega-
p. 420. runt. *Le Dran* et *Palfini* notio de herniis umbilica-
libus, quae optime duabus pilis retinentur, a vero
p. 422. distat. Propter magnam herniarum diuersitatem,
p. 428. scalpellum caute et in herniis inflammatione caren-
p. 429. tibus non statim adhibendum, maius etiam periculum

in herniarum non incarceratarum, quam in incarceratarum operatione. *Elfi* methodus, hydrocelen p. 449. per caustica curandi, in viro quodam a Cel. Editore feliciter adhibita est. Post vlcuscula venerea male p. 456. tractata in sano et seducto iuvene praeputium, plane immobile, cum glande arctissime coaluit, substantiaeque simul iacturam cauae cicatrices euidentissime indicarunt. Flaccida praeputii pars sectione orbiculi ita caute auferenda est, vt culter nullo modo frenulum laedat. Tincturae cantharidum in verrucis vsus, p. 462. vanus est. Sola eorum, omnisque, quod circa eas est, duri resectio iuuat. In clauis pedum adeps suillus recens praestat emplastris. PLATTNERVS, qui p. 487. vtique herpetis curationem difficilem iudicauit, contra *Schmuckerum* defenditur. Nocet in porrigine capillorum euulsio, vsusque pulueris bufonum tostorum dubius est. Fistula est vlcus angustum, et paulo longius procurrens, non autem callosum, nisi sola vetustate. Callus ex solidis partibus a varia causa mutatus existit, fibrosa enim ejus est natura. Saccus lacrymalis, cuius tunicae multum debilitatae, non ad PLATTNERI noxium modum, sed solis digitis crebro et caute comprimendus est. POTTII methodus fistulam p. 534. ani incidendi Plattneriana praestat. Incisio cutis cum p. 537. panniculo adiposo multum difficultatis habet, et PLATTNERI, DE LA FAYE, PETITIQUE rationes, si fistula altius in intestinum pateat, neutiquam sufficiunt. PETITI et Gallorum consilia scalpello venas p. 542. haemorrhoidales incidendi tum approbantur, cum in tuberculis majoribus sanguis spissus et crassus haeret. Condylomata, nates, perinaeum, posterioremque scroti partem occupantia ex lue gallica nondum confirmata orta Cel. Editor experientia cognouit. Nocent in carie ossium mercurialia, si largius exhibita, vt p. 564. et acria decocta. Methodus *Bellostii* denudato ossi p. 565. medendi non semper necessaria est. Quum observationes de magnis partibus ossium corruptorum, vel inte-

gris ossibus regeneratis, rariores sint, quaeritur a Cel. Editore, qui ideo ad TROJAE in brutis facta experimenta prouocat, num haec regeneratio forte efficaci et acriori periosteum externum grauius laedente curatione
p. 577. impediatur. In dentium febre nimioque calore profunt hirudines ad maxillae inferioris angulum admo-
p. 578. tae. Causa proxima tartari dentium non cruditates et reliquiae alimentorum, sed materia ossea dentium luxurians et per superficiem arrosam sudans. Ad euelp. 580. lendos dentes sola forceps apta est. Secundum *Vogelium* Lubecensem mandibulae in posteriorem partem luxatio affirmatur.

In addendis contra PORTIUM, qui nouiter gibberositatem et crurum imbecillitatem vel paralyfin a communi causa, scilicet vitio humorum per metastasin ad spinam delato, deduxit, contendit Cel. Editor, crurum imbecillitatem, quippe quae in omnibus gibberosis parum bene nutrita sint, non semper ab eadem causa effici posse, quae gibberositatem, saepe et ab
p. 656. externa causa ortam, pariat. Cauendum, ne emollitum os pro fracto habeatur; et ipse Cel. Editor expertus est, puellae quinquennis, tabe tandem absumtae, femorum propter acidomucosam humorum indolem emollitorum dextrum a duobus Chirurgis diu vti fractum tractatum esse. Rationes, quas recentiores ad fasciarum longarum noxam in fracturis ossium demonstrandam afferunt, valent ad omnes fascias contemnendas.
p. 708. In suffusione curanda ille culter optimus, cuius dorsum obtusum lineam rectam refert, mucro satis cuspidatus, et per lineam geometricam anceps et minime cedens, latitudo inde a mucrone paulatim maior, et vbi maxima, corneae diametrum dimidiam
p. 711. aequat. Mydriasis nec ab Ill. PLATNERO pro symptomate amauroseos pathognomnico habita est. Ce-
p. 722. reus, saepe sufficiens, catheteri praeferri potest. Duriores calculi a nulla medicina intus sumpta mutantur.
p. 784. LE CAT supellectilem magis, quam enchiresin, mutauit.

tauit. *Günziana* methodus cutim incidendi a *Celsiana* p. 786. differt, et *Bromfield* hanc imitari volens, quum vocem coxarum per tuberositatem ischii, non per acetabulorum regionem explicuerit, errauit. Ductor ca- p. 789. naliculatus *Hawkinsii* praestat illo *Bromfieldii*. Foe- p. 797. mina quaedam filio suo quinquenni calculum prope exitum haerentem fugendo extraxit. Inter scriptores artis obstetriciae, quorum Catalogus adiunctus est, *Deleurye*, et *Baudeloequii* libri, quorum priorem p. 807. *Flemming*, alterum *Meckelius* verterunt, liberque *Steideli* ceteris omnibus praeferuntur.

XXI.

Vroedkundige Oeffenschool, vervattende in een klein bestek meerderendeels alles, 't geen tot deze Konst eenige betrekking heeft, de Geneeskunde uitgezonderd, uitgegeueu bij wijze van Lessen, door den Professor IACOBS. Met kopere Plaeten, Te Gend, 1784. 4. maj. 432 pag.

i. e.

Schola artis obstetriciae breuiter complectens omnia fere, quae ad hanc referenda aliquo modo sunt artem, arte therapeutica tantum excepta, in lectiones diuisa et publici iuris facta a Professore IACOBS, adiectis simul iconibus aeri incis.

Res ipsa loquitur, artem obstetriciam nostris temporibus prae reliquis doctrinis maxima cepisse incrementa, quum doctissimorum virorum ingenia excitata fuerint ad eam excolendam non solum et augendam, sed etiam ornandam ac perficiendam. Quorum in numero et Cl. V. IOHANNEM BERNARDVM IACOBS esse intelleximus, qui non solum olim hanc artem doctissimis libris exposuit atque illustrauit;

- RAVLINI *) siquidem *succinctas institutiones artis obstetriciae* belgico idiomate prodire iussit, et **) *manuale artis obstetriciae* siue *catechismum* edidit, quibus doctorum gratiam promeruit virorum: sed etiam hoc egregio libro eorum vsibus inseruire studuit, qui plura scire cupiunt. Ipsius libri paulo accuratior perlustratio nos utique de Clⁱ Auctoris doctrina in hac arte prorsus singulari certiores reddere poterit. Toti
- p. I. autem operi praemittit *introductionem*, qua docet, *artem obstetriciam ad principes doctrinas medicas esse referendam*, et singulare prorsus studium atque attentionem prae arte chirurgica requirere, eam potissimum ob causam, quia circa vitam duorum versetur hominum.
- p. 3. num. Deinde *ipsam artem describit*, atque docet, quali notitia imbuendus sit, qui illi suum consecrare studium, eamque cum fructu cupiat exercere. Tandem *catalogum librorum de arte obstetricia* adiecit, continens scripta aut belgico exarata idiomate, aut in illud translata, qui, quum multa ibi commemorata atque laudata, neque in HALLERI, neque in VIGILII DE VIGILIIS a CREVZENACH *Bibliotheca Chirurgica* inuenerimus, supplementi loco esse poterit.
- Pars I. Primam vero quod concernit partem, illa *cap. 1.*
- p. 23. *de partibus mulierum genitalibus* agit. Duplici diuisione harum partium in actiuas et passiuas, et in molles et duras praemissa, peculiarem aggreditur descriptionem,
- p. 24. incipiendo a *pelui*, cuius non solum structuram, situm, ligamenta, sed etiam usum atque dimensionem differentiamque a virili exacte et paulo verbosius explicuit. Accurata vero conuenientia, quae inter peluim
- p. 45. ac caput infantis intercedit, Auctorem duxit *ad capitis infantis considerationem*, quod, quum dimetiendo diuersae latitudinis esse deprehendatur, propter hanc diffe-

*) Prodiit anno 1771. sub titulo: *Kortbondig Onderwijs aengaende de Vroedkunde.*

**) Anno 1777. publici factus est juris sub titulo: *Vroedvrouwen Handboekken ofte Catechismus.*

differentiam aptum est, vt per peluim commodius
 queat transire. Hoc explicato, *molles partes genita-* p. 47.
lium explicat, quas more recepto in externas aequae ac
 internas diuidit, easque seorsum eleganter et distincte
 describit. Sequitur ipsius *menstrui sanguinis* confide- p. 58.
 ratio, quae omnia paucis complectitur ad menstruum
 sanguinem spectantia. Hanc vero excipit *conceptio*, p. 60.
cum signis, ex quibus illa cognoscitur, quae quidem
 penes primiparas sunt incerta, penes alias autem cer-
 tiora, euidentioraque, differunt tamen pro varia cor-
 porum constitutione. Porro agit Noster *de grauidi-* p. 65.
tate sic, vt eius signa probabilia aequae ac vera indicet,
 et de successiuis eius incrementis, et tempore gesta-
 tionis legitimo verba faciat. Simul vero etiam op- p. 69.
 positum grauiditatis, *sterilitatem*, ex suis causis explicat,
 quae ex praeternaturali structura partium generationi
 inferuentium, aequae ac ex morbis has partes infestan-
 tibus colligitur. Propius accedit ad *embryonem eiusque* p. 70.
annexas in utero partes, simulque explicat, qualis situs
 infantis naturalis scilicet esse soleat in utero. Hoc
 caput tandem *descriptione uteri grauidi* absoluitur. p. 79.
 Cap. 2 *partus historiam* in vniuersum proponit, p. 87.
 atque signa ordine recenset, ex quibus intelligitur, par-
 tum proxime instare, quae quidem curatius sunt ex-
 ploranda: transitus denique fit ad *mechanismum par-* p. 90.
tus explicandum, qui quidem duplici modo perfici-
 tur, a variis videlicet partibus, quarum aliae agendo,
 aliae vero patiando suo rite defunguntur officio.
 Cap. 3. *res cum partu naturali coniunctas* peculiari p. 94.
 ac proprio describit modo, naturalis quippe partus
 notione rite determinata atque exposita, res illae seor-
 sim censurae curatori subiiciuntur. Vnde de *tactu* p. 95.
 siue *exploratione*, praeceptisque ad hanc spectantibus
 primo loco disseritur; quibus absolutis, *instantis par-* p. 99.
tus signa recensentur, vna cum *doloribus ad partum*, p. 100.
 quorum genera diuersa breuiter quidem, attamen di-
 stincte declarantur. Oratio porro ad *aquas humectan-* p. 104.

- dis partibus genitalibus* inferuientes dirigitur, vbi obiter praeiudicium, quasi absque his aquis partus naturalis absolui queat, saepiusque absolutus sit, refellitur. p. 107. Pergit ad *parturientis foeminae situm* describendum, qui in partu naturali non rigorosius est urgendus, sufficit siquidem talis collocatio, qua ipse foetus non laeditur, qualis vero optimus in lecto situs esse debeat p. 109. addit. Maiorem tamen Ipsi attentionem meretur *praesidiorum recensio, quibus obstetrix ac medicus obstetricius in partu naturali praesto esse ac succurrere debet.* p. 111. Igitur de *funiculi umbilicalis deligatione, de secundinarum extractione, et de soluenda placenta* in vtero firmiter adhaerente et relicta necessariae encheireses commendantur. p. 121. *Cap. 4. curam circa puerperam* inculcat, quomodo scilicet versandum sit, si partes quaedam in partu laesae aut contusae sunt, quomodo in lecto sit collocanda, quibus stragulis tegenda, et quae obseruanda sint, si lac infanti praebeat, aut illum nutrici committat, etc. p. 128. *Cap. 5. curam infantis neogeniti* graphice delineat. Hic de lotionibus infantis, de fasciarum applicatione, de capitis integumentis, de cunarum colloca-
tione et motu agit, et imprimis recte nimium motum et horizontalem reprehendit, quia inde affectus vertiginosi, p. 133. stupiditas, aliaque mala oriuntur. Tangitur hic etiam *cura infantis a natiuitate usque ad ablactationem* *) paucis, et *qualis potissimum nutrix* **) sit eligenda, ne sanitas et mores infantum corripiantur ac pessundentur. p. 140. Obseruationes quaedam egregiae etiam hic de educandis infantibus leguntur, reprehenditur consuetudo mammas praebendi paulo frequentius, pultis usus, etc.

*) Plura scire cupientes ad BALLEXSERDI peculiarem libellum de hac materia saepius recusum ablegamus.

**) Apud veteres medicos multa de hac electione inueniuntur, et nostris temporibus hoc caput tractauit ROSENSTEIN *de morbis infantum.*

etc. et tandem quomodo remotio a lactis suctione fieri p. 145. debeat. *Cap. 6. de abortibus* praecipit, quorum pe- p. 146. ricula indicantur simul cum circumspeditione a medico obstetricio exigenda. *Cap. 7. de partibus prae-* p. 151. *maturis*, et *cap. 8. de partibus serotinis*, et *cap. 9. de* p. 153. *partu mortuo* agit. Signa, ex quibus mors infantis col- p. 154. ligitur, duplicis sunt generis; primum enim aut grauiditatis tempore mortuus est, aut demum sub partus nixibus laboribusque; propria illa signa distincte hic indicantur. *Cap. 10. de gemellorum partu* sic tractat, p. 160. ut signa quidem dubia suppeditet, quae vulgo vendi- p. 165. tantur. *Cap. 11. de superfoetatione*, et *cap. 12. de gra-* p. 166. *viditate falsa*, qua mola prodiit, atque *cap. 13. Mulie-* p. 169. *ris statum post partum* explicat.

Secunda huius libri pars *partus laboriosos et prae-* Pars II. *ternaturales* sistit, et quatuor sigillatim sectionibus ab- p. 175. soluitur, quarum quaelibet in capita diuisa est. *Prima* p. 177. *vero sectio laboriosos partus ob vitiosam parturientis con-* *formationem* continet, quae propriis capitibus vberius describitur. Itaque *capite primo* commemorantur *vi-* *tia in labiis vulvae* occurrentia, quorum pertinent tu- mores aquosi, tumores sanguinei, inflammatio tumorum ichorosorum, rigiditas siue immobilitas partium genitalium. *Cap. 2. de vitiis vaginae* agit, ubi com- p. 180. memorantur angustia praeternaturalis vaginae, concretio vaginae, praesentia hymenis, aut alius membranae praeternaturalis, tumor vaginae, hernia inguinalis, inflammatio vaginae, vlcera maligna, nimia vaginae siccitas, spastica ipsius contractio, eius apertura in intestinum rectum hians, aut versus umbilicum directa. *Cap. 3. persequitur vitia orificii uteri*, ubi p. 188. concretio, induratio, intumescencia, inflammatio, descensio et spastica contractio orificii uterini describuntur. *Cap. 4. vitia uteri* recenset, ad quae refe- p. 194. runtur, situs uteri obliquus, hernia uterina, inflammatio uteri, gangraena, atonia, fissura, et haemor-

- p. 223. rhagia vteri. *Cap. 5. de laborioso partu* deficientibus doloribus ad partum differitur. Duplici hoc vitium prodit modo, videlicet si veri dolores cessauerunt,
- p. 227. deinde a spuriiis doloribus. *Cap. 6. de infirmitate et*
- p. 228. *imperitia parturientis. Cap. 7. de impedimentis a vicinis vteri partibus* oriundis. Eiusmodi autem impedimenta sunt, vrinae retentio a pressione capitis infantis, aut calculo in collo vesicae immobilis haerente, excrementorum accumulatio, intumescentia vaforum
- p. 231. haemorrhoidalium, ouariorum tumores. *Cap. 8. de vitiis casu fortuito praeternaturales partus* producentibus. Haec potissimum vitia sunt, primiparae immatura iuventus, aetas paulo prouectior, nimia pinguedo, hydrops, magna plethora, conuulsiones, claudicatio, gibbositas, parua fratura, epilepsia, mors.
- p. 238. *Sectio secunda* laboriosos et praeternaturales *partus* sistit *propter vitia in ipso infante* obuia, et partibus ad illum pertinentibus. Dilucidius singula huc spectantia peculiaribus enodantur capitibus. Igitur *cap. 1. de vitiis laborante capite infantis* agit, in quo inprimis veniunt in censum, nimia capitis magnitudo, mala conformatio, hydrocephalus, duo capita in vno trunco collocata, ossificatio fontanellae et futurarum in
- p. 252. caluaria. *Cap. 2. vitia in corpore infantis* occurrentia, qualia sunt nimia humerorum latitudo, mala corporis conformatio, concretio duorum infantilium corporum, et hydropica affectio infantes inuadens, quo in vltiore casu paracentesin instituere suadet, si scilicet viuus sit infans. Huic operationi adaptari potest instrumentum triquetrum aut simplex forfex, ita tamen, vt simul eius applicatio cum vsu recepta forcipis conueniat applicatione, ita scilicet, vt instrumentum directionem manus ex assse sequatur, et omnis vteri adiacentiumque partium vitetur laesio.
- p. 258. *Sectio tertia* complectitur *partus laboriosos ob partium vitia*, quae tempore grauiditatis matrem et foetum vniunt. Singulis capitibus sigillatim haec expenduntur,

tur, et *primo* quidem *vitia umbilicalis funiculi* descri- p. 259.
buntur, eius videlicet nimia breuitas, plexus circa
collum, brachia, corpus, crura, si sola prius, aut cum
alia quadam parte infantis in conspectum venit. *Cap.* p. 267.
2. vitiosam secundinarum conditionem examinat; ad tria
potissimum haec redit, si in ipso partu praecedit at-
que orificium vteri obstruit, si arcte fundo vteri ad-
haeret, si partu vere excluso remanet. *Cap. 3. de mem-* p. 276.
bris foetum inuoluentibus earumque vitiis, quae du-
plicis sunt generis, nimia videlicet crassities et nimia
tenuitas.

Quarta denique sectio *aquas* concernit, et duo po- p. 276.
tissimum vitia illius prodit, nimiam aquarum copiam
et deinde earum defectum; in utroque casu parturien-
tes labores sustinere tenentur.

Pars tertia de partibus praeternaturalibus in uni- Pars III.
uersum praecipit, et in prooemio non tantum accura- p. 281.
tam talium partuum definitionem praemittit Nöster,
sed etiam paulo vberius de ipso *vertendi partum arti-*
ficio differit, deinde transgreditur ad magis propria
partuum genera. *Primus partus* foetum sistit duo- p. 293.
bus pedibus prodeuntem sic, ut surae versus anteriora,
digiti vero versus posteriora matris dirigantur. *Se-* p. 308.
cundus docet infantem transitum cum posterioribus
tentare, ita, ut dorsum versus anteriora, abdomen ve-
ro versus posteriora magis spectet, pedibus ad abdo-
men reclinatis, funiculo umbilicali, in quo nodus est,
circumdante collum et brachio corpus ambiente. *Ter-* p. 316.
tius duplicem infantis situm cum facie et abdomine
versus ossa pubis matris directis. *Quartus*, infans p. 319.
cum podice sese sistens, dorso versus os ilei dextrum
matris, abdomine vero et facie versus sinistrum incli-
natis. *Quintus*, infans praemittit pedem dextrum, p. 321.
podex versus sinistrum os ilei, caput versus dextrum,
abdomen paullo profundius, dorsum altius colloca-
tum, pes sinister versus abdomen circa nates adhae-
rens.

- p. 325. *rens. Sextus*, infans cum dextro brachio primum se ostendit, caput quiescit in sinistro osse ilei, et anus in recto, dorsum versus anteriora et abdomen versus posteriora spectans, quod sustinet pedes ibi firmiter collocatos. *Septimus*, infans recto pede et sinistra manu prodit, facies in sinistro osse ilei matris, et anus in dextro est, abdomen profundius et dorsum altius collocatum est. *Octavus*, infans cum sincipite orificio incumbit, occiput versus os ilei sinistrum matris directum et posteriora versus rectum, dorsum paulo altius et abdomen paulo profundius collocata sunt, crura ad faciem sunt posita. *Nonus*, infans cum ceruice se sistit, occiput dextro ossi ilei et anus sinistro incumbit, crura abdomini sunt admota. *Decimus*, infans cum ceruice sese praebet conspiciendum, caluaria versus partes laterales ossis sacri obtuso in angulo collocata est, dorsum superiorem marginem ligamentorum pudendi occupat. *Decimus primus*, ceruix infantis instat, caluaria spectat versus os pubis matris, et dorsum supra angulum obtusum ossis sacri est. *Decimus secundus*, dorsum orificio incumbit, occiput sinistro ossi ilei, et anus dextro, crura abdomini. *Decimus tertius*, thorax in introitu vaginae est, facies incumbit recto ossi ilei matris, abdomen sinistro, et crura ad dorsum sunt adducta. *Decimus quartus*, abdomen primum sese ostendit, thorax versus os ilei dextrum matris spectat, posteriora incumbunt sinistro, pedes dorso sunt impositi, et funiculus umbilicalis e vagina propendet. *Decimus quintus*, humerus dexter incumbit orificio, auris dextra iacet in sinistro ilei osse matris, os femoris dextrum dextro, abdomen versus posteriora, dorsum versus anteriora directa sunt. *Decimus sextus*, axilla dextra ad orificium est posita, brachium sinistrum incumbit ossi ilei sinistro matris, proxime adiacet caput in recta lumborum parte ipsi dextro ossi ilei, thorax paulo altius, dorsum paulo depressius iacent. *Decimus septimus*,

latus dextrum infantis in orificio iacet, auris dextra incumbit sinistro ossi ilei matris, et lumbi recto, dorsum versus anteriora et abdomen versus posteriora sunt collocata. *Decimus octauus*, cubitus rectus in orificio vteri sese prodit, caput quiescit in sinistro et posteriora in dextro osse ilei matris. *Decimus nonus*, ambo genua instant, dorsum versus posteriora et abdomen versus anteriora sunt directa. p. 358. p. 359.

His rite explicatis atque variis descriptis manipulationibus in his casibus adhibendis, Noster accedit ad *praeternaturales partus*, quibus infans cum capite primum prodit, qui quidem partus primo obtutu facili negotio absoluendus esse videtur, nihilo tamen secius variis de causis opus est artis auxilio. *Tales casus in septem partibus* commemorat, quorum *primus* declarat, infantis caluariam primum conspici, occipite versus posteriora, facie versus anteriora ossis sacri versa et propendente funiculo vmbilicali. *Secundus*, caluaria quoque insistit, facies ad ossum pubis synchondrosin, et occiput ad os sacrum directum est. *Tertius*, aequae caluaria innititur orificio, facies ad rectum os ilei matris directum est, et funiculus vmbilicalis colum et brachium dextrum ambit. *Quartus*, cum facie se conspiciendum praebet infans, in linea media transuersali in minoris peluis introitu, dorso versus anteriora et abdomine versus posteriora spectante. *Quintus*, latus dextrum capitis orificium occupat, caluaria versa ad sinistrum os ilei matris et humero versus rectum. *Sextus*, occiput instat, caluaria spectante ad rectum os ilei matris, et ceruice ad sinistrum. *Septimus*, ceruix cum parte occipitis praesto est, caluaria ad rectum os ilei matris versa, pedes adducti sunt, et cum brachiis humero adiacent, atque in orificio se vna sistunt. p. 361. p. 365. p. 366. p. 367. p. 371. p. 375. p. 376. p. 377.

Denique de *instrumentis* egit Noster, quae nostris temporibus quam maxime adhibentur. Quae autem circa vsu eorum potissimum notanda sunt, praemittuntur, p. 379.

tantur; et docetur, artis obstetriciae magistrum non tantum probe imbutum esse debere exacta horum instrumentorum notitia, animi praesentia et fortitudine, iudicio acri et peritia artis obstetriciae probata, et recta instrumentorum applicandorum ratione. Nihil iam dicere attinet de diuisione instrumentorum in acuta atque obtusa, nostri potius officii partes exigunt, ut illa nominemus. Primum nominat *vecem* RECH-

- p. 381. BERGERI, quem ROSELT et BAVDELOCQUE emendarunt, simulque eius usum docet: eadem ratione de p. 384. *forcipe* LEVRETI praecipit, porro de *perforatione capitis*, de *imminuendo thorace* lectu dignas adiecit animi p. 388. *pitis*, de *imminuendo thorace* lectu dignas adiecit animi p. 391. *maduersiones*, nec non de *capite abrupto et in utero* p. 393. *relieto* *manipulationes* tradit, quomodo scilicet sit extrahendum, ad *truncum denique a capite separatum et relietum in utero* se conuertit, atque rationem extrahendi illum addit. Lectu quoque digna sunt, quae de *sectione synchondrosee ossium pubis* monet. Vix augurari ex eius verbis possumus, num illi faueat, aut aduerfetur. Succinctam tantum huius inuentionis antiquiorum historiam, et controuersias narrat, addendo simul modum ac rationem illius perficiendae.
- p. 400. Ultimo denique loco de *sectione caesarea* disputat, atque docet, quibusnam in casibus illa videatur esse necessaria, et qua ratione instituenda, et quomodo in vulneribus deligandis sit versandum.

p. 407. Ad calcem libelli *figurarum explicatio* est addita, — 432. quae elegantiae et pulchritudini figurarum ita respondet, ut maxima inde perspicuitas eluceat. Quum autem hae explicationes absque iconibus vix intelligi ac perspicui possint, ab eius commemoratione prorsus abstinemus. Hoc tantum monemus Cl. Auctorem officio suo egregie functum esse atque expectationi artis obstetriciae magistrorum ex assse satisfacisse. Interim tamen non reticemus, nos quaedam libenter fuisse lecturos de inclauato aut incuneato capite, et de artis adiumentis; paucis enim tantummodo hoc caput ab ipso tactum est.

XXII.

De cholelithis obseruationes et experimenta,
nec non de iconibus pathologico-femeio-
ticis consilium sistit D. HENRICVS FRIDE-
RICVS DELIVS consiliar. intim. aul. bran-
denburgic. medic. Prof. primar. acad. impe-
rial. natur. curios. adi. acad. scient. monspe-
liens. rothomag. et bauaric. sodal. Cum ta-
bula aenea ad naturam picta. Erlangae apud
Wolfgangum Waltherum. CIOCCCLXXXIV. 4.
mai. pagg. 54.

Primae sectionis obiectum primarium est historia
morbi a Cl. ISENFLAMM conscripta, in quo ta-
men et ipse Cl. DELIVS consultus fuerat. Nimirum
vir non admodum robusti corporis, satis tamen con- p. 4.
stante sanitate gauisus, neque diaetae negligentior,
nisi quod placentarum eiusmodique farinaceorum esset
amans, et parcius forte iusto biberet, sensim per plures
annos doloribus colicis cum alui obstructione afficie-
batur, annum vigesimum quintum agens quartanam
satis vehementem et vltra annum protractam experie-
batur, qua demum vsu largiore corticis peruiani sub-
lata, per quatuor annos raro tantum leuiores recursus
affectionum priorum sentiebat, donec vehementior
insultus cum acutissimo et profundo hypochondrii
dextri dolore accederet, quo superato, octo annos be-
ne valebat: tum aetatis trigesimo octauo anno absque
caussa externa praegressa doloribus atrocissimis et ob-
structione grauissima corripiebatur, quae cum reme-
diis conuenientissimis sublata esset, breues induciae
fiebant morbi post biduum multo vehementius redeun-
tis, adeo vt vomitu frequentiore ipsae faeces reiice-
rentur; clysteribus emollientibus hisque subiunctis ex
fumo nicotianae iam nihil efficiebatur, donec balneo
tepidio

tepido per satis longam moram imingeretur aeger, adstante abdomen alterna compressione agitante, quo corpus durum tactu percipiebatur in abdomine quasi fluctuans et mox digitis explorantibus se subducens, quod, succedente demum post iteratum clysterum vsum alui depositione, indeque exorto protinus summo leuamine penitusque fugato morbo, (adeo quidem, vt quarto post, quum haec scriberentur, anno aeger constantissima sanitate fruatur) cognoscebatur esse calculus felleus, qui ablutus et modice siccatus longitudine pollicem vnum Paris. cum $7\frac{1}{2}$ lineis, latitudine maxima pollicem cum dimidia linea, pondere fere quinque drachmas aequabat, figurae ad ipsius vesiculae felleae figuram accedentis, superficiei in quibusdam locis inaequalis et eleuatae, politae quasi, coloris bruni seu badii, siccatione fissuras aliquas patientis; in aqua frigida plane non subsidens, sed eidem innatans; facili negotio cultelli cuspide diuidi se patiebat, tumque offerebat corticem in medio tenuiorem, in extremitatibus crassiozem, ex striis primo parallelis, tum magis concentricis, quo propiores centro, constantem; hoc in centro striarum fasciculi conici conuergebant, flauescens seu ex badio nigricantes, interiectis aliis albis et selenitis ad instar splendentibus: nucleus igitur proprius nullus erat, qualis in aliis cholelithis obseruatus est, cuius etiam specimen aliquod Cl. Auctor in adiecta figura exhibet. Calculum vero iam descriptum, et iconibus quatuor, cum integrum, tum dissectum, depictum, vere ex bile indurata constare, ex ipsa structura crystallina quasi patet, quum guttula bilis bouinae euaporata similes strias seu crystallisationis speciem ostendat; quod icon in fronte scripti huius, ex alia dissertatione Cl. Auctoris *) huc translata, docet.

Iam

*) Pericula nonnulla microscopico-chemica circa salseri, Erl. 1766.

Iam ad disquisitionem chemicam substantiae ip- p. 13.
sius quod spectat, frustum eius candelae admotum sta-
tim liquecebat et flammam concipiebat; in vase fi-
ctili item statim liquecebat, fumum densum foedum
spargebat, candebat, parum cineris relinquebat, vix
a magnete attrahendi, cum acidis mineralibus effe-
uescentis, sed non perfecte ab iis soluendi: ex resi-
duo alcali vegetabile paullum terrae calcareae deicie-
bat. Aquae, neque simplex, neque variae minerales,
neque per artem aëre fixo impraegnatae; serum la-
ctis, lac ipsum, acida mineralia aqua diluta, acetum
vini, alcali fixum vegetabile aqua solutum, spiritus
salis ammoniaci aquosus, lixiuium sanguinis, solutio
salium mediorum, vel nihil omnino, vel parum sol-
vere visa sunt, ita vt colore tantum aliquo modo im-
buerentur: alcali causticum aliquid soluebat et inde
viridescebat; aqua calcis viuae perparum mutabatur:
oleum oliuarum et butyrum post aliquod tempus cal-
culum liquare incipiebat: solutio saponis post plures
dies eum dissolvere videbatur, quod etiam solutio vi-
telli oui in aqua praestitit, item succus expressus ra-
dicis et herbae taraxaci et radicis graminis; spiritus
vini breui eum aggrediebatur ac demum soluebat, in-
natantibus tunc pluribus lamellis splendentibus, sali
sedatiuo seu floribus boracis similibus; liquor ano-
dynus, naphtha adhuc impraegnatus, frigidus iam so-
lutionem praestabat, quae leni calore mox penitus per-
ficiebatur, surgentibus simul bullulis aëreis, et post
refrigerium similibus, vt iam descripsimus, lamellis
enatis; eadem fere phaenomena, licet tardius, tin-
ctura antimonii tartarifata offerebat.

Ex his phaenomenis colligit Cl. auctor, choleli- p. 16.
this nomen resinae animalis deberi, et de earum ori-
gine differens penuriam salium alcalinorum eidem
maxime fauere docet, dum acidum, salis communis
nimium, cuius vestigia in corpore animali se produnt,
bilis coagulationem et efficit et promouet; tandem-

- que ex supra adductis experimentis colligit, ad eiusmodi concrectiones aut praecauendas aut soluendas
- p. 20. aptissima esse remedia liquorem anodynum, succum taraxaci, saponem, vitellum oui, et praesertim tincturam antimonii tartarifatam, hancque spiritui vini soli iure praefarendam ob noxas ab huius usu metuentes; ad excretionem autem praecipue balnea tepida, adiuncta abdominis frictione.
- p. 21. Iam descriptionem subiungit trium calculorum biliariorum in cadauere feminae quinquaginta aliquot annorum, post modicum prandium accedente vomitu paullo post mortuae, qui inter se specie quadam articulationis iuncti integram vesiculam felleam eiusque collum occupabant, pondere vnciae vnus et drachmarum trium, quos itidem depictos exhibet. In plurimis hi calculi, praeter densitatem paullo maiorem, cum prius descriptis conueniunt, nisi quod in maioris, qui capacitatem vesiculae replebat, extremitate seu basi lamella conuexoconcaua nuclei quandam speciem referat; in centro calculi crystalluli parallelopipedae conspiciuntur, quas etiam separatim pingendas curauit Cl. auctor. Neque experimenta instituta alia phaenomena largiebantur.
- p. 23. Alium cholelithum inuenit in cadauere viri, itidem hic depictum, nucis auellanae magnitudine, in superficie granulis obsitum: ac denique nonnullorum minorum calculorum variae formae varique coloris icones subiungit.
- p. 27. Sed progrediamur ad alteram huius scripti sectionem, cui prior tractatio originem subministrauerat. Quum enim aptarum delineationum figurarumque in physicis, anatomicis omni que historia naturali non tantum, verum etiam in morbis variis usus iam plane cognitus sit, ut idem latius, praesertim in commodum discendum, extendatur, optat Cl. auctor, qualia tenamina

tamina iam aliquot facta sunt, inter quae scopo huic proxime accedentia allegat, licet non exactissime elaborata, icones TAYLORI *) aliasque. Optat ergo delineationem faciei, quatenus ex eadem signa malorum, abdominis praesertim, petuntur; morborum exanthematicorum aliorumque cutaneorum; tumorum; porro fluidorum excretorum, v. c. bilis, sputi, urinae, sanguinis. Tunc ad usum eiusmodi iconum in medicina forensi, atque in medicina consultatoria progreditur. Difficultates huic consilio plures sese opponere non diffitetur: multum tamen eas minui posse existimat, si aut pictores iusta atque ad eiusmodi opera necessaria scientia instruantur, aut, quod praestantius, ipsi medicinae tirones horas subsecuias artibus eiusmodi ediscendis atque usu perficiendis impendant. Neque demum ipsas medicorum imagines omni prorsus usu carituras arbitratur ad fiduciam aegrorum acquirendam firmandamque. In quibus quidem omnibus hic recensendis nos quidem iam acquiescimus, certe tamen persuasi, vix ac ne vix quidem veram naturam nos semper iconibus adsequuturos esse, quod iam satis superque, uti ipse testatur Cl. auctor, icones pleraeque ex historia naturali testantur: ne quid de sumtibus tali instituto non evitandis addamus.

XXIII.

Differtatio Entomologica, Nouas Insectorum species sistens, cuius Partem primam — publ. ventiland. exhibent Praeses CAR. P. THVNBURG — et Resp. Sam. Nic. Casström — d. XV. Dec. Ann. MDCCLXXXII. Vpsal. 4.

Hh 2

plagg.

*) IO. TAYLOR noua nosographia ophthalmica, Hamb. et Lips. 1766. fol. vid. comm. nostr. Dec. II. Suppl. I. p. 60. seqq.

plagg. 4. Tab. 1. Pars secunda: — resp. *Io. M. Ekelund. Maio. Anni MDCCLXXXIII. ib. 4 plagg. 3. tab. aen. 1.*

Insignem nouorum Insectorum, praesertim in Capite b. spei et Iaponia collectorum, numerum, methodo et ordine Linneanis descriptum, Dissertatione in plures partes diuisa tradet Cel. THVNBURG, Entomologiam non minus, ac Botanicam, detectorum copia ditans. Pars prima Coleoptera exhibet et Hemerobium. Praemisso generum caractere essentiali specierum nomina dat triuialia et specifica, loca indicat, descriptionem subiungit et plerarumque icones in Tabula annexa addit. Sunt istae sequentes.

p. 5. *LVCANVS: Capensis: exscutellatus, niger, elytrorum fulcis punctatis. Fig. 1. Hab. in Cap. b. sp. Corpus magnitudine Tenebr. Fosforis, paullo maius.*

p. 6. *DERMESTES: bifasciatus: niger, elytris fasciis binis undulatis luteis, thorace cinereo-tessellato. Fig. 2. Hab. ad C. b. sp. Corpus magnitudine Derm. undati, sed paullo latius.*

D. interruptus: niger, fasciabaseos elytrorum rubra, interrupta. Fig. 3. magnitudo Derm. undati.

D. bipustulatus: ater, glaber, capite, thorace punctoque baseos elytrorum rubris. Fig. 4. magnitudo pulicis.

p. 7. *D. maculatus: niger, elytris fascia undata punctisque rubris. Fig. 5. Hab. in Suecia. Corpus statura Derm. undati, sed paullo minus.*

D. marginatus: niger, thoracis lateribus, pectore incisurisque abdominis albis. Fig. 6. Hab. in Cap. b. sp. et India Orientali. Magnit. et facies omnino Derm. lardarii, sed paullo maior, totus pilis tenuissimis hirtus.

p. 8. *D. piceus: totus ferrugineus elytris striatis. Hab. in C. b. sp. et India Or. Magnit. et statura Derm. marginati, totus pilis tenuissimis decumbentibus hirtus.*

tus. Color fere *Tenebr. culinaris*, sed magis obscurus.

ANOBIVM: *Ant.* claua perfoliata, triarticulata. *Thor.* marginatus, rotundatus. *Corp.* conuexum, lineari-oblongum. *Elytra* flexilia.

A. ruficollis: violaceum, hirtum; thorace, basi elytrorum pedibusque rubris. *Fig. 7.* (*Derm. ruficollis* FABR. *syst. Entom.* p. 57.) Hab. in Africa et India or. Magnitudo et statura *Derm. violacei*, totum pilis erectis hirtum.

A. capense: atrum, hirtum, elytris violaceis, fasciis p. 9 duabus albis. *Fig. 8.* Hab. in Cap. b. sp. Magnit. maioris pediculi.

A. bifasciatum: nigrum, glabrum, elytris fasciis duabus luteis. *Fig. 9.* Hab. ad Cap. b. sp.

A. viride; viride, hirtum, pedibus rubris. Hab. in Africa et India Or.

A. rufipes: violaceum, hirtum, pedibus rubris. Hab. p. 10. in India Or. in Cap. b. sp. inque Europa. Corpus magnitudine *Derm. violacei* ovatum, parum hirtum, totum, exceptis antennis et pedibus, violaceum.

A. caeruleum: caeruleum, hirtum, lineare. Hab. in Cap. b. sp.

COCCINELLA: *Ant.* claua solida. *Abdomen* planum. p. 11.

C. fimbriata: elytris flauis immaculatis margine nigro, thoracis margine postico punctis quatuor nigris. *Fig. 10.* Dictis punctis, raro duobus, aut albis thoracis nullis differt a *C. marginata*. Corpus magnitudine *C. 5-punctatae*.

C. minuta: elytris rubris thoraceque immaculatis. Hab. in Ind. or. Omnium minima, vix pulicem aequans, a *C. impunctata* differt thorace unicolore.

C. trinotata: elytris rubris hirtis, punctis tribus nigris, capite rubro. *Fig. 11.* Hab. in C. b. sp. Omnium facile minima, a *C. tripunctata* differt, hirsutae, capite immaculato et quod multoties minor.

C. iaponica: elytris flauis, cruce futurae duplice ma-

culisque quatuor nigris. *Fig. 12.* Hab. in Iaponia.
Magnit. C. *Hieroglyphicae*.

Coccinella grandis: elytris flavis, punctis nigris tredecim, thorace nigro, marginibus flavis. *Fig. 13.* Hab. in China, missa a D. BLADH. Omnium facile maxima, hinc ut et punctis tribus in ipsa futura communibus differt a C. 13-punctata.

p. 13. C. *gibba*: elytris rubris, fascia punctisque sex nigris. *Fig. 14.* Hab. in C. b. sp. Corpus magnitudine C. 7-punctatae, totum tenuissime hirtum.

C. *octomaculata*: elytris rubris, punctis octo nigris, thorace immaculato. *Fig. 15.* Hab. in C. b. sp. Corpus magnit. C. 7-punctatae, totum rubrum.

C. *Psi*: elytris flavis, margine exteriori maculis quatuor nigris. *Fig. 16.* Hab. in C. b. sp. Magnit. fere C. 7-punctatae.

p. 14. C. *iridea*: elytris rubris punctis novem nigris ocellaribus. *Fig. 17.* Hab. in C. b. sp. Magnitudo praecedentis.

C. *oculata*: elytris rubris, punctis novem nigris, circulo flavo circum oculos. *Fig. 18.* Hab. in C. b.

p. 15. sp. Magnit. C. 7-punctatae. Similis C. *novem-punctatae*, differt longitudine fere quadrupla, punctis inverso ordine positis, capite immaculato cum dicto oculorum circulo flavo.

C. *similis*: elytris rubris, fasciis duabus punctisque quatuor nigris. *Fig. 19.* Magnit. C. 5-punctatae, similis C. 11-et 13-punctatae, thorace toto nigro punctisque anticis connexis diuersa, a C. 9-punctata differt thorace toto copiteque nigro, immaculato, fasciisque elytrorum.

C. *borealis*: elytris rufis, punctis 12 nigris, thorace 4-punctato. *Fig. 20.* (Cocc. *borealis* FABRIC. *syst. Entom.* p. 82.) Hab. in C. b. sp. Magnitudo C. *ocellatae* Omnia subtus lutea.

p. 16. C. *capensis*: elytris rubris, punctis 12 nigris, thorace immaculato. *Fig. 21.* Magnit. C. *ocellatae*; differt

fert a praecedente thorace immaculato et punctis elytrorum nullis connexis, a C. 12-punctata thorace dicto, punctis rotundis, nec ultimo repando, magnitudineque maiore.

C. pusilla: elytris flavis, punctis octo nigris, quadri-fariis. Fig. 22. Minimis annumeranda, cum minu-ta et unipunctata.

C. distincta: elytris rubris, punctis 16 nigris distincta, p. 17. Fig. 23. Hab. in C. b. sp. Differt a C. 16-puncta-ta, punctis omnibus distinctis, thorace nigro et quod maior.

C. flexuosa: elytr. rubris, fasciis duabus punctisque duobus nigris. Fig. 24. Hab. in C. b. sp. Magnit. C. 5-punctatae.

C. repanda: elytr. flavis, fasc. tribus vndatis, nigris. p. 18. Fig. 25. Hab. in C. b. sp. Corpus magnit. C. 7-punctatae, glabrum.

C. flavicollis: elytr. sanguineis, punctis 10 nigris, tho-race flavo. Fig. 26. Hab. in C. b. sp. Corpus ma-gnit. C. 7-punctatae, pilis tenuissimis hirtum.

C. undulata: elytr. rubris, fasc. vndatis dentatisque variis nigris. Fig. 27. Hab. in C. b. sp. Corpus magnitudine C. 7-pustulatae, supra totum adspersum pilis brevissimis cinereis.

C. lunata: elytr. flavis, fasc. duabus, arcu punctisque p. 19. quinque nigris. Fig. 28. Hab. in C. b. sp. Ma-gnit. fere C. 7-punctatae, tota glabra; Signum (;) prope basin elytrorum.

C. crux: elytris flavis, lineis duabus cruceque nigris. p. 20. Fig. 29. Hab. in C. b. sp.

C. comma: elytris flavis, futura, margine lineaque nigris. Fig. 30. Hab. in C. b. sp. Magnitudo C. 5-punctatae.

C. lineata: elytr. rubris, margine omni maculisque duabus oblongis nigris. Fig. 31. Magnitudo C. p. 21. 5-punctatae, glabra.

C. flavipes: elytris nigris; thorace nigro, maculis
Hh 3 dua-

- duabus flavis. Hab. in C. b. sp. Magnitudo 2-*pustulatae*, differt a C. *impustulata* thoracis lateribus flavis, absque puncto nigro et margine antico non flavo sed thoraci concolore.
- p. 22. C. *haemorrhoidalis*: elytris nigris; maculis duabus flavis, thoracis marginibus anoque flavis. C. 2-*pustulata* minor. a C. *Cacti* differt magnit. multoties minori, macula elytrorum flava, nec fulva, a Cocc. 2-*pustulata* magnit. itidem minori, macula elytrorum simplici, nec composita ex maculis tribus confluentibus, thoracis marginibus luteis, ano tantum fulvo nec abdomine toto.
- C. *laevis*: elytr. nigris, punctis sex flavis, thoracis angulis anticis flavis. Fig. 32. Magnit. C. 2-*pustulatae*, glabra, differt a C. 6-*pustulata* thorace maculato, capite flavo, situ et figura punctorum in elytris.
- C. *vinosa*: elytr. nigris, lunulis sex punctisque quatuor rubris. Fig. 33. Hab. in C. b. sp. Magnitudo C. *ocellatae*, tota gibba, glabra.
- p. 23. C. *dentata*: elytr. nigris, margine exteriori linea tridentata, punctisque sex flavis. Fig. 34. Hab. in C. b. sp. Magnitudo C. 14-*punctatae*.
- C. *hirta*: elytr. nigris, maculis duodecim rubris. Fig. 35. Hab. ad Promont. b. spei. Magnitudo fere C. *ocellatae*, tota pilis cinereis hirta.
- p. 24. C. 20-*pustulata*: elytr. nigris, punctis fulvis viginti. Fig. 36. Hab. in C. b. sp. Magnitudo C. 7-*punctatae*, tenuissime hirta, gibba.
- C. 8-*guttata*: elytris rubris, maculis octo flavis. Fig. 37. Hab. in regno Iaponico. C. *ocellata* paullo maior, glabra. Omnia subtus et alae rubra.
- p. 25. CICINDELA *gigantea*: nigra elytris costa longitudinali serrata, acuta, thorace bilobo. Fig. 38. Hab. in viis ad C. b. sp. celerrime currens et mordens, vulgaris. Magnitudo Carabi maioris. Thoracis ely-

trorumque facies a *Cicindelis* diuersa, *Carabis* valde similis.

Cicindela iaponica: violacea, elytris basi, apice fasciaque cupreis, punctis duobus fasciaque luteis. *Fig. 39.* Hab. in Iaponia. Corporis magnitudo *C. sylvaticae*. Subtus omnia e cyaneo violaceoque nitent.

C. tridentata: purpurascenti-aenea, elytris linea marginali tridentata. *Fig. 40.* Habitat in Ceylona et Coromandeliam. Magnitudo *C. hybridae*, subtus omnia aenea nitida, barba sparsa alba, imprimis femora. Differt a *C. marginata*, quod fascia nulla sit undata, nec punctum vllum in basi elytrorum.

C. catena: viridi-aenea, elytris linea marginali flaua, p. 27. triramosa. *Fig. 41. 42. 43.* (FABR. *syst. Ent.* p. 226 id. nom.) Hab. in C. b. sp. inque Indiae orientalis plurimis locis satis frequens. Corpus *C. hybrida* paullo minus, similis *C. capensis*, vt forsan sola varietas, licet paullo minor, ipsa varia; vtraque tomento albo in thorace et lateribus pectoris ac abdominis singularis.

GYRINVS *capensis*: elytris viridi-aeneis margine pallido. Hab. in riuulis prope Cap. alibique in Promont. b. sp. **GYR.** *Natatore* minor.

HEMEROBIVS *grandis*: alis subaequalibus, reticulato-venosis maculis duabus pallide flauis. *Fig. 44.* Hab. in Iaponia.

Continuata paginarum serie continuoque *Fig.* Pars II, rarum in Tabula addita numero pergithaec Pars p. 29. **CIMICES** describens. *Generis* characterem *Rostrum* inflexum, *Pedesque* cursorii constituunt. Species sequentes sunt.

C. Acaroides: scutellatus, ater, thorace, scutello abdomineque albo-marginatis. Hab. in Cap. b. spei. Corpus magnitudine *C. scarabaeoidis*, totum aterrimum nitidum conuexum. Pedes lutei.

- C. filphoides*: scutellatus, niger thorace postice, scutello antice, margine linea media maculisque duobus albis. (STOLL. *Cim.* p. 19. Pl. IV. 21) Hab. in Cap. b. sp. Corpus magnitudine *C. baccarum*, facie filphae.
- p. 30. *C. diophthalmus*: scutellatus, ruber thorace punctis duobus nigris, pedibus cyaneis. *Fig.* 45. Hab. in C. b. sp. Corp. fere *Scarabaeum stercorarium* magnitudine aequat.
- C. multipunctatus*: scutellatus, ruber thorace scutelloque punctis minutissimis plurimis nigris.
- p. 31. (STOLL. *Cimic.* p. 40. Pl. IX. 60.) Hab. in C. b. sp. Corpus magnitudine *C. grisei*.
- C. grandis*: scutellatus, rufus maculis thoracis tribus scutellique quinque nigris. *Fig.* 46. Hab. in India or. Magnitudo fere *Scarab. stercorarii*; macularum situ et numero a *C. Druvaei* diuersus.
- p. 32. *C. Liligerus*: scutellatus, ferrugineus scutello punctis nigris duobus, fasciaque undulata albida. (STOLL. *Cim.* p. 40. Pl. IX. 59.) Hab. prope Swartkops Zoutpan et Promont. b. sp. interioribus regionibus. Corp. magnitudine *C. Stockeri*.
- C. guttigerus*: scutellatus, cinereus scutello basi punctis duobus albis. *Fig.* 47. Hab. in Iaponia. Magnitudine *C. Scarabaeoidem* vix superat.
- p. 33. *C. spinifex*: spinosus, linearis, cinereus scutello bispinoso. *Fig.* 48. Corp. lineare, facie et magnitudine *C. tipularii*, totum cinereum.
- C. hispidus*: spinosus, oblongus, griseus thorace, capite pedibusque hispidis. Hab. in Indiis.
- p. 34. *C. acutus*: spinosus, linearis, cinereus thoracis margine albido, abdomine punctis sex nigris. Magnitudine et facie *C. clauati*. Thorax obsolete spinosus, pedes inermes.
- C. clauatus*: spinosus, lineari-oblongus, ferrugineus femoribus posticis incrassatis, scutello immaculato. *Fig.* 49. Hab. in Iaponia. Corp. magnit. *C. annulati*,

- lati*, sed paullo angustius. Thorace punctis minimis nigris muricatis postice acute spinosus, femora interne 3 - spinosa.
- C. iaculus*: spinosus, linearis, fuscus femoribus posticis incrassatis spinosis, scutello linea alba. *Fig. 50.* Magnitudine et facie *C. pilosi*, totus fusco - ferrugineus, tenuissime villosus. Thorax postice spinosus, femora interne spinulis minimis ferrulata, tibiae apice unispinosae.
- C. pilosus*: spinosus, linearis, ferrugineus linea capitis pectorisque laterali albida. Corpus *C. clauato* paullo minus. Apex scutelli albus. Thorax postice spinosus; Femora villosa, interne multispinosa.
- C. villosus*: spinoso - tuberculatus, totus piceus villosus. (STOLL. *Cim.* p. 57. Pl. XIII. 90.) Corpus *C. annulato* maius.
- C. crux*: spinosus, niger thorace flauo, cruce nigra. (STOLL. *Cim.* p. 43. Pl. IX. 65.) Hab. prope Swartkops Zoutpan in C. b. sp. Corp. magnit. *C. personati*, oblongum. p. 36.
- C. pungens*: spinosus, oblongus, supra fuscus, subtus albidus pectore abdominisque lateribus nigro - punctatis. Hab. in Promont. b. sp. Corp. magnit. *C. annulati*.
- C. notatus*: spinosus, oblongus, supra ferrugineus, subtus cinereus, abdomine sextuplici serie punctorum nigrorum. Hab. in Promont. b. sp. Corp. vix magnitudine *C. annulati*. p. 37.
- C. trigonus*: spinosus, testaceus hemelytris scutelloque puncto albo. (STOLL. *Cim.* p. 50. Pl. XI. 78, 79.) Hab. in Iaponia et Surinamo. Magnitudo *C. abietis*.
- C. muricatus*: spinosus, oblongus, cinereus, muricatus tibiis posticis basi dilatatis. *Fig. 51.* Hab. in Promont. b. sp. Corp. magnitudine *C. Hyoscyami*. Similis *C. femorato* tibiis posticis compressis, sed hic multoties minor, undique muricatus et thorace postice spinosus. p. 38.

C. uni-

- C. unipunctatus*: spinosus, oblongus, testaceus puncto singuli hemelytri nigro. *Fig. 52.* Hab. in Iaponia. *C. trigono* plus duplo maior.
- p. 39. *C. thoracicus*: spinosus, oblongus, viridi-aureus thoracis margine luteo. (STOLL. *Cim.* p. 38. Pl. VIII. 55. A.) Hab. in India or. et Surinamo. Corp. magnit. *C. annulati*, sed longius, supra aureo-viride, subtus flavescent, glabrum.
- C. analis*: spinosus, oblongus, viridis abdomine rubro, ano nigro. (STOLL. *Cim.* p. 46. Pl. V. 72. B.) Magnit. praecedentis, sed paullo latior.
- p. 40. *C. transuersus*: spinosus, rotundatus, viridis capite thoraceque antice flauis. *Fig. 53.* Hab. in Africa, in Cap. b. sp. Corpus magnitudine *C. iuniperini*, ouatum.
- C. humeralis*: spinosus, ouatus, viridis hemelytris basi luteis. *Fig. 54.* *C. iuniperino* quadruplo maior, quadrangulato-ouatus.
- p. 41. *C. subulatus*: spinosus, ouatus, virescens scutello linea eleuata subulata. *Fig. 55.* Magnitudine et facie praecedentis, supra fusco-viridis, subtus albidus, obsolete et tenuissime punctatus.
- C. comma*: spinosus, rotundatus, cinereus scutello linea flaua. *Fig. 56.* Hab. in Cap. b. sp. Corpus magnitudine *C. baccarum*, ouatum.
- p. 42. *C. reticulatus*: spinosus, ouatus, cinereus, nigro-varius, thorace ferrato. (STOLL. *Cim.* Pl. XVI. III.) Hab. in Cap. b. sp. Magnitudine *C. baccarum*.
- C. Fullo*: spinosus, ouatus, niger, albo-irroratus, capite thoraceque linea alba. *Fig. 57.* Hab. in Iaponia, in insula Dezima satis vulgaris. *C. rufipede* maior, totus vti Scarabaeus *Fullo* niger maculis albis singulis, minutis, inprimis supra irroratis et punctis impressis variolosis.
- p. 43. *C. tibialis*: spinosus, ouatus, brunneus albo fuscoque lineatus, scutello maculis tribus albis. *Fig. 58.* Magnitudine *C. baccarum*.

- C. sulcatus*: spinosus, ouatus, cinereus, fusconebulosus abdomine sulcato. (STOLL. *Cim.* p. 33. Pl. VI. 47.) Hab. in India or. Coromandeliam et alibi. *C. baccharum* paullo maior.
- C. fuscus*: spinosus, oblongus, ferrugineo-fuscus antennis pedibusque hirsutis. Magnitudine fere *C. valgi*. p. 44.
- C. sordidus*: spinosus, cinereus thorace denticulato, antennis pedibusque piloso-hispidis. Hab. in Iaponia. Magnitudine *C. marginati*, totus sordide cinereus; Abdomen supra sanguineum.
- C. javanicus*: ouatus, luteus ano obtuso, antennis pedibusque ferrugineis. (STOLL. *Cim.* p. 9. Pl. I. 2.) Maximus Cimicum, aequae fere latus ac longus. p. 45.
- C. chinensis*: ouatus, flavescentis ano quadridentato, sterno porrecto. *Fig.* 59. Hab. in Iaponia et China. E maximis; sterno porrecto singularis, quo, ut et antennis compressis, coloreque lutescenti. Similis praecedenti, magnitudine minori et ano quadridentato diuersus.
- C. brunneus*: ouatus, supra brunneus, subtus fuscus, antennis pilosis. Hab. in India orientali. *C. rufipede* paullo maior.
- C. incarnatus*: ouatus, ruber thorace antice hemelytris scutelloque maculis duabus violaceis. STOLL, *Cim.* p. 14 Pl. II. 10. A. D. ib. p. 29. Pl. VI. 39. *Cim. aurantius* SVLZ, *Cim. incarnatus* DRURY Hab. in Bengala, Coromandeliam, Ceylona et alibi. E maximis. Maculae scutelli interdum obsoletae. p. 46.
- C. Anchora*: rotundatus, thorace hemelytrisque maculis sex nigris, scutello anchora alba. *Fig.* 60. p. 47. Hab. in Iaponia et China. Magnit. *C. grisei*. Differt a *C. cruciato* colore, maculis et figura.
- C. fimbriatus*: rotundatus, niger thoracis elytrorumque marginibus rubris. *Fig.* 61. Hab. in Cap. b. sp. Corp. *C. oleraceo* paullo maius. Marginum latitu- p. 48.

- titudine et pectorali fasciae sanguineae intensitate variat.
- C. variegatus*: rotundatus, nigro cinereoque varius, scutello punctis duobus flavis, capite thoraceque albolineatis. *Fig. 62.* Magnitudo *C. grisei*.
- p. 49. *C. venosus*: rotundatus, ruber, fusco-pictus abdomine serie sextuplici punctorum nigrorum. Hab. in Promont. b. sp. Magnit. *C. oleracei*.
- p. 50. *C. costatus*: ovatus, cinereus linea hemelytrorum nigra. *Fig. 63.* Hab. in interioribus regionibus Cap. b. sp. *C. oleraceo* paullo maior.
- C. cornutus*: ovatus, depressus, cinereus thorace lineis tribus elevatis, antennis fusiformibus. Hab. in Iaponia Magnit. et facie *C. Cardui*, cui similis, sed differt antennis dictis et colore magis flavescente.
- C. melaleucus*: ovatus, ater hemelytris albis: maculis duabus nigris. Hab. in Cap. b. sp. Magnitudo *C. scarabaeoidis*.
- p. 51. *C. hirtus*: ovatus, ater, totus hirtus. Hab. in Cap. b. sp. Magnitudo *C. oleracei*.
- C. niger*: ovatus, ater, thorace tibiisque ciliatis. Hab. in Cap. b. sp. et Indiis vulgaris. Magnit. *C. oleracei* vel paullo maior. Variat magnitudine quadrupla et octupla.
- C. carnifex*: oblongus, rufus antennis rostro tibiisque nigris (FABR. *syst. Entom.* p. 78 i. id. nom.) Hab. in Tanaceto *crithmifolio* infra Tafelberg C. b. sp. Magnit. *C. Rolandri*.
- p. 52. *C. bilineatus*: oblongus, supra sanguineus thorace elytris scutelloque albo-marginatis. Hab. in Cap. b. spei. Magnitudo *C. pratensis*.

XXIV.

Tal, om nödig jämförelse emellan de kemiska
Vnderfökningar, och Naturens verkningar,
hållet i Kongl. Vetensk. Akademien vid
Praesidii Nedläggande, den 9. Jul. 1783. af
Herr I O H. GOTTSCH, WALLERIUS.
Stockh. 1783. 8. pl. 1.

i. e.

Oratio de necessaria operationum naturae cum
indagationibus chemicis comparatione etc.
auct. I O. GOTTSCH. WALLERIO, Chem.
Prof. et Reg. Ord. Waf. Equite aurato.

De necessaria, quatenus liceat, dicta operationum p. 4.
actionumque naturae, cum indagationibus
chemicis comparatione, ad tutam perfectioremque
corporum indolis et compositionis notitiam obtinen-
dam, sermo est Cel. Auctori, qui triginta annorum
laboribus chemicis edoctus, alienas saltem, recentio-
res sententias, quin potius coniecturas, non nimis fe-
stinanter, antequam ad propria experimenta aut com-
parationem cum operationibus recursum fuerit, esse
assumendas, praesertim, vbi de compositione corpo-
rum sermo fuerit, errores reperisse asserit, quae non
semper tuto chemicis possit inferri experimentis. Sic p. 5.
calcem iuxta vitriolum, vel acidum vitrioli, inesse
posse monet aquae, modo non combinatam, ast sub
evaporatione decomponi vitriolum et oriri gypsum
ochramue, antea in aqua ista non praesentia. Simi-
liter diuersa illa producta, quae destillata det spiritus
vini cum oleo vitrioli miscela, decompositionem, p. 6.
recompositionem nouam et destructionem quandam,
respectu obtentae terrae, requirere addit Noster, ne-
que obtenta per operationes chemicas educta semper
esse censenda, et, quae analysin rite factam optime de-
monstret, synthesin saepe contradicere, dum exacta P. 7.
arte-

- artefacti cum naturali comparatio diuersas saepe doceat proprietates. Sic artificialem MARGGRAFII, e terra aluminis et arena subtili, argillam a naturali differre, PORTIUM probasse, quippe illius terra alcalina omnibus acidis mineralibus sit solubilis, ex hac vero solius vitriolici ope terra aluminis producat. Naturam ergo consultandam esse, pergit Cl. Auctor,
- p. 8. et illustrationis causa exempla proponit. Sic, occasione sic dicti aëris fixi s. acidi aërei, sulphureis, ful-
- p. 10. gura demissa comitantibus, vestigiis docere Naturam putat, praeter casu forsan eleuata acida non dari in aëre nostro, nisi spiritum subtilissimum, volatilem, elasticum actiuumque sulphureum, electrico fluido eundem, aquarum mineralium acidum, pyritarum fa-
- p. 11. tiscentia ortum, sique artefactum acidum aëriforme a vitriolico vel sulphureo diuersum se praebeat, horum minus violentam inde tantummodo sequi separationem, vt igitur, quod efferuescentia alcalicorum cum acido vitrioli obtineatur, calci vel cretae tribuendum non sit, sed ipsi acido vitriolico, sub efferuescentia decomposito inque spiritum inuisibilem aëriformem resoluta, vt similiter nitrosum acidum ex parte mutari visum sit LAVOISIERO; quin reliqua aëriformia liquidum, a quo ortum duxerint, prodant;
- p. 12. neque minus negandam esse putatam acidi aërei in calcibus metallicis praesentiam, et vitrioli martialis sub telluris superficie per calcem decompositionem ac ortae ochrae per acidum sursum latum solutionem, nec calcinari sub solutione metalla, sed tantum sub menstrui secessu, quod tunc demum phlogiston secum rapiat, metallicae terrae euulsum.
- p. 13. Alterum exemplum a siliceorum origine petit Noster, ruperta per sua aliorumque experimenta in animalibus rudioribusque vegetabilibus fere sola calcarea terra, plurium mixtarum in his praesentiam refellens, magnesiā albam, cuius iam ante BLACKIUM MARGGRAFIUMQUE proprietates nouerit BRANDT,
- muta-

mutatam forte esse terram calcaream concedens, ast dicto argumento et repertis in Achatem mutatis lignis inque silicem versis conchyliis mutatam a natura calcaream terram in duriores siliceam patere existimans, quibus accedant effecta per naturam silicis in calcem resolutio ac calcarei nuclei crustaeque cretaeae in silicibus reperiundae.

Denique non minus erroneam eorum censet opinio-
 nionem Cl. Auctor, qui alumen ex pyritis non, nisi simul argillam contineant, aut in argillaceis lapidibus occurrant, obtineri contendunt, dum pyrites Dyltensis, destillando sulphuri vsitatus, exactissimo exploranti nil argillaceum prodat, et tamen residuum, aëris actione per sexennium vltraque expositum, elixuatione copiosum vitriolum, ast post iteratam per 7 vel 8 annos aëri expositionem merum alumen largiatur, quin pyrites artefactus, e ferro et sulphure, pari modo etiam tandem alumen porrigat, Lavam
 vulcanicam, exusti fusique pyritae scoriam, saeculorum intervallo in argillam mutari observauerit Cl. FERBER, et pariter in argillam resolui scoriam ferri, aëri diu expositam, notauerit ZIMMERMANN, ut itaque forsitan non male argillam metallorum basin dixerit SCOPOLI, a qua forte originem ducat ferri terra purissima, summo eiusdem per ignem naturalem destructionis gradu, teste RINMANNO, siliceam se praebens, quod mirum non sit, cum argilla tam acidis, quam valido igne, perfectam subeat mutationem, omnem amittat tenacitatem et terrae similis euadat siliceae. Patet e dictis, Cl. Auctorem, recentiorum argumentis nondum conuictum, pristinis adhuc inhaerere opinionibus, locumque superesse dubitationi, vltioribus tantummodo partim tollendae experimentis.

XXV.

Riflessioni fulla natura, cagione e cura dei Canc-
cri, con alcune utilissime Osservationi fisiolo-
giche e pratiche per la cura dei medesimi,
Opera di GAETANO MERULLA, Mesine-
se, Dottore di medicina, e professore di Chi-
rurgia, Academico Apatista, Etrusco, e So-
cio dell' Academia di Bottanica, e D'isto-
ria naturale della celebre università di Cor-
tona, dedicata all' illustrissimo Signore D.
FRANCESCO ARDIZZONE, dottore di
Medicina etc. in Firenze, per Gaet. Cam-
biagi, stampator granducale MDCCLXXV.
8. mai. 302 pl. Figur. II.

i. c.

Disquisitio, de natura, causa et curatione can-
cri, adjectis quibusdam observationibus phy-
siologicis et practicis, ad cancri curam spe-
ctantibus. Auctore GAET. MERULLA etc.

Inter morbos, quibus a multis inde annis humanum ge-
nus vehementer excruciasi solet, nullus profecto tam
pertinax tamque rebellis est, quam is, quem vulgo sub
cancris nomine comprehendimus. Et quamvis tum ad
illius naturam penitus cognoscendam, tum ad eius vim
infringendam, a viris in arte sua maxime peritis, multae
hactenus prolatae fuere sententiae et curandi rationes;
tamen, cum post multas ambages veritas demum inda-
gari soleat, multa nos adhuc latent, quae ad eius morbi
naturam et sanationem spectant. Quare omnino is, qui in
ejusmodi morbi indolem inquirere, additisque observa-
tionibus, ejus curationem illustriorem reddere satagit,
non solum omnem laudem mereri, sed etiam inter
eos videtur posse referri, qui toti generi humano
bene cupiunt. Quam veteres nobis reliquerunt can-
cri

cri definitionem, ea ita accurata et certa habita est, ut de eius veritate nullus dubitaret. Hinc per multorum seculorum spatium recentiores contenti hac cancri idea, ejus penitiorem indagationem plane neglexerunt. Mox autem de veterum doctrina ambigere, si-bique ideam aliam verisimiliorem et experientiae magis consentaneam fingere de isto morbo coeperunt. Putabant enim veteres, cancos cum tumoribus confundentes, oriri illud malum ab acrimonia rodente, quae a sanguine melancholico, atrabiliario et adusto proveniret. Sic GALENVS cancrum generari autumat ab atra bile, HELMONTIVS a sale alcalino corrosivo, atque VALESIVS causam huius mali ponit in sale et terra ab humore seroso separata et spoliata. Idem fere ii, qui recentiores dicuntur, mutatis tamen verbis affirmare videntur, dum cancrum ab acido fermentato enasci sinunt, quod sit coagulabile, cancri principium possit producere, ejus progressum augere, et tandem exulcerationem creare, ita, ut illud acidum in fine, tantam acrimoniam contrahere posset, quantam aqua fortis habet.

Recte monet igitur Cl. Auctor, non posse veram et Art.I.p.9 accuratam cancri definitionem exhiberi, propterea quod sit et suo in ortu, progressu, et multifaria forma, quam adsciscere possit, maxime diuersus. Quae exstant tum veterum tum recentiorum huius mali definitiones, eae duntaxat figuram et effectum, quem edit, concernunt. Subnectit deinde GALENI, CELSI et AEGINETAЕ de cancro sententias, ex quibus ae-que atque ex allatis recentiorum quorundam diuersis opinionibus, colligit, non posse ob variabilem cancri et sedem et mutationem, ejus signum pathognomonicum constitui. Saepe enim accidere ait, ut cancer sine ullo ab illis allato signo appareat, contra autem praesentibus fere omnibus signis, cancer verus non adsit. Dictum illud quo magis elucescat, sequenti observa- p.14. tione, instituta in juvene viginti sex annos habente,

corroborare annititur. Habuit ille nempe tumorem sub lingua, qui vulgo ranula appellatur, quem cum putarent materiem consuetam continere, aperiebant: sed haec res, facta incisione, longe aliter, quam primo putabatur, eveniebat; nam primum materies obscuri coloris et pertenuis emanabat, et altero die ingens superueniebat inflammatio, ad linguae pharyngisque musculos usque sese disspandens, ita ut aeger nec loqui nec deglutire posset. Cedebat quidem inflammatio adhibitis medicinis, sed animadvertebatur sub mento, glandula tumefacta et paullulum dolens, quam jam tres menses ante ranulae ortum se sensisse aeger affirmabat. Quinto post aperturam die, conquerebatur de dolore genarum ac temporum punctorio, simulque de capitis ingenti dolore, et dehinc omnia canceri signa in vulnere deprehendebantur, quibus aeger duobus post factam incisionem mensibus peractis, misere peribat. Hunc tumorem negat in principio fuisse benignum, et post demum in cancrosum versum; id ne utquam fieri contendit, sine dispositione ad cancerum jam singulari, et materia corrupta jam latente.

p. 19. Nunc ad canceri descriptionem progreditur, eamque succinctam exhibere studet. Tumores cancrofi varios adsciscunt characteres, variamque induere possunt formam, quae vel a tempore ortus, vel ab incremento illius massae, vel ab ipsa denique parte, in qua sedem figit, dependet. Varium massae augmentum, a mala fermentatione, in cancro semper praesente, repetendum est. Nominat igitur cancerum cum Dn. de LISLE et Dn. GENDRON transformationem partium nervosarum, glandularium et vasorum lymphaticorum in substantiam informem, duram, compactam et indissolubilem, quae incrementum capere et exulcerationem contrahere potest. Mutari insuper potest contextus cellulosi natura aequae ac aliarum membranarum, quae in parte affecta offenduntur, quae utcunque natura tenues et subtiles sint, tamen eiusmodi

modi partes interdum vidit in carneſcenti, duram, cartilagineam, imo, ut in pia matre et teſticulorum membranis factum eſt, in oſſeam ſubſtantiam immutari.

Facilius in partibus oritur glanduloſis. Acturus Artic. II. de differentia et diſtinctione cancri, eum in ocul- p. 21. tum et manifeſtum dividit, deinde varia ejus nomina, quae a ſua ſede deſumuntur, apponit, eumque, qui a lue venerea ortum traxit, ſyphiliticum cancrum nominat. Peculiaria cancri aperti ſigna ſunt: vulnus, hujus labiorum inverſio et durities, carniſ color albidus, dolor lancinans, adſpectus horridus, et materiei ichoroſae et acris effluuium. Scirrhum ut fontem et primum principium futuri cancri conſiderat. Pertinet ille ad tumores lymphaticos, et oritur a motu lymphae retardato, quae ſenſim ſenſimque moram contrahens, coagulatur, vaſa minima collateralia obſtruit, et tumorem tactui reſiſtentem progignit. De differentia ſcirrhi eiſque diſiſione in imperfectum, perfectum, particularem et univerſalem. Scirrhi cau- P. 27. ſam in obſtructione vaſorum lymphaticorum poſitam eſſe, contra eos probare annititur, qui, quum facta ſcirrhi ſeſtione anatomica nihil, nec viſcoſi, nec reſoluti in eiſ interiori ſubſtantia detegere potuerint, eiſ cauſam, mutationem aliquam putabant eſſe ſubſtantiae partium mollium. Sed non modo ex ipſius lymphae coagulabili natura, et vaſorum, quae permeat, ſubtilitate, huiſ obſtructionis poſſibilitatem demonſtrat, ſed etiam ex allato exemplo iuuenis cuiuſdam, cuiuſ narium mucus in cartilagineam duritiem, ſola remora mutatuſ erat, hancce ſententiam ſtabilire ſtudet.

Antequam de cancri ſede exponit, primum prae- Cap. II. mittit quaedam de ſtructure et uſu mammarum, qui p. 40. pe in hiſ apud feminas plerumque oriri ſolet cancer, deinde ſuſius de lactis ſecretione agit. Mammae ſunt, propter ſuam ſingularem conſtructionem et teneram admodum fabricam, duobuſ poſiſſimum tumoruſ

generibus obnoxiae. Alter horum tumorum, a stagnatione sanguinis in vasis arteriosis, lymphaticis, et ferosis producitur, et inflammatorius nuncupatur, alter autem enascitur ex humorum lentore, et inter frigidos sic dictos tumores refertur, estque fere semper scirrhi et canceri fons.

p. 64. Nunc ipsam inflammationis theoriam proponit, in qua sese *Boerhaaviana* sententiae subscribere videtur.

Art. III. De scirrhis mammarum inflammatoriis eiusque causis
p. 79. differens, praesertim pro eorum causa habet, lac accumulatum in mammis, si nutrices puerulis aut ad satietatem usque, ubera sua non praebent, aut lactantibus, prae dolore in papillis orto, ubera omnino negant: porro alimenta nimis nutrientia plebeiis feminis exhibita, et animi pathemata. Quae de signis tumorum inflammatoriorum in mammis addit, ea nihil praeter iam cognita continent.

p. 86. Nunc de iis tumoribus mammarum scirrhis et cancrosis loquitur, qui ab humorum depravatione et lentore ortum suum trahunt. Sunt illi in principio cognitu difficiles, et praesertim eo tempore, quo sanguis menstruus aut prorumpit, aut cessat, apud feminas plerumque conspicui. Signum scirrhi et cancrosi tumoris, defumitur ex duritie, inaequalitate, asperitudine angulosa, quotidiano molis incremento et dolore lancinante, quem ex continuo novi humoris affluxu, glandulam extendente, explicat. Tamen in eiusmodi tumorum prognosi facienda, caute versandum esse monet, quoniam interdum tumores quidam, qui benignis adscripti fuere, pessimos produxere effectus.

p. 92. De his nunc ad uteri cancerum transit Cl. Auctor, praemissa primum uteri descriptione anatomica, ex qua Ipsi verisimile esse videtur, posse illud viscus omnino, tum propter vasorum sine valvulis in eo praesentium magnum numerum et teneritudinem, tum propter lentiores motum fluidorum in hisce vasis obvium,
et

et irritari et debilitari per obstructions et congestiones ibi enatas, indeque facile ad eiusmodi morbos disponi. Inter causas canceri uterini, refert aërem humidum vaporibus refertum, humorum excernendorum suppressiones, animi pathemata et victum crudum corruptum, qui primum fluorem album producere potest, ex quo deinceps carcinomata uteri oriri solent. De uteri inflammatione eiusque causis occasionalibus. Tumores illi scirrhusi et carcinomatici cognoscuntur, ex duritie, resistentia et tumore: sentiunt mulieres in parte affecta pondus quoddam maius vel minus grave, quod videtur uterum versus vulvam premere, praesertim si erecto stant corpore; si autem femina supina jacet, tumor ille intestinum rectum premit, excitatque, si imperfectus adhuc est scirrhus, insignem dolorem. In uteri fundo residens scirrhus, in regione hypogastrica tactu explorari, et a grauiditate, suis et causis et effectibus distingui potest. In principio horum tumorum omnino medicina locum habere, imo interdum optimo cum fructu dari potest; si autem iam in cancerum fuerint conuersi, id quod cognoscitur, ex dolore acuto in utero praesente, dolore lancinante, circa renes et costas saeviente, ex tensione, ex ponderis grauissimi sensu, ex duritie partium vicinarum, denique ex proruptione variorum humorum, diuersam habentium indolem pro diuersa carcinomatis et malignitate et duratione, tunc eorum exitus fere semper exitiosus habendus est.

Etiam in uteri vagina saepissime occurrit cancer, p. 116. occupatque membranam nerueam rugas ibi constituentem, et quam maxime ibi sedem figit, ubi haec membrana cum vaginae sphinctere coniungitur. Oritur interdum a miasmate venereo, vaginae glandulas occupante, et aeque ac uteri cancer extimescendus est.

De oculorum cancro. Inter morbos oculorum p. 119. singulares quinque species secundum Ill. s T. Y V E S opinionem, in cancerum abire posse existimat. Prima

species refert tumorem durum, qui plerumque palpebrae superiori adhaeret, et vasa versus basin suam habet sanguine atro plena, colorem plumbeum referentia; aeger continuo conqueritur de dolore pungente. Secunda species oriri potest ex porro, reperiendo iuxta angulum oculi internum, sub palpebrarum coniunctione; hic tumor, radices suas profunde agit, multisque vasis sanguiferis distinctus est. Tertia species, ex varicum quodam genere produci potest, quod vasa atro sanguine plena, et plumbeum colorem habentia refert. Quarta succedit vulneribus, aut lacrymali sacco, aut ipsi carunculae inflictis, oriri que etiam potest, ex quacunque alia causa, lacrimas aciores reddente, quae acrimonia deinceps, palpebras inferiores arrodit, et vulneris labra callosa reddit. Quinta species est sequela accepti ictus, aut percussione in orbitae arcu, vel partibus oculi vicinis, cuius bina attulit exempla. Pari modo Cl. s. t. y v e s idem malum a tribus verrucarum speciebus in palpebris oriri posse statuit. Quarum prima est verruca tenuis pendula, cuius radix cutis superficiem duntaxat occupat: secunda multo latior est, cutique altius inhaeret, et tertia non solum latissima est, verum etiam radicibus suis per omnem cutis crassitiem penetrat, habet insuper in sua superficie multa vasa sanguifera, et omnium est facillime ad cancerum prona. Observatio de cancro in membrana oculi coniunctiva enato: convertebatur haec in massam informem et excrescentiam sarcomatosam, sclerotica et cornea in putrefactionem abiire, humor tum aqueus, tum vitreus, pus conceperunt, et crystallinus humor, spissior, durior et opacior factus est, colorem adsciscens lutescentem. De narium cancro. Est ille vel externus, suo charactere facile discernendus, vel internus, qui plerumque succedit ozaenae et narium polypis, seque manifestat dolore punctorio et ulceris callositate. Labiorum et linguae cancer, plerumque primum uti porrus apparet, fit postea durus,

durus, dolorem creat, volumen suum auget, externe in ulcus abit, dum interne suam duritiem auget et rapidos facit progressus. Sed et gingivae cancro subiectae sunt: enascitur ille ex carnosa gingivarum excrescentia, quae vulgo epulis dicitur, cuius speciem Ipse observavit in nosodochio. Aurium cancer eadem signa et eosdem characteres cum illo cancro communes habet, qui in cute observatur, attamen in eo differt ab cutis cancro, quod eius progressus per substantiam huius organi lentius fiat, isque facilius et exstirpatione et causticis remediis tolli possit.

Postea quoque mentionem iniicit canceri illius, qui p. 131. praeputium male habere solet, de quo binas species, externam nempe et internam, affert; utraque autem species plerumque oritur a causa venerea, et simili modo enascitur, ac cancer cuti proprius. Ex eadem causa venerea etiam cancerum penis saepissime oriri ait; incipit ille sub specie tuberculorum corneam substantiam habentium in glande, atque etiam in praeputio saepe e praegressa phimosi aut paraphimosi originem suam trahit. Denique de cancro cutis quaedam exponit, qui in principio plerumque sese prodit per enatum parvum porrum, duritiem aut minorem aut maiorem habentem, levissimo attrectatu sanguinem plorantem, eumque aut purum aut sero mixtum, siccatum deinceps crustam relinquentem, quae quoties decedit, toties iterum sese restituit. Hic porrus sensim sensimque in suppurationem abit, fundens serositatem aliquam, carniū loturae similem, in cuius progressu, grana dura, parva, albidum colorem habentia, observantur, quorum in vicinia, maculae rubrae minimae conspiciuntur, quae mox in ulcus abeunt, et veram canceri naturam adsciscunt.

Causam canceri proximam nunc definit, eamque in lymphâ vitiata et corrupta ponit, quae secundum Cl. Auctoris opinionem, dum in parte aliqua haeret,

per fermentationem perversam, assumit indolem alcalinam, cuiusque continuo affluxu, opinatur, enasci posse tantae molis tumores. Exemplum enarrat eiusmodi permagni tumoris, qui apud feminam in labiis pudendorum enatus, post felicissimam extirpationem, p. 158. triginta duo libras pendebat. Non omnis verus scirrhus in cancrum degeneratur, quamvis in eum abire potest; promouetur autem scirrhii mutatio in cancrum vel ipsius humoris in scirrho contenti mala indole, vel medicamentis externe male adhibitis. Quam maxime in scirrho sanando, ad tempus eius durationis attendendum esse suadet, in quo, si adhuc recens est, aut eius resolutionem, aut suppurationem tentandam esse proponit: id quod allatis quibusdam exemplis confirmare studet, ubi aliquot veri scirrhii per suppurationem fel-

p. 169. citer fuerint penitus ablati. Secundum suas observationes, etiam scrophulosi tumores, polypi, et alia mala C. IV. V. externa, cancri naturam induere possunt; qua occasione quaedam hic adiecit, de scirrhii degeneratione in p. 174. occultum et in apertum cancrum, quae mutatio iuxta Cl. Auctoris mentem per fermentationem fit, quae aut plus, aut minus fortis et acris existere, et pro sua singulari assumpta indole, cancri varios gradus sistere potest: deinde scirrhii, et cancri, tum occulti, tum aperti, diagnostica et prognostica signa, adiectis observationibus, illustrat.

Ad ipsam nunc tumores scirrhosos tractandi methodum devenit, et in iis adhuc recentibus et incipientibus, resolutionem commendat. Iure omnino re-

Cap. VI. prehendit usum laminae plumbeae, quae vulgo eiusmodi tumoribus imponi solet, reiicitque omnia, quae irritant, medicamenta. Cum SWITENIO contra p. 196. externe suadet Gummata resinosa, emollientia omnia et Mercurialia, quorum ope aliquoties tumores scirrhosos in parotide abortos, ad suppurationem coegit et sanavit. Medicamenta interna, in casu pertinaci, cum externis coniungenda; in menstruum defectu, phle-

phlebotomia instituenda, et in uniuersum, humores vel attenuandi, vel eorum motus languidus aut stimulantibus, aut roborantibus corrigendus est. Scirrhus p. 205. verus, si, omnibus tentatis, volumen suum diminuere non incipit, metusque oritur futuri canceri, ferro resecandus est. Hac occasione Cl. Auctor plures attulit obseruationes, ex quibus perspicuum fit, ob neglectam scirrhi exstirpationem eiusque tractandi negligentiam, saepissime evenire, ut in cancrum abeat, et homines misere perdat: adjunxit insuper quoque multas egregias obseruationes, partim a se, partim ab aliis factas, quae de felici eventu susceptae ablationis testantur: quarum vna praesertim, ob eius raritatem notari meretur, quae ablationem testiculi scirrhusi, sex libras pendentis, eiusque felicem sanationem exponit.

Eadem fere curandi methodus, in cancro vero lo- p. 233. cum habere potest; tamen et ablatio, et exstirpatio, reliquis omnibus praeferenda, cuius operationis non solum cautionem, sed etiam necessitatem, diligentissime obseruationibus quibusdam adiectis, ostendit. Etiam causticorum medicamentorum applicatione cancer interdum sanatus fuit, quae quum non ubique profint, imo aliquando, si incaute adhibita fuerint, noxam inferant, potius omittenda, et partis ablatio, modo si fieri potest, his praeferenda. Optima caustica hoc in loco sunt, et lapis infernalis, vel per se, vel solutus adhibitus, et mercurius praecipitatus ruber: reliqua, ut arsenicum, aqua fortis etc. ut minus tuta, reicienda sunt. Exempli cancrorum causticis feliciter sanatorum. Si nulla alia, ob multas res concurrentes, radicalis curatio, ante canceri exulcerationem locum habere potest, ad curam palliativam confugiendum est, per quam hoc malum magis protrahi, quam curari, potest. Attamen etiam in huius applicatione probe causae expiscandae sunt, et videndum, utrum ab interna, aut externa ortum sit malum, ne medicamenta perverse adhibeantur. Quare pro re nata, mox adstringentia, mox corrigentia, ut

ut belladonna, cicuta aut alia exhibenda sunt, valde tamen cavendus emplastrorum aut pinguium usus.

- p. 272. Etiam in cancro aperto palliativa cura locum habere potest, in quo si vulnus nimis siccum fuerit, aut nullus ichor cum doloris augmento deprehendatur, succus aut plantaginis aut atropae belladonnae, linteo carpto applicatus, et vulneri impositus, commendatur. Si autem contra evenierit, et vulnus nimium ichorem acrem fundit, ita ut metus sit, ne partes vicinae laedantur, tunc aut pulveres, aut aquae adstringentes et stypticae imponendae, vel compressio adhibenda est. Si denique cancer altius serpere et profundius penetrare cupit, id quod ex nova inflammatione circa tumorem orta facile cognoscitur, tunc aquam phagadaenicam cum myrrha vel aloëticis coniunctam, utilissimam esse ait. Magnam tensionem et inflammationem sopit imposito emplastro de crusta panis, lacte, et fasciarum constrictione, de cuius egregio usu p. 278. observationes aliquot appositae testantur. Denique de cura palliativa carcinomatis interni agit, et in eo, si uterum occupavit, lenia purgantia, semicupia, injectiones, cataplasmata anodyna, et quae reliqua sunt, commendat.

XXVII.

Medicinisch practische Beobachtungen, erste Sammlung. Von Dr. HEINRICH FELIX PAULIZKY, Fürstlich Salm-Kirburgischen Rath. Frankfurt am Mayn, in der Andreäischen Buchhandlung. 1784 gr. 8. 88 S.

i. e.

Observationum e practica medicina desumptarum collectio prima, edita ab HENRICO FELICI PAULIZKY, Medicinae Doctore etc.

Si quid unquam medicinae partem practicam illustriorem reddere, et ad maiorem certitudinis gradum evehere potest, id certe observationibus clinicis, ingenii acumine, per longam annorum seriem institutis, et omni fide narratis, optime praestatur. Hoc modo enim, non solum ad ipsos morbos accuratius cognoscendos et definiendos, verum etiam ad remedium usum stabiliendum, eorumque effectus magis determinandos, omnino reddimur aptiores. Quicquid igitur diuturna meditatione longoque medendi usu quotidie observatur, id in commune bonum ingenuo liberalique animo conferendum esse, putamus. Collectio illa, de qua quaedam nunc nobis sunt dicenda, sex diuersos pertractat casus, quorum plures adhuc nobiscum Cl. Auctor communicaturus est, data ipsi occasione.

De phthisi pulmonali. Ea potissimum phthiseos p. 1. species, quae morbos catarrhales sequi solet, in Hunnorum tractu, vulgo *Hunnsrück* dicto, fere endemice grassatur. Omnino conferunt ad huius morbi frequentiam, et celsior regionis illius situs, aëris ventorumque vicissitudines, et inprimis incolarum vivendi ratio, cum aut magnis oneribus ferendis, aut lapidibus achatis perpoliendis, vitam quaerere cogantur. Accedit etiam, quod irruentes morbos catarrhales, vel male tractant, vel plane negligunt, hinc fieri aliter non potuit, quin Cl. Auctori saepenumero occasio daretur, ortam ex illis morbis phthisin, et videndi, et in eius causas magis adhuc inquirendi. In arce *Wil. P. 9. denburg* dicta, utpote celsissima huius tractus regione, omnes praefecturae administratores, de quorum vita certi quid erui poterat, phthisi mortem obiere. In uniuersum non dubitandum esse statuit, quin phthiscorum plurimi, ab hoc morbo liberari, sanarique ex toto possent, modo si citius hic morbus cognosci, eiusque vera causa enucleari posset. Medicamenta, quibus ad profligandum illud malum usus est, quorumque

que medicatas vires experiri voluit, tria sunt omnino; lichen Islandicus, inspiratio vaporum emollientium, p. 10. et polygalae amarae radix. Vir annum aetatis quinquagesimum octavum agens, atque in phthisin iam procliuis, incidebat in peripneumoniam biliosam, quae quidem oppositis remediis cedebat, attamen relinquebat dolorem profunde in pectore saevientem, cui in fine accedebant lenta febris, sputum purulentum graveolens et striis sanguineis mixtum, pedum oedema et facies denique hippocratica. Omnia adversus dira illa symptomata, aliquamdiu incassum fuerant adhibita medicamenta, ita ut, de aegri sanitate desperaret: adhibitis autem vaporibus vi bechica et emolliente impraegnatis, et ope machinae a MUDGE et BÜCHERZ depraedicatae, pulmonibus admotis, non solum expectoratio liberior reddita est, sed etiam caetera symptomata, vel mitiora, facta vel plane profligata sunt. Interea quoque aeger utebatur infuso corticis peruviani et sero lactis cum radicum graminis extracto remixto, p. 21. quorum usu sanitas in integrum restituta est. Adhibuit quoque fumigationes illas a Cl^{mis} BILLARD et FABRE laudatas in phthisi: attamen cum Cl^o MORIN fatetur, se nullum ab his vidisse solamen, sed qui illis utebantur, sensisse pectoris dolores, anxietates, et verbo, nunc magis, quam antea, male sese habere coepisse. *)

De utilitate lichenis Islandici in Phthisi, tria exempla attulit. Exhibuit decoctum lichenis aqua paratum, aut simpliciter, aut cum saccharo lactis, aut lacte caprino, aut oxymelle scillitico combinatum, vel in phthi-

*) Fumigatio laudata sic instituitur: sumatur cerae citrinae non adeo purificatae, libra una, et totidem resinae pini, liquecant inuicem leni igne in vase figulino probe incrustato, quod ponatur in mediam cubiculi partem, ita, ut aeger in lecto decumbens, eo commodius possit vapores de liquefcenti cera et resina adfurgentes inspirare, vid. *Sammlung, auserlesener Abhandlungen* etc. 2 B. 4 Stück p. 123.

phthiſeos initio, vel eo tempore, ubi morbus ille ra-
dices iamiam egerat, et allatis exemplis quibusdam
confirmavit huius remedii ſingularem adverſus hunc-
ce crudelem morbum vim. Commendat inprimis huius p. 31.
medicamenti uſum in iis phthiſeos ſpeciebus, quae ab
acri quadam materia, metaſtaticè ad pulmones delata,
oriuntur, atque affirmat, ſe nunquam ab eius medi-
camine noxam vidiffe, ſed contra obſervaffe, per lau-
dati lichenis decoctum, diarrhoeas colliquativas, in hu-
ius morbi fine maxime frequentes, magis diminutas
fuiſſe, quam per ipſum corticis peruiani uſum. Non
eandem Ipſi utilitatem praeſtitit *polygalae amarae ra-
dix* in morbo phthiſico, cuius tamen vis atque effica-
cia non ſolum a Cl. MURRAY, ſed etiam ab aliis com-
probata eſt: imo perſaepe ſiniſtrum edidit effectum.

De uſu opii in morbis inflammatoriis et rheumati- p. 39.
cis. Recte hic notat Cl. Auctor, quod rarus et nimis
meticuloſus opii uſus impedimento fuerit, quo minus
eius vera efficacia in morbis quibusdam, vel adhuc la-
teret, vel certe ſaltem non recte ſatis definita eſſet.
Adhibita cautione, omnino opium propinandum eſt.
Dantur morbi conſtitutiones, quae opii uſum plane re-
ſpuunt, id quod exemplo ſeminae, triginta annos ha-
bentis, confirmat. Huic enim laboranti morbo in-
flammatorio, poſt inſtitutam venaſectionem, prae-
ſente tamen pulſu adhuc duro, non amplius quam
nouem laudani liquidi Sydenh. guttulae, in emulſione
per vices propinabantur: quibus ſumtis, crudelia ſym-
ptomata ſuperueniebant, et in peius morbus abibat,
etenim, ut Cl. Auctor fatetur, intempeſtivo opii uſu,
non ſolum ſanguinis motum acceleratum, ſed etiam to-
tum morbum, iam forte criſin molientem, perturba-
tum fuiſſe. Iam vero laudatur opii uſus in gaſtritide, ente-
ritide, et herniis incarceratis, coniunctis cum magna in-
flammatione et dolore, in quibus ſaepe, et inprimis in
puella, venaſectione praegreſſa, laudanum, ad novem
guttas uſque exhibitum, egregios praestabat effectus.

p. 49. In morbis rheumaticis chronicis, opium nude exhibitum, noxam inferre solet, utile autem deprehenditur, si cum ipecacuanha coniunctum in corpus ingeratur. Id quod exemplo comprobatum, vidit in homine robusto, rheumaticis doloribus laborante, cui, quum post sanguinem e vena emissum, pulverem dedisset alexitericum DOVERI, ille non solum doloribus liberatus, verum quoque in integrum restitutus est. Cur opium, si cum ipecacuanha coniunctum fuerit, non eodem modo, ac si solummodo per se datum sit, in systemate nervoso exercent narcoticam suam vim, causam in eo ponit, quod nauseosum illud et volatile principium, quo haec radix gaudeat, et a quo emesin movendi vis repetenda sit, adeo irritare nervosum systema, in eoque motum eiusmodi ciere possit, ut illud non ita facile sese ab opio sopire patiatur. Eiusmodi vim quoque possident caetera emetica, ut antimonialia praeparata, si cum opio coniunguntur; hinc Cl. Auctor in morbis catarrhalibus, inflammationibusque topicis, extractum opii aquosum BOVQVETI cum vino antimonii HVXHAMI remixtum, non sine magno aegrotorum solamine exhibere solet.

p. 54. *Historia haemorrhagiae uteri magnae per ipecacuanham sanatae.* Iam saepius salutiferum ipecacuanhae usum in haemorrhagiis uterinis expertus erat, attamen sequens casus omnem Ipsi attentionem mereri videbatur. Puerpera sextum iam fetum exclusa, decimo quarto ab puerperio die, febre corripiebatur, quae ad febris biliosae naturam accedere videbatur. Mox autem profligatam febrem sequebatur permagna uteri haemorrhagia, quam ira sibi vehementi contraxerat. Hocce in casu, quamvis omnia, quae vulgo adhiberi solent medicamina, tum interne, tum externe, tentata fuerant; (inter quae tamen celebratas admodum a CL^o LE ROI in uteri haemorrhagia desideravimus turundas vel glomera aceto vini madide facta, et in uteri vaginam intrusa) tamen haemorrhagia sisti non potuit, sed

sed syncope et convulsionibus accedentibus, mortem mox futuram praesagiebat. Interea granum ipecacuanhae radicis, coniunctum cum drachma semis sacchari albi et tribus vicibus exhibitum, haemorrhagiam ex toto coercerat, et quae inde relinquebatur debilitas, ea corticis peruviani usu penitus sublata est.

De aphonía et auditu difficili, ortis illis a saburra P. 68.
primarum viarum, et tum aëris fixi, tum evacuantium usu sanatis. Iuvenis duodeviginti annos natus, cum mane jejunos aquatum ivisset, animi deliquio prostratus inventus est: mox autem ad se rediens loqui non poterat, et omnis corporis superficies praeter faciem, maculis subfuscis petechiarum fere speciem referentibus, contegebatur. Auditus gravis aderat, sed caetera symptomata, quorum praecipua pulsus plenus et celer, dolor abdominis, mingendi dolorosa difficultas, abdomen tensum et deglutitio laesa sine inflammatione erant, longe aliter sese habebant, ac ea, quae ut plurimum solent nervosam aut exanthematicam febrem concomitari. Igitur cum causam vel a vermibus in primis viis nidulantibus, vel ab ipsa impuritate ibidem collecta repetendam esse statueret, primum ipsi aërem fixum, Cl. HULMII methodo ingestum, propinavit: deinde autem eius corpus bene perpurgavit. Vermes post datum laxans comparuerunt nulli, sed magna putridorum et mucilaginosorum excrementorum copia e corpore exibat. Post haec et loquela et auditus rediere, et nullo alio auxilio adhibito, pristinum sanitatis statum recuperabat. Singularem hancce loquela et auditus absentiam ex consensu nervorum explicat, qui in primis viis irritati ab acri quadam materia, utique sensuum organa turbare possunt.

Historia haemorrhagiae uteri, varium et gingivarum, p. 76.
praesentibus simul maculis rubris et sublividis in cute conspicuis. Femina viginti et sex annos nata, corporis habitu graciliori et temperamento sanguineo praedita, jam inde a longo tempore circa illud tempus, quo

menſium fluxus provenire ſolet, et capitis doloribus vagis, et tumore eryſipelaceo ſemper in dextra gena apparente, laborabat. Haec cum aliquando negotiis quibuſdam domeſticis ante illum diem vacaret, quo menſium profluvium inſtabat, menſes quidem altero die tulit, ſed ſimul ſentiebat inconfuetum corporis languorem, caput male affectum erat, dextra gena erat inflata, dextrique oculi tunica albuginea leviter inflammata conſpiciebatur. Tertio die mane, expergeſacta poſt ſomnum valde inquietum, omnis cutis deprehendebatur lividis et ſubfuſcis maculis obſita, quae non ſolum petechiis non abſimiles erant, verum etiam, ſi acu pungebantur, ſanguinem facillime plorabant. Mox ſanguis e dextra nare, et paullo poſt e gingivis exire incepit, ita ut omnis ille ſanguis, ex alveolis dentium incifoꝝum et canini, qui eſt in dextra maxillae ſuperioris parte, prorumpere videretur. Lingua et fauces diſtinctae erant puſtulis, ex quibus apertis ſerum exhibat. Menſes per quinque dies fluere pergebant, deinde ultro ceſſabant, narium autem profluvium aluminis uſui cedebat, ita ut ſola adhuc ſuper'eſſet gingivarum haemorrhagia ſedanda, quae per ſedecim dies tanto cum impetu ſaeviebat, ut aegra quotidie ſanguinis libram profunderet, qui quidem cum ſaliua reinixtus erat, attamen nullum foetorem ſpargebat. Cum Cl. Auctoris auxilium imploraretur, praeter jam dictam gingivarum haemorrhagiam alia adhuc ſymptomata ſimul aderant, ut alui obſtipation, urinae retentio, febris et virium magna iactura, conjuncta cum pulſu admodum debili et ſubinde intermittente. Recte ſtatim indicabat, ſanguinem non ſolum revellendum, ſed et incrassandum eſſe, aptaque huic indicationi remedia opponebat, quo facto, haemorrhagia imminui primum, deinde plane ceſſare incepit. Vigefimo die uteri profluvium ruruſ com-
parebat, quod autem laxatis vinculis, quibus artus adhuc conſtricti tenebantur, ſtatim ſupprimebatur. Re-
licta

licta adhuc corporis debilitas superata est, infusi corticis peruviani cum elixirio acido HALLERI et aqua cinnamomi combinati usu, extracto martis et balneis frigidis. Maculas istas subfuscas in aegra conspicuas non ex humorum acrimonia, sed ex sanguinis ad vasa cutanea impulsu valido explicat, affirmatque, illas maculas in iis potissimum frequenter occurrere, quorum habitus cutaneus laxior sit constitutus. Ne- p. 85. que prorsus in haemorrhagiis artuum ligaturam esse reiiciendam, nec et ubique temere adhibendam, quippe quae interdum menstruum fluxum augere, interdum eundem suppressere possit. Crurum deligatio conducit, si mensium retentio ab uteri laxitate et debilitate repetenda est, et in eo casu fluxum menstruum juvat, dum per ejusmodi ligaturam sanguis in uterinis vasis contentus majorem motum acquirit: noxam contra omnino infert, si vasa illa spastice contracta, inflammata, sanguine turgescata, aut obstructa sunt.

XXVII.

Practical Observations on the more obstinate and inveterate venereal Complaints. by
I. SCHWEDIAUER M. D. London, printed
for Johnson and Elliot 1784. 8. 233. pagg.
i. e.

Observationes practicae de morbis venereis rebellibus et inueteratis Auctore I. SCHWEDIAUER.

Operam nec inutilem, nec leuem, suscepit Cl. SCHWEDIAUER, Viennensis. In tanta enim luis venereae varietate, in isto formarum multiplici habitu, in tanta medicorum de natura morbi, inprimis miasmatis, contentione ac dissensione, oleum non perdidit, cum ad diri ac clandestini mali historiam

penitius explicandam sese accingeret, inde ab *Astruci* tempore repetendo, quicquid hinc illinc dictum vel scriptitatum erat, et omnia docte, dextre ac accommodate memorando, diiudicando, restringendo. Neque minorem voluptatem inter legendum persensimus, cum is, qui doctissimum opusculum scriberet, germanus esset, eaque re iterum ostenderet, non vanum habendum esse elogium, quod vulgo nationi nostrae datur, eam prae ceteris aptam esse scriptis, in quibus, praeter experientiam et iudicium, summam desideres diligentiam. Redeamus ergo ad rem ipsam, cum bono vino hedera opus non sit, et perlustremus singula capita.

- p. I. *Cap. 1. De infectione venerea et diuersis formis, quibus labes ista veluti occultatur.* Praeuiua infectionis eiusque sequeclarum definitione, Cl. SCHWEDIAUER curate describit, quousque pertineant lues venerea et ceteri morbi venerei, v. c. bubo, gonorrhoea rel. et vberius percenset, miasma venereum diu in corpore latitare posse sine vlla euidenti nota vel noxa, exemplis haud leuibus vsus, vbi per menses, quin nouem annos veluti sepultum iacuit. (Haec quidem apprimè contraria opinioni Clⁱ T O D E, qui hoc vnquam fieri posse vel potuisse, more suo negare ausus est.) Similiter incertum est, si de tempore, quo infectio peragi debeat, quaeritur. Sunt enim, qui inter impuros amplexus consenscant, sed minime vitio tacti; Sunt contra, qui breui post coitum pessimis turpissimae luis symptomatis affecti reperiuntur. (Hic vir Cl. veluti in transitu quaedam de origine morbi gallici in medium profert, vsus potissimum lege, quam 1347 regina *Ioanna* I. in lupanaribus obseruari iusserat, ne qua femina meretrix labem contrahat, contractamque cum iuuenibus communicet. Sed in hoc aequè, ac Cl. HENSLERVS, fallitur, quod inde veteres luis natales repetat. Nam id vnum exinde sequitur, post immoderatum coitum cum

cum femina impura, i. e. acribus humoribus scatente, vitia localia esse obseruata, lues vero ipsa nuspiam ante fuctum tempus memoratur, nec ad viuum describitur.) Vtrum vero miasma in corpus insidere possit, neque tamen sui praesentiam in superficie prodere, non satis liquet, etsi sua experientia quindecim annorum condoces factus tales notas semper reperit, quas aegri aut ignorabant, aut negligebant. De infectione fetus, dum in vtero latitat, dubitat Noster, quia vlcera venerea recens natorum magis ab vaginae impurae transitu et cute teneriori ideoque ab resorbendum aptiori repetenda videantur. (Recte quidem haec omnia, sed cum idem cutis habitus fetui in vtero materno sit, vnaque arctissima cum matre colligatio, quidni et ibidem fieri oriri que possit? Nonne ergo duplex infectionis modus *δυνάτος*, alter ab vtero, alter ab vaginae sordibus? Nec desunt exempla, vbi, matris naturalibus illaesis, fetus scabie pessima notatus et editus fuit.) Immo vero sub Auctore Nostro lues, quae nostros homines molestat, aequè dira et symptomatis foedissimis comitata venit, ac olim, neque, vt affirmant multi, post binorum seculorum seriem mitior facta est, attamen rarius tam pestifera esse deprehenditur, quia nec nosocomia, nec medici, nec *φιλάνθρωποι* desunt, et curatio medendi via adhibetur.

Cap. 2. De gonorrhoea virulenta. Primum vir p. 16.
Cl. de nomine disputat, et blenorrhagiam, i. e. muci
fluorem, appellat, nomine a similitudine catarrhi du-
cto; deinde illud vitium ab vlcusculis profectum esse
negat, sed magis ab inflammatione superficiei mu- p. 18.
cum vberius euocari contendit. Quod ad contro-
versiam nuper a Todio et quibusdam Anglis mo-
tam attinet, vtrum idem miasma et gonorrhoeae, et
luis sit, et prius possit posterius malum inducere, prae-
via explicatione argumentorum in vtramque partem
allatorum, auctor est, idem vtrumque natura sua esse,
nec vlla ratione diversum, et transitum gonorrhoeae p. 20.

- in luem pendere a peruersa curatione: Ipse enim sic ab represso humore gonorrhoeae simplicis viderat or-
- p. 22. ta luis perfectae symptomata. Hinc docte refellit aliam inde ductam sententiam, qua miasma gonorrhoeae nequaquam cancerum, neque hunc illam, generare posse asseritur. Saepe enim gonorrhoea ma-
- p. 24. ligna infecuta est cancerum, et contra. Immo vero sub auctore Nostro falsum est, quod quidam nuperorum medicorum nobis persuadere fategerunt, mercurium nihil valere in curanda gonorrhoea. Nam si solam benignam exceperis, reliquae sine hoc non penitus abiguntur, ita tamen, vt extrinsecus applice-
- p. 26. tur. Sic multum conferet ad citandam curationem, neque fallet medicum, nisi male praeparatus sit. Vnde satis intelligitur, medicos, qui in contrariam partem eunt, non bene distinxisse gonorrhoeam simplicem et complicatam. Hanc si quis sanatam iactitet sine mercurio, nae is est omnium thrasonum impudentissimus. Quin ipsa gonorrhoea residua (gleet) haud raro rebellis ad quaeuis artis praesidia, tandem
- P. 31. huic concedit remedio. Praeter haec iste genitalium fluor solet sequi acritudinem quandam humorum huc depositam, ergo non quiuis putandus est venereus. Tale effluuium viridiusculi vel liuidi humoris perpetiuntur nonnunquam equi et canes sine vlla valetudinis iactura, sine vlcere lambentis linguae. (Hoc vidimus non semel in cane, qui totus esset in amoribus, neque semper per duritiem dominae appetitum exsatiare poterat.) Sufficit ergo quisque stimulus, producendae meatus vrinarii inflammationi aptus.
- P. 31. Id quod vir Cl. in se ipso expertus est, cum aquam causticam sibi iniiciendam curaret. Sub primo experimento prae dolore coactus est desistere; Sub altero fortiter tolerauit dolorem et iniectionem per horae minutum primum. Illico sensit vrinae mittendae stimulum, sed compressit, donec post intolerandas molestias cubitum iturus humorem obscenum mittere de-

debut. Male se habuit locus ab iniectione irritatus, at vero postero mane effluxit viridiusculus humor, qualis gonorrhoeae verae proprius est, superaccessit dysuria, et sub insequente nocte inuoluntaria penis arrectio; Altero die porrexit fluere copiosior et magis in viridem colorem inclinans humor, sed minui coepit urinae difficultas. Iniecto oleo amygdalarum dulcium, sedatus rerum status esse videbatur. Sed spes fefellit. Noua exorta est inflammatio cum ceteris gonorrhoeae signis; quae ubi per octo dies continuarat, insecuta est tertia. Hinc prae metu ternas iniectiones singulis diebus tentauit, et tandem, spatio sex hebdomadum finito, sanus euasit. Hoc experimento fretus Cl. SCHWEDIAUER statuit, quamuis acrimoniam, puta cancrsam penis, idem, quod iniectione caustica, efficere posse, (Nos bis gonorrhoeam p. 36 podagricam vidimus, cui nulla subesset miasmatis veneri suspicio) et dari duplicem gonorrhoeam, *sypiliticam* et *ab acri* aut *stimulo mechanico* oriundam. Illa si simplex est, nunquam fere desiderat mercurium. Color siue albus, siue prauus est, nec benignitatem, nec malignitatem morbi prodit, quippe saepenumero pessimus usque ad abitum permanet.

Sequitur *medendi ratio*. Haec in eo consistit, ut p. 38. iniiciantur oleosa et mucilaginosae in urethram, non posthabitis lenioribus medicinis mercurialibus et opio, non neglecta venae sectione, si quando inflammatio nimis urget, quia longe praestant topica una cum fomentis mollientibus, non omisso cortice, si corpus irritabile est, fluor tenuis et male coloratus, nec non pulsus debilis, itemque opio sub clysteris forma. Ad p. 40. cauendum testiculorum tumorem Noster inde ab initio adhiberi iubet suspensorium, damnat salia media, quia urinam acriorem ciendo inflammationem concitant, et purgantia remedia, quia plus obsunt, quam prosunt, laudat denique, si quando morbus incommodat, et urina difficulter ac cum dolore profluit,

vel gonorrhoea, sub statu inflammatorio fisti coepit, frictiones perinaei ex mercurio.

- p. 45. *Cap. 3. De gonorrhoea veteri (gleet.)* Oritur hoc vitium perquam molestum duplici ex causa, quarum prior est inflammatorum osculorum relaxatio (*Blennorrhoea simplex* Nostri,) posterior quaedam ulceratio siue rosio quorundam vrethrae locorum. (Haec Nostro dicitur *Blennorrhoea complicata.*) Ad tollendum vlcus locale praestantissima est iniectio ex aqua et vitriolo albo, vel id genus aliis siccantibus. Ad minuendam humorum labem, quae tunc temporis semper coniectanda est, praeuia sanguinis correctione, valet plurimum iniectio bis terue singulis diebus ex mercurio sublimato et lithargyrio, cum aceto et aqua commisto. (Sed nos talia tentantes saepe destituit spes.)
- P. 49. Praeterea cautiones subiiciuntur, quarum inter iniiciendum magna est utilitas, dissuadetur vsus balnei frigidi, laudatur fomentum testiculorum ex aceto et aqua frigida, commendatur triplex remediorum genus, puta mercurialia, balsamica et roborantia, et finiuntur superiora capita cum *tabula nosologica*, quae memoriam mire iuuat.
- p. 63. *Cap. 4. De tumore testiculorum venereo.* Docet Noster rei et experientiae apposite, non testiculum
- p. 65. tumefieri, sed epididymidem, et auctor est, vt, si pulsus celer et citatus est, vena secetur, alius cieatur, aeger balneo calido molliente foueatur, scrotum suspensorio muniatur, et fomenta tepida peni superhabeantur. Eminent tamen opium largiter ore vel ansumtum, vnde intra biduum gonorrhoea cum leuamine aegri rediit. Ad scirrhum leuandum iuuat plurimum mercurius ore haustus et sub vnguenti forma perinaeo inunctus, non posthabitis fomentis ex radice atropae belladonnae L. vel herba cicutae. Contra
- P. 74. decoctum daphnes mezeraei offendit stomachum. Rara est testiculi inflammati suppuratio: Id quod casu me-

memorabili, vbi simul aderat pulmonum vomica, confirmatur.

Cap. 5. De inflammatione et induratione glandulae prostaticae. Reuocanda primum est gonorrhoea suppressa, quae tantum non semper praecessit, ne suppuratio insequatur, fecunda pessimorum symptomatum mater; Sin vero iam vrget inflammatio, opus est mercurio extrinsecus et intrinsecus admoto. In duritie vero vtilia sunt cataplasmata mollientia et cicutae vsus. (Nos nunquam destituit emplastrum de ranis cum mercurio et de cicuta, modo sub initio superhaberetur.)

Cap. 6. De ischuria et stranguria venerea. Docet p. 77. vir Cl. morbum hunc eo difficiliorem curatu esse, quo magis inueterauit et complicatus est, et immedicabilem, si fungosa corpora vrethram obsident. Prae- p. 82. uia ergo venae sectione, catheter oleo dulci infectus immittitur, inprimis THEDENII, neque opium spernendum videtur. Quaeuis tamen ischuria venerea desiderat internum mercurii vsum, et si quando sub- p. 85. est excrefcentia, suadet quidam chirurgus Anglus occultatum veluti causticum singularis instrumenti mi- p. 92. nisterio loco affecto applicandum.

Cap. 7. De ulceribus venereis. Dantur natura- p. 93. lium vlcera, nequaquam venerea, ideoque et mercurii impatientia. Hinc sedulo a se inuicem distin- p. 94. guenda sunt, quia non desunt tristia exempla, quibus edoceamur, propter malam diagnosin post faucium vlcera amygdalas et velum palati periisse, cariem et ipsam mortem insecuta fuisse. In medica- p. 100. mentis externis ponuntur mercurialia, adstringentia p. 105. et caustica. Praesentissimum praesidium putes mercurium praecipitatum rubrum, bis quotidie inspersum, quamdiu vlcera tecta crusta alba sunt, post haec vero frictio mercurialis, calomel ex aqua calcis superhabitum, quin ipse sublimatus mercurius. Tandem, hisce irritis, externe superimponantur cortex, aqua

- vitrioli camphorata, viride aeris ex oleo solutum, imprimis vero orichalcum sub pulueris forma iuuat.
- p. 107. Quin haud pauca vlcera vteri et vaginae magis venerea, quam cancrofa sunt, et mercurio abiguntur.
- p. 109. Sub calcem subiiciuntur quaedam de fistulis venereis.
- p. 111. *Cap. 8. De phimofi.* Non probat Noster incisionem propter metum haud leuem, vt recenti vulnere forptio puris concitetur periculumque augeatur, excepto eo casu, vbi inflammatio vehemens vrget, et gangraena pertimescenda est. Profunt iniectiones ex mercurio sublimato vel dulci et aqua calcis, intra praeputium et glandem demissae, obsunt semper mercurialia ore sumta
- p. 114. *Cap. 9. De paraphymofi.* Ad praecauendam gangraenam maturatu opus est. In ea specie, quae sine venerea labe incidit, iuuat aqua frigida peni superhabita, et lenis pressio. Contra in venerea operatio, quam ocysime fieri potest, facienda videtur, et quidem in contraria vlceris parte, ne virus venereum forbeat.
- p. 116. *Cap. 10. De bubone venereo.* Bubones dantur non venerei, s. sympathici a solo irritamento externo nati. Si qui vero profapiae venereae sunt, vtilissimae sunt frictiones mercuriales, non glandulae quidem tumefactae, sed femori lateris affecti superhabita. Causa vero, cur saepenumero fallant, in eo latet, quod glandulae lymphaticae inferiores a superioribus veluti deflectant, et breui via ad abdomen et ductum thoracicum redeant. Hinc intelligitur irritus mercurii vsus, qui sub statu inflammatorio semper abesse debet.
- p. 128. Tunc vero cucurbitulae siccae spernendae non sunt, neque minus probabilis medicina cicuta. In cachecticis hominibus, non febrientibus, iuuat mercurius,
- p. 132. nocet quaeuis excretio, salutaris est victus nutriens
- p. 133. et cortex. Maturatum bubonem naturam soluere praestabilius est, quia abscessus facilius sanescit, nec
- p. 135. malam cicatricem relinquit. Post haec mercurium
- ad-

adhibere commendabile est, quem reiiciendum putes, si humor effluens sit tenuis, copiosus, et saniosus. Tunc aegro victu nutriente, cortice ac aëre puro succurrere licet. Abscessus iniectione ex aqua p. 136. vitriolica camphorata vel decocto corticis purificatur.

Cap. 11. *De lue venerea.* Signa eius sese produnt p. 139. oculis, auribus, naribus, ore ac faucibus, genitalibus, cute ac ossibus, neque dirus iste morbus sine mercurio domari facile potest. Curatio requirit purgantem p. 144. medicinam, deinde balneum calidum ex furfuribus, quocum lenior frictio iungitur, denique, ubi e balneo aeger exit, poculum vini. Praeparatio fere superuacua est. Frictio si respuitur, commendanda p. 145. videtur solutio gummosa *Plenkii* vel pulv. merc. cinerei Pharm. Edinb. Mala eius symptomata minuit quies ab medicina per aliquot dies, sopit vero opium. Sic lues fere intra 25 - 30 dies vincitur, at vero inueterata et cum carie ossium copulata intra 10 - 12 hebdomadas. Tempus perfectae sanationis definitu arduum est, ideoque continuandus aliquandiu mercurius.

Cap. 12. *De remediis mercurialibus generatim.* In p. 153. tabula veluti exprimuntur, ita tamen, ut Noster mercurium sublimatum appellet hydrargyrum muriatum fortius, calomela hydrargyrum muriatum mitius, merc. praecipitatum rubrum, hydrargyrum nitratum rubrum.

Cap. 13. *De remediis mercurialibus speciatim.* In p. 164. hac notatione ubique is virum expertum, qui, quicquid usus docuerat, candide profitetur. Orditur vero Noster 1. *Ab frictione.* Mercurio puro, cuius notas suppeditat, opus est, si vere prodesse debeat. Quinquaginta vel septuaginta frictiones rem omnem absoluunt. Sequuntur 2. *Suffumigatio.* In desuetudinem abiit. (Rossis adhuc in amoribus est.) 3. *Praeparationes salinae mercurii.* Memorantur hydrargyrum gummosum *Plenkii*. Hydrargyrum calcinatum et

- et acetatum male vexat intestina; magis iuuat hydr. tartarifatum et tart. hydrargyratus, et ad cancrum valet hydr. nitratum, indeque factum vnguent. citrinum ad morbos cutis venereos efficacissimum. Hydr. nitratum cinereum Pharm. Edinb. Mitissimum esset optimum, mane et vesperi grani j. magnitudine; *Belleti* syrupus vegetabilis est mercurius praecipitatus, aethere vitrioli solutus et cum syrupo gratiori mistus. Mixtura SWIETENII utilis est ad morbum grauiorem, si quando corpora firma male habet. Calomel, ex
- p. 185. SCHEELII methodo praeparatum, Noster purgandi scopo commendat. Turpethum minerale, minori dosi datum, saepenumero profuit in exanthematis venereis. Pilulae PLUMMERI in lue domanda sunt, et praeter mitigationem symptomatum nihil
- p. 190. commodi adferunt. 4. *De ptyalismo*. Proprio usu edoctus dissuadet Noster salivae fluorem, utpote vanum et noxium. Nam quo diutius continuat, eo minus iuuat, ergo nequaquam adhibendus est.
- p. 198. *Cap. 14. De causis, cur quidam morbi venerei nequaquam cedant mercurio*. Sunt vero illae ex fide ac obseruatione Nostri mercurius diuerse praeparatus, methodus sumendi et applicandi, vires aegri maiores minoresue, vel in victu commissi errores, denique ipsa morbi natura.
- p. 206. *Cap. 15. De quibusdam aliis remediis lue domandae, ut creditur, aptis*. Americani laudant radicem Lobeliae siphyliticae; addunt, si rebelle malum est, paullulum rad. ranunculi abortiui, vlceri opponunt puluerem inspersorium ex geo riuali. Lusitani extollunt decoctum Lusitanicum. Dubitat, tamen Noster an sine mercurio nostris in regionibus aliquid effici possit.
- p. 210. *Cap. 16. De quibusdam morbis venereis, singularem medendi rationem desiderantibus*. Sunt ex hoc genere: 1. *Ophthalmia venerea*. Auctor Noster laudat purgationem alui, et mercurium, externe vnguentum citrinum, immo vero aliquot guttas Laudani
- oculo

oculo instillandas. 2. *Surditas venerea*. Vidit talem Noster a gonorrhoea temere terebinthina sisti coepta. 3. *Fistulae venereae*. Variis observationibus id confirmatur. 4. *Venerea exanthemata*. Profuit balneum ex furfuribus, cui admiscetur sublimati 3ß. et vnguentum citrinum, interne turpethum minerale, sed parua dosi sumtum. 5. *Excrescentiae venereae*. Caustica tantum non semper nocent, laudabilis tamen aqua caust. pro condylomatibus *Plenck*, si bis terue singulis diebus superhabetur. 6. *Impotentia venerea*. Ei pellen-
dae aptus est mercurius, cum roborantibus copulatus, et liquoris anod. *Hofm.* cochlear minutulum mane ac vespere. Isque et extrinsecus ex aqua tenuatus, scroto atque funiculo spermatico superimpositus. 7. *Dolores, spasmi cet. venerei*. Bene distinguendi ii sunt, qui venereae prolapiae sunt. Saepe iuuant victus exquisitus, balnea calida, medicamenta tonica vel antimonialia, et si transpirationem sub mercurii usu suppressam secuti sunt, grauissimum malum alleuant balnea calida, inprimis vaporosa, sulphur antimonii aurat. et cum extr. cicut. copulatum. 8. *Morbi ossium p. 223. venerei*. Rarius laeduntur ossa, nisi sub neglecta vel mala luis curatione.

Cap. 17. De morbis venereis laruatis, v. c. tabe, p. 226. rheumatismo, febribus cet. Febres hecticae, morbi venerei soboles, omnium optime mercurio subiguntur; Rheumatismus et ischias requirunt balnea calida, medicamenta mercurialia mediae materiae, et decoctum rad. dulcamarae, siue, vt aliis visum est, flor. daphnes mezerai s. daphn. laureol. vna cum mercurio.

Cap. 18. De morbis venereis mercurio non ceden- p. 229. tibus. Omnis medici cura eo dirigenda est, vt, vtrum ista vitia labi venereae debeantur, nec ne, mercurio sumto, satis pateat. Hic magno iudicio opus est. In casu non venereo laudat Noster antimonium crudum, sulphur antimonii auratum, aethiopem mineralem, vel vinum martis, inprimis misturam ex Marte et aethere
vi-

vitrioli. Quibus, si opus videatur, superadditur decoctio rad. sassaparillae, corticis rel. item balneum ex frigida vel marina. Interdum mire profuit decoctum Lusitanicum, sed omnium maxime decoctum D. PAULLINI, quippe quod breui pertinacissima ulcera, exanthemata et cariem persanauit. Sed arcanum est.

Cap. 19. Observationes de quibusdam praeiudiciis.

p. 231. Vere ac solide demonstrauit Noster, male sibi consuleri, qui, si semel mercurio sanati sint, eum nunquam nisi cum morte dimitti credunt, eamque ob rem lymphatico metu excruciantur. Magistratus ergo est providere, ne quis morbum contagione receptum curet mulieris sanae congressu perdendum, ideoque rei publicae damni plurimum inferat.

Hactenus Noster. Qui quam bene in explicanda morbi venerei natura et curatione versatus sit, hoc tractatu praeclare demonstrauit.

XXVIII.

SAL. THEOPH. DE MEZA Med. Doct. Poli-
liatr. Hafniensis Compendium medicum pra-
cticum per fasciculos distributum. Vol. I. tres
fasciculos, sc. I. De febribus. II. De inflam-
mationibus et doloribus. III. De debilitati-
bus et hallucinationibus continens. Haf-
niae ap. Christ. Gottl. Proft Bibliopol. Vni-
uersitat. 1780. 8. Vol. II. tres fascicul. al-
teros, sc. IV. De fluxibus. V. De morbis con-
uulsivis. VI. De morbis cachecticis conti-
nens. 1781. Vol. III. tres vltimos fascicu-
los, sc. VII. De tumoribus et ulceribus.
VIII. De vulneribus. IX. De venenis con-
tinens. 1783.

Aufus est Cl. MEZA, senex medicus, missis factis,
quae demum cunque ratione et magistrorum ora-
tione

tione continentur, compendium practicum scribere, cui deessent *disquisitio subtilis, hypothesis vana, speculatio incerta dubiae in theoriis causarum proximarum et remotarum, in symptomatum explicationibus et in indagando modum remediorum operandorum* (v. Praefat.); inessent vero omnino, quae usus et experientia tot annorum docuerat. Praeclarum facinus scilicet! Multa tamen deprehendent lectores, quae minus bene ac recte dixisse vel observasse Cl. auctor videatur; multa, in quibus idoneam materiae viriumque cognitionem, ordinem lucidum, orationem puram et terseam, remediorum delectum et boni scriptoris artem desideres. Sed videamus de singulis.

Fasc. I. De febribus. Agit vir Cl. de febribus in p. I. genere, de febre ephemera, de febribus intermittentibus, anomalis, remittentibus perniciosis et larvatis, de synocha putrida, febre maligna petechiali, de catarrhali benigna et maligna, de peste, eiusque cura prophylactica, de febre lenta et nervosa, item lenta chronica s. hectica, de aphthis; deinde de emeticis p. 45. exhibendis in acutis, de febre ardente inflammatoria et potu frigido, post de febre erysipelacea et vrticata, p. 55. scarlatina, miliari et purpura, morbillis et variolis, de prophylaxi variolarum et insitione, de febre puerperarum; tandem de linteaminum et indusiorum mutatione, de limitando vesicantium usu in acutis, de aegrotantium et convalescentium diaeta, de morborum crisi et signis prognosticis. Sub finem subiiciuntur *formulae*, non semper recte ac concinne scriptae. p. 127.

Pauca sunt, quae Nostro propria esse putes. *Causam* p. 4. proximam febrium occultam statuit, essentialem motu progressivo et intestino contineri; Tremores p. 11. quotidianos sine frigore ac calore persanavit cortice; Post febrem tertianam intermittentem temere sup. p. 13. pressam maniam et icterum, nec non coecitatem absolutam vidit; diuretica damnat, corticem laudat. p. 16. Febrē putridam repetit a quadam acrimonia, san- p. 21. gui.

- p. 22. guinis corruptionem inducente, et motus criticos fieri
 p. 23. ait a septimo die, sed alternis diebus; Sinapismos in
 p. 25. delirio phrenetico praeferendos; Peticulae non sunt
 semper sanguinis resoluti soboles, neque ferunt ni-
 p. 27. trum. Febrem ardentem et inflammatoriam eandem
 p. 47. putat. Potum frigidum minus in principio et fine
 p. 54. morbi, magis in statu conducere, et causam febris
 p. 56. erysipelaceae positam in sero acri bilioso, auctor est.
 p. 72. Vidit Noster variolas secundas, et ab vno varioloso
 p. 83. contagio nasci posse omnia variolarum genera conten-
 dit, et exstirpationem praesentissimum remedium pro-
 p. 91. phylacticum esse censet. Sedem febris puerperarum
 p. 98. cum *Hulmio* in abdomine purulento ponit. Vesican-
 tia maximam partem in febribus acutis reiicit, prae-
 ter malignam, cum eruptione copulatam, putridam
 p. 114. et nervosam, et affectus soporosos. De *crisi* et *signis*
prognosticis pauca, eaque manca, nec satis limata, No-
 ster in medium attulit.

Fasc. II. Inflammationes et dolores sistens. Prae-
 uia praefatione, in qua plurimae veterum et recen-
 tiorum medicorum theoriae explicantur more solito,
 i. e. imperfecte, percenset Noster primum potiores
 p. 1. inflammationum formas, puta phrenitidem (?), oph-
 thalmiam, anginam, peripneumoniam, pleuritidem,
 paraphrenitidem, gastritidem, enteritidem et ileum,
 hepatitidem, splenitidem, nephritidem, cystitidem et
 p. 41. metritidem; deinde subiicit quaedam de venaesectio-
 ne, quam impensius commendat, de vesicantibus,
 p. 46. quae etsi proficua, tamen tibiis, quam parti affectae,
 p. 48. aptiora existimat; post narrat suppurationem, em-
 pyema, vomicam pulmonum, sed nimis ieiune, cum
 ne scitu utilia et necessaria quidem adscripserit, et tuf-
 p. 54. sim, phthisin et pulmonalem, et nervosam, et atro-
 phiam infantum, asthma eiusque speciem incubum,
 addenda censuerit. (quam bene, viderint alii.)
 p. 80. Inde a cap. 26 *dolorem* explicat, eoque refert
 p. 86. cephalalgiam, otalgiam, odontalgiam, (subdita ite-
 rum

rum dentitione difficili) pleurodyniam, cardialgiam, colicam, a qua ventris tormina distinguit, choleram, dysenteriam, cuius causam esse acrimoniam causticam putridamque bilis Noster putat, proctalgiam, lithiasin, stranguriam et dysuriam, (non omis-
set partu difficili et torminibus post partum, quae quidem, si quid videmus, inter morbos referenda non sunt) arthritidem et podagram, ischiadem et rheumatismum; Sed verendum est, ne tironibus satis sit, quicquid hic legitur. Veterani enim nusquam inuenient incognitum quid vel inauditum. Formulae finiunt hancce partem.

Fascic. III. Debilitates et hallucinationes sistens.
Hic iterum expers ordinis Noster quaedam adfert, quae nemo prudens ibidem quaereret. Tale est *cap. p. 16. 5, de comate vigili, pervigilio, et cap. 10. De delirio, p. 38.* utpote quae symptomata morbosa sunt, non morborum genera; *cap. 8. et 9. De hysterica passione et hypochondriaca affectione, quia ad spasmodorum familiam proprie pertinent; cap. 13. De daemonomania, quam hodie vix quisquam medicorum pro morbo habet eo sensu, quo Noster, i. e. obsessionem diaboli; cap. 15. De somnambulismo, quem sterili modo pertractavit; cap. 16. De tarantismo, quippe aegritudine ficta, non vera; cap. 17. De hydrophobia, quae in acutis morbis ponenda videtur; cap. 26. De aquis mineralibus, quae male suum locum occupant, et satis ostendunt, Nostrum fere ignorare, qui harum aquarum usus sit; Ut taceamus reliqua capita, in quibus medicum expertum ubique desideres et requiras, et formulas similiter malas. Mirari ergo desinant lectores, si quando in sequenti volumine secundo et tertio Nostrum eadem lyra oberrantem intelligant. Agitur enim*

*Vol. II. Fasc. IV. De fluxibus, hucque refer-
tur plethora (haec vero fere causa est, non morbus);
Tom. XXVI. Pars III. El haec-*

esse, et oriri aita paralyfineruorum mesentericorum,
indeque facta atonia insuperabili, *hydropem uteri et*
ouarii, hydrocelen, hydrothoracem et hydrocephalum; p. 41.
rachitis, quam negat deberi miasmati venereo, sed
sponte acquiri, et salibus vegetabilibus optime curari
contendit; *scrophulae et strumae*, quas lymphae visci- p. 44.
dae acidaeue attribuit, sed nuper dicta remedia igno-
rat; *scirrhus et cancer*, a quo contagii suspicionem p. 47,
amouet, internum insanabilem, externum ense reci-
dendum iubet, medicamenta ex auctorum fide refert;
gangraena et sphacelus, alopecia, quam oleo absinthii p. 52.
cocto domari vult, et *plica polonica*, quam ab singu- p. 56.
lari cacochymia, (forte labe venerea et scorbutica)
dimanare sibi persuasum habet, et curationis viam
mancam subdit; *elephantiasis et lepra*, (de his non, p. 58.
nisi ex auctoritate aliorum) *scabies*, quam Noster ab p. 61.
miasmate specifico, forte acido, repetit, (sed saepenu- p. 64.
mero rebellem morbum iugulat ol. vitrioli ex aqua
mistum) et pilulis mercurialibus multum confidit;
tinea, quam, si os foedat, crustam lacteam dici autu- p. 67.
mat; item ad septimum vsque annum efflorescere,
(sed cui ignota est tinea adutorum?) et prosopiae aci-
dae esse statuit, solis purgantibus mercurialibus subi-
gendam *impetigo et herpes*, quem Noster sustulit ve- p. 69.
sicante locali, interne mixturam Swietenianam lau-
dat; *lues venerea*, quam copiosius explicat, etsi non p. 71.
desunt, in quibus aliter sentias, reiectis praesidiis pro-
phylacticis, quae nouaturiendi studium vel auri sacra
fames adhuc suasit, et, praefiscine dixerim! in poste-
rum veneris vulgiuagae nepotulis suadebit. Formu- p. 91.
lae subnectuntur, sibi semper similes.

Finit *Vol. III.* constans tribus fasciculis, sed velu- Vol. III.
ti lenta tabe consumtis. Inscribitur enim *Fasc. VII.*
De tumoribus et ulceribus, et agitur de *phlegmone et* p. 1.
abscessu, fistula ani et lacrymali, mammarum inflamma-
tione (hic more suo Noster agit seorsum de *lactatione*

p. 71. et *nutricis delectu*) ganglio, polypo cet. Pauca de vl-
p. 76. *ceribus*, in primis *ozaena*; habet, et *appendicis* loco
quaedam adfert de *pemphygo*, *essera*, *zona*, *gutta ro-*
facea et *erythemate*, in quibus repetiisse videtur chi-
rurgiae praecepta nota.

p. 1. Idem sentiendum putamus de *Fascic. VIII. De*
vulneribus. Nam in hoc numero collocavit; praeter
quaedam vulnerum genera, scarificationem, phlebo-
tomiam, partum caesareum et embryotomiam, et, ne
a veteri consuetudine prorsum deflecteret, dedit lecto-
p. 46. ri quosdam omissos morbos, *stymatosin*, *raucedinem* et
p. 48. *morbos a transpiratione suppressos*.

p. 1. Denique *Fascic. IX. De venenis* sequitur. In
p. 7. quo Noster post *aërem venenatum* explicat *animalia vene-*
p. 12. *nata*, *venena vegetabilia*, quae ipse expertus esse non
p. 19. videtur, *mineralia*, item *acida*, quibus curandi viam
p. 41. subiicit, sed vagam et mancam, hinc inde versiculis
p. 56. interstinctam. Abesse etiam poterat *cap. 11. de iudicio*
p. 68. *circa veneno defunctos*; Nihil enim utilitatis exinde in
tirones redundabit. Coronidis loco, ni fallimur,
p. 70. additum est *cap. 12. de idiosyncrasia*, in quo mera
exempla memorantur, nihil de causa, vnde mira illa
vis corporis proficisci videatur.

XXIX.

Selecta doctorum virorum opuscula, in quibus
Hippocrates explicatur, denuo edita, cura-
uit ERN. GODOF. BALDINGER. Gott. sumtibus
D. Fr. Kübleri 1782. 8. pagg. 351.

Cl. Editor per quinque lustra in colligendis scriptis
atque opusculis, quae ad medicinam Hippocra-
ticam pertinent, multus paeneque totus fuit, atque ad-
eo eam tanquam veram et genuinam suis discipulis ex
cathedra commendavit, atque declaravit, sine hac me-
dicina ne vllum quidem eruditi et genuini medici no-
men

men promereri posse. Ut autem eo plures ad hanc medicinam, manu diurna tractandam nocturnaue, allicerentur, traherenturque, consilium ex bibliotheca sua, selecta opuscula doctorum virorum, quae potissimum ad medicinam practicam spectant, seorsim edere coepit, atque oblectationem illam et utilitatem maximam, quam ex eorum lectione hausit, cum aliis quoque voluit communicare. Tria autem volumina exercebunt prela, quorum alterum iam ad manus est, alterum continebit quae restant selectiora scripta, Hippocratem illustrantia, et vltimum, quae ad Aretaeum Galenumque pertinent, proponet. Critica vero et philologica scripta alii tempori reseruanda esse censuit.

In hoc vero volumine 12 opuscula continentur, de quibus seorsim pauca, iudicio nostro interposito, sunt dicenda.

I. FRID. HOFFMANNI *diff. de morbo nigro Hippocratis*, Hal. 1701. Cuius quidem descriptio exstat apud Hipp. de morb. L. 2. f. 5. p. 45. eumque cum vomitu melancholico s. vomitu atrae bilis conuenire existimat, materiamque eiectam fuisse sanguinem feculentum corruptum, et ob admixtionem acidi in ventriculi sinu et intestinorum cauitate, aterrimum factum.

Atque hypochondriacos hoc infestari affectu arbitrat^{p. 7.}ur, cuius origo et sedes in liene quaerenda est, vnde per vasa breuia et per mutuas anastomoses cum vasis ventriculi gastricis et epiploicis sanguis corruptus in ventriculum effunditur; et quia tunc sanguis stagnat circa intestinum colon et per eius vasa eiicitur, ratio reddi potest de colicorum dolorum atrocitate. Qua^{p. 9.}

re recte concluditur, familiarem esse hypochondriacis hunc morbum, penes quos haemorrhoides suppressae aut imminutae sunt. Eadem ratio est apud feminas hystericas defectu vel imminutione mensium laborantes.^{p. 11.} Accedit ad symptomata graua, viscerum strepitum, pectoris et dorsi punctionem, laterum capitisque dolorem, crurum lassitudinem, visus imminutionem,

III. TOB. IOH. IOS. SCHONINGH *de morbo nigro Hipp. Gron. 1768.* In quinque capita vniuersam diuisit tractationem: 1) agit de materia peccante, seu atra bile, quo capite egregie dicta a veteribus de atra bile commemorantur, quae non sine deliciis legimus; illam autem atram bilem mero pro figmento habet, et recentiorum de ea oracula profert, et disquir, unde humor atrabiliarius oriatur, et eius naturam inuestigare tentat. 2) de morbi descriptione, eius definitione et causis in genere, ubi proximas, remotas, praedisponentes atque occasionales commemorat, quas adeo multiplicat, ut eas sigillatim recensere nequeamus, quamquam affirmemus in vniuersum, omnes pro diuersitate naturarum in quibusdam separatim adesse posse. 3) de diagnosi et effectibus, quos morbus niger in corpore producit, in quibus recensendis probe versatum medicum prodidit. 4) de constituyente morbi nigri prognosi; ad intricatos morbos eum refert, et ex variis symptomatis etiam variam fieri prognosin recte monet, in qua quidem re sexus quoque diuersitas incensum venit. 5) de morbi nigri cura et diaeta, quomodo versari praeceperit Hippocrates, deinde quae in paroxysmo et post eum medela sit vtenda innuit, ex quibus simul sumtis cognouimus hanc dissertationem curatori studio esse conscriptam.

IV. GE. WOLFG. WEDELII *progr. de morbo crasso Hipp. Ien. 1688.* Magnam doctrinae copiam libellus hic exiguus prodit, atque locum Hippocratis Epid. L. II. c. 6. n. 15 belle illustrat, ubi ilei sanguinei fit mentio, quem pro scorbuto venditat, ingentes dolores in imo ventre atque intestinis excitante. Hos morbos crassos nominat ab effectibus, id est morbos tartareos, in specie tormina colicorum aemula, seu colicam ipsam scorbuticam. Duplici autem modo dicuntur crassi, tum a materia et motu humorum, a concremento tartareo, tum a more rebeli et immo-

rigero, quia morbus sit difficilis. Singula deinde ad ambitum morbi pertinentia distincte ex ipso Hippocrate proponuntur.

- p. 142. V. ANDR. OTTOMAR GOELICKE *de morbo ru-
stoso Hipp. Fref. ad Viadr.* 1738. Aegritudinem
illam, quam alii flatulentam appellant, ab Hipp. de
morbis L. II. descriptam indicat, recitatis ideo verbis.
- p. 147. Coi senis ipsam suppeditat descriptionem morbi, atque
addit sub ructu, flatus seu crepitus cum sonitu vehe-
mentissimo sine leuamine emitti. Alii quoque practi-
- p. 151. ci huius morbi fecerunt mentionem. Conuenientia
huic malo est cum ventriculi inflatione, eructatione
et flatulentia, sed etiam discrepantia, quae vberius
- p. 154. exponit. A. Cl. dein in causas inquit, quae variae
p. 159. esse deprehenduntur, tandem prognosin et rationem
p. 167. medendi suppeditat, et vltimo loco de diaeta praecipit.
- p. 169. VI. GE. ERN. STAHL *de febre lethifera Hippocra-
tis. Hal.* 1711. Febris illa lethifera, πυρετός Φονάδης
dicta, L. 2. de morbis describitur, eique omnia signa
p. 172. et symptomata febris competunt. Vestigiis Hippo-
cratis presse insistendo, omnia symptomata et circum-
stantias hanc febrim comitantes explicando, ex singu-
lis verbis veram naturam eruit, atque, quomodo con-
- p. 195. sulendum aut auxiliandum sit, declarat. His vero non
contentus e sua theoria ac praxi ea adiecit, quae huic
morbo consentanea sunt.
- p. 215. VII. GE. WOLFG. WEDEL *progr. de morbo phoe-
niceo Hippocr. An.* 1702. Faciem morbi vno tantum
in loco praedict. L. 2. c. 49. p. 522 depingit Hippo-
crates: *fiunt autem leucae quidem ex lethalissimis mor-
bis, qualis est morbus Phoeniceus appellatus; leprae ve-*
p. 216. *ro et impetigines ex melancholicis.* Ex Galeni exegeſi
nominis reddit rationem Noster, phoeniceum appel-
lari morbum, qui in Phoenicia aliisque orientalibus re-
gio-

gionibus frequens sit, et videri quoque elephantiasin significari; sed etiam addit, a colore ita dici elephantiasin, quem suspicari posse. Quia vero rubor non proprius est et essentialis huic morbo, neque probari possit ex ullo auctore, Phoenicibus eum esse endemium, alio modo explicandum Hippocratem censet. Ele. p. 219. phantiaseos nomen quum non occurrat apud Hippocratem, illud simul sub λέπραις comprehendi credit, ἐξανθήματα autem innuere petechias et purpuras, purpuram autem duplicem esse, albam et rubram, et petechias a purpura colore, planitie et aequalitate distinctas esse aliis probat locis Hippocratis, et de phoeniceo colore ex Dioscoride differit. p. 220. p. 221.

VIII. ABR. VATER *de lienis prolapsione ad illustr.* p. 223. *vexatum Hipp. Epid. L. 6. s. 2. aphor. 30 locum.* Vitemb. 1746. Rarissimum illum morbum accurate p. 226. describit et s. I. observationis suae dilucidationem sistit. Hanc autem prolapsionem lienis esse praeter naturam huius visceris conditionem, qua id in magnam auctum molem, atque tum suo pondere, tum adiacentium partium pressione laxatis ligamentis, loco situae, quem natura ipsi assignavit, motum, inferiora abdominis occupat loca. Sedem morbi explicando simul A. Cl. ex lienis structura, eius cum aliis visceribus nexu, et tandem ex eius usu lucem huic morbo accendere studuit; praeterea ad modum, quo lienis prolapsio fieri potuit, progressus est, et ad omnium phaenomenorum explicationem, tandem de acerbis fini huius mali euentu ac cura differuit. Sect. II. observationem Hippocraticam illustravit, atque obscurum illum locum clariorem sua interpretatione reddidit. p. 233. p. 241. p. 243.

IX. GE. FR. SIGWART, *fragmenta dynamices*, p. 250. *Hippocratico-Galenicae sparsis monumentis prodita.* Tubing. 1759. Primo tractat Cl. A. *fragmenta medi-*

- cinae dynamicae ad ipsius praecognoscenda spectantia.* Illa autem medicina docet morbose affectas vires, maxime humanas, psychicas, organicasque mensurare, eaque non solum mathematica est, sed et philosophi-
- p. 251. ca, circa qualitates virium naturales et praeternaturales occupata, illae autem non nisi ex effectibus cognoscuntur, ex quibus ad causam progredimur. Quum autem ex effectuum qualitate pendeat qualitas virium, sic quoque ex quantitate harum colligitur quantitas.
- p. 255. Varia autem fragmenta proponit medicinae dynamicae, quae in ordinem aliquem sunt redacta. Sic primo loco recenset *fragmenta medicinae dynamicae pathologica*, quae denuo in suas diuiduntur species; sunt
- p. 268. enim *nosologica, aetiologica, symptomatologica, et semiologica*: secundo *fragmenta medicinae dynamicae ad materiam medicam pertinentia* recenset, atque inter veteres pariter ac recentiores scriptores laudat, qui de viribus medicamentorum in vniuersum et in specie
- p. 271. praeceperunt. Tandem *fragmenta medicinae dynamicae therapeutica* addit, cuius vsus est in ministerio naturae praestando afflictas, in dirigenda natura, et in pharmacorum viribus ex naturae legibus aestimandis. Loca ex Hippocrate laudata non solum satis superque rem propositam explicant, sed etiam ex recentioribus medicis multa prolata sunt hanc veritatem confirmantia.
- p. 277. X. FRID. GOTTLOB JACOBI *philosophiae Hippocraticae specimen. Lips. 1747.* Luculentissima philosophiae in scriptis Hippocratis inueniuntur vestigia, ut non nisi ineptissimus atque stultissimus de iis dubitare possit. Nam medicina ab Hippocrate instaurata docet eum fuisse philosophum; ille enim empiricam et historiis observationibusque superstructam in formam redegit artis, et ut logicum in ratiocinando, medendo, obseruando se praestitit medicum, quid quod et
- p. 282. medicum, philosophum claris verbis esse iubet. Verum

rum enim vero contraria his videntur Celsi Praef. L. I. verba, dicentis, Hippocratem a studio sapientiae disciplinam salutarem separauisse. Sed salua est res, distinguebat tantum has disciplinas, vt seorsim eam colendo incrementa artis promoueret, ea adhibendo, quae medicis scitu sunt necessaria, reliqua, quae nec corporis humani cognitionem, nec sanitatis perditae restitutionem adiuuare poterant, ad philosophos delegabat. Statum philosophiae tempore Hippocratis p. 285. considerantes, intelligimus, plerosque philosophorum obscuritate, qua philosophiam inuoluebant, animos hominum ab ea tractanda auocasse, diuersa posuerunt principia, mysteriosa et symbolica docendi ratione arithmeticiisque argutiis alii eam obuoluebant, a quibus solus Herodicus eximendus esse videtur, cuius discipulus Gorgias Leontinus fuit, qui Hippocratem instituit, et qui eximie versatus fuit in philosophia. Deinde agit de philosophia Hippocratis in vniuersum, p. 289. laudat commentatores in philosophiam Hippocratis. Nonnulli tamen de philosophia Hippocratis perpe- p. 292. ram et peruerse iudicant; quia difficiliore voces non explicauerit, adeoque ab obscuritatis crimine, v. c. in p. 294. voce νόμος, non liberari possit. Sed expedire Hippo- p. 296. cratein belle studuit Cl. A. His addidit nonnullorum de natura Hippocratis explicationes, et genuinam p. 299. huius vocis suppeditauit interpretationem, quid elementa sint ex mente Coi tradidit, atque de corpo- p. 302. rum ortu ex elementis eorumque interitu in vniuersum differuit. p. 307.

XI. IOH. GUIL. ALBRECHT *progr. in locum Hip-* p. 313. *pocratis male explicatum, Epidem. 6. Götting. 1735.* Locus ita sonat: Ἀπαίδευτος ἡ φύσις ἐοῦσα καὶ οὐ μαθοῦσα τὰ δέοντα ποιεῖ. Hunc locum quidam sic explicant, vt Hippocrates videatur haec duo defendere: Naturam cum intelligentia quadam, et ex proprio consilio functiones naturales moderari et effice- p. 314. re:

re: eandemque naturam nihil aliud esse, quam animam rationalem. Sed aliam potestatem subesse verbis Noster docuit; igitur locum sic refinxit antea mutilum: Ἀνευρίσκει ἡ φύσις ἑαυτῇ τὰς ἐφόδους, οὐκ ἐκ διανοίας, τὰ μὲν, οἷον τὸ σκελεταμύσσειν, τὰ δὲ καὶ ἡ γλῶσσαι ὑποεργεῖ, καὶ ὅσα ἄλλα τοιαῦτα. Ἀπαίδευτος ἡ φύσις ἐοῦσα, καὶ οὐ μαθοῦσα, τὰ δέοντα ποιεῖ. Male explicata sunt verba ex illius sententia, et quidem non iniuria, οὐκ ἐκ διανοίας non ex consilio alieno, quum tamen διανοία nunquam alienum esse possit, sed semper denotare debeat, consilium proprium, intelligentiam, cognitionem, intellectum, vnam scilicet ex animi affectionibus, quae media est inter νόησιν et δόξαν. Ita-

p. 315. que secundum A. Cl. haec mens est Hippocratis, ut naturam, tanquam causam brutam, operari absque vlla cognitione eius, quod peragit, et sine vlla conscientia pronunciet. Et hoc verba sequentia docent, cum quibus istam operationem comparat. Hanc fieri dicit, ut *nictatio*, et ea, quae lingua peragit: quae utiliter quidem, sed non aduertentibus exercentur.

p. 316. XII. GE. SEGERI *diff. de Hippocratis libri περὶ καρδίας ortu legitimo. Basil. 1661.* Plerique hunc libellum Hippocratis genuinis scriptis non esse adnumerandum contendunt, quia dogmata Hippocrate indigna contineat. Igitur c. 1. *rationes legitimatorem impugnantes* recitat Cl. A. et auctores simul addit.

p. 319. Foësius siquidem contendit, non esse genuinum, quia neruorum originem et animae praecipuam facultatem in corde constituat. Marcianus, quia cor venarum principium statuit, quod Asclepiadum placitis aduersatur. Mercatus, quod cor musculus fortem dicat. Sed quia rationibus est pugnandum, eas Noster exami-

p. 320. nat, et quidem primam c. 2 quia nec Galenus nec Erotianus eius mentionem fecerunt; sed rarissima fuerunt tempore horum duumvirorum scripta, ut forte ad eorum non peruenerint manus. c. 3. alteram diluit:

p. 323. nullam in libro περὶ καρ. de neruorum origine fieri mentionem,

tionem, sed illa verba, e quibus haec eliciuntur, potius de vasorum sanguiferorum agunt origine, et τόπος, exp. 325. quo omnis vis probandi ducitur, non neruum, sed membranam, significat. c. 4. *libellum περὶ κ. animae praecipuam facultatem in corde non constituere demonstrat*, sed mens et anima distingui debet; mens siquidem est, quod eminet in anima, et huius sedes fuit controuersa, ipseque Hippocrates sententiam de mentis in corde sede reiecit. c. 5. declarat, *Ascle-p. 333. piadarum placitis minime aduersari, si cor venarum principium dicatur*. Sed huius sententiae contrarium fu- p. 337. sius probatur. c. 6. *cor musculum dicere Hippocrate vel quouis alio viro docto indignum minime esse* probat, et quidem docet, hanc doctrinam non esse alienam a doctrina Hippocratis, neque splendorem eruditionis in docto viro obnubilare. c. 7. *doctrinam de duplici potu- p. 346. lentorum via, prout in libro περὶ καὶ δ. inuenitur, sanam esse euincit*.

XXX.

Noua physico - medica.

Academia scientiarum, bonarum litterarum et artium *Lugdunensis* in annum 1786 sequentem quaestionem proposuit:

Quaenam sunt variae illae *Lichenum* species, quae usu in arte medica aliisque artibus pollent? (*Quelles sont les diverses espèces de Lichens, dont on peut faire usage en médecine et dans les arts?*) Auctores, qui ad hanc quaestionem respondebunt, proprietates illarum plantarum nouis obseruationibus et experimentis definiant. Praemium est moneta aurea, 300 librarum pretio. Commentarii mittantur, via et legibus solitis, ante calendas Aprilis, anni MDCCLXXXVI. ad Cl. DE LA TOURETTE, qui Academiae est asecertis.

Societas regia oeconomica Lugdunensis sequens problema proposuit: Inueniatur modus, quo calor conclauis, camino vel furno productus, ad tertiam partem augeatur, praeter quod maior ligni copia requiratur. (*trouver le moyen d'augmenter d'environ un tiers, au thermomètre de Reaumur la chaleur d'un appartement produite par une cheminée ou par un poêle, en ne consommant que la même quantité de bois.*)

Praemium duplum, 600 librarum Gallicarum valore, optimo tractatui tribuetur. Commentarii anno MDCCCLXXXV. ad societatem, legibus consuetis mittantur.

Academia scientiarum, artium et elegantiorum litterarum Diuionensis in annum MDCCCLXXXVI. hanc quaestionem proposuit:

Definiatur differentia essentialis inter phlogiston et materiam caloris, eaque proprietatibus singulorum confirmetur: (*Determiner par leurs propriétés respectives, la différence essentielle du phlogistique et de la matière de la chaleur.*)

Praemium est moneta aurea, 300 librarum Gallicarum pretio; commentarii mittantur ante calendas Aprilis anni 1786 ad Cl^{um} M A R E T, qui societati est a litteris.

Iam ab aliquo inde tempore legimus iussu ducis Florentiae societates, quae hactenus sub nomine academiae florentinae, della crusca, degli apatisti seiunctae erant, in unam coniunctas esse, quae nomen academiae florentinae etiam in posterum habebit. Data est eidem Magliaberana Bibliotheca, in cuius museo conuentus celebrabuntur, sumtibus in vnum finem unitis, maiores in vniuersam rem litterariam, tum etiam physicam, redundabunt fructus.

Mortuo Cl^o HAHN in academia Lugdunensi Batavorum Cl. VOLTELEN Med. Doctor successit, atque Professor Medicinae ordinarius factus est.

Ab Academia regia scientiarum Parisiensi in conventu die octavo Maii, 1784, in locum MACQUERI Cl. QVATREMERE DISJONVAL electus est, quem in physica aequae ac chemia egregie versatum esse constat.

Cl. FRIDER. GVIL. WEIS, M. D. Gottingensis, opere cryptogamico plantarum Gottingensium, atque botanica forestali celeberrimus, Rothoburgum vocatus atque archiater Landgravii Hassiacarum Rothoburgicarum terrarum factus est.

Cl. P. B. C. GRAUMANN Bützovii successit in locum Dethardingii, Professor Medicinae ibi factus.

Cl. STARKE, M. D. Professor Medicinae Ordinarius supra numerum *Ienae* ordinarium factus locum simul cum facultate vota dandi in Senatu academico obtinuit.

Mortui sunt:

d. 15. Maii. Lutetiae Parisiorum Cl. Antonius COVRT DE GEBELIN, opere, *monde primitif analysé et comparé avec le monde moderne* inscripto, celeberrimus. Natus erat *Nemausi*, anno 1725.

d. 16. Iun. MDCCLXXXIV. Quedlinburgi, FRIDERICVS GUILIELMUS RITTER, Archiater Principissae Borussicae ANNAE AMALIAE, M. D. vir doctrina et praxi felici celeberrimus, anno aetatis trigesimo octavo.

Aestate anni 1784 *Neapoli* Cl. IO. BAPT. DELLA TORRE, Bibliothecarius regius, Inspector musei primarius, atque machinarum physicarum director. Dedit *historiam phaenomenorum circa Vesuvium observatorum*.

Septem.

Septembri anni 1784 Lutetiae Parisiorum Cl. DAVID, Chirurgus primarii nosocomii Deo dicti, annos quadraginta et aliquot natus.

d. 15 Septembris, *Halae* D. I. A. WOLFAHRT, Professor medicinae, anno aetatis septuagesimo tertio.

d. 9 Octobris, anni 1784 *Bützowii*, Cl. DETHARDING, Consil. aulicus, D. et Prof. medicinae Publicus, natus erat anno 1699 *Rostochii*.

d. 11 Octobris, Argentorati meritissimus atque celeberrimus Anatomicus IO. FRIDER. LOBSTEIN, Prof. Anatomiae, anno aetatis quadragesimo quinto, hydrope pectoris laborans.

d. 24 Octobris Brunswigii, Cl. HAUSMANN, Med. D. Assessor collegii supremi sanitatis et secretarius, et Anatomiae Professor, trigesimo aetatis anno. Edidit vberiore descriptionem methodi Hawkinianae lithotomiam faciendi.

d. 7 Decembris anni 1784 *Berolini*, FRID. HERM. LUDOVICUS MUZEL, Regi Borussorum a consiliis intimis, et archiater, anno aetatis sexagesimo nono.

d. 15 Decembris, anni 1784 NATHANAEL MATTHAEVS WOLF, Medicinae Doctor, Societatis Londinensis et Gedanensis socius, hectica febre emaciatus. Non in arte medica solum, verum etiam in Botanica et Astronomia inclaruit. Eius sumptibus observatorium, libris instrumentisque praeditum, constructum est, atque summam 4000 numerum aureorum donavit, ut professor Astronomiae institueretur, mineraliumque et herbarum siccarum splendidam collectionem societati physicae Gedanensi in donum dedit. Iussit denique corporis demortui vasa sanguinea cera repleri et sub observatorio sepeliri. Auctor est libri Genera et Species plantarum, vocabulis characteristicis definita 1781.

d. 21 Ian. anni 1785 *Lubecae* Cl. ADOLPH FRIDERICVS VOGEL, Medicinae Doctor, Practicus et Chirurgus experientissimus.

Eodem mense Cl. SCHWENKE, Professor Botanices *Hagae comitum*, aetate prouecta.

d. 26. Decembris, anni 1784, Hafniae, Celeberrimus OTHO FRIDERICVS MÜLLER, Regi Daniae a Consiliis Conferentiae, Academiae Imperialis Petropolitanae, Regiae Hafnienfis, Holmiensis, aliarumque Academicarum societatumque membrum, vir solertia atque obseruandi acumine meritissimus. Praeclara sunt Ipsius in zoologia, praesertim in historia vermium, inuenta, atque mors improuisa eum, dum in edenda *historia entomostracorum* occupatus esset, suis atque orbi eruditorum praeripuit.

Non possumus silentio praeterire piam Clⁱ BROUSONET, Medicinae Doctoris, et membri Academiae Montispeffulanae erga merita PETRI RICHERI DE BELLVAL mentem, qua Academiae *Montispeliensi* 300 libras Gallicas commisit, quod praemium eitribuendum erit, qui optimum, iudice Academia, elogium dicti viri, quondam Professoris Botanices et Anatomiae in eadem Academia tradiderit. Est ille, qui opus botanicum, quod adhucdum manuscriptum reueruatur, reliquit, hortum botanicum fundauit, multisque aliis meritis insignis est. Elogia, ante Calendas Octobris, anni 1785 ad Cl^m DE RATTE legibus cognitis, mittantur.

Coluit nuper ordo medicus Lipsiensis memoriam Magnifici ANTONII GVIL. PLAZII, oratione anniversaria, habita die XXVI Februarii, anni MDCCLXXXV ab ERNESTO BENJAMIN GOTTLIEBENSTREIT, atque simul publici iuris reddidit vitae curriculum, ab ipso PLAZIO conscriptum, quod,

ut et nos piam erga beatum Virum declaremus mentem, eiusque meritis memoriam dignam faciamus, hic repetere libuit, quod quidem omnibus lectoribus gratum fore speramus.

Vita D. ANTONII GVILIELMI PLAZII.

Arrogantiae est praeclare, Negligentiae parum, Stultitiae, nihil de se sentire.

Ego, ANTONIVS GVILIELMVS PLAZ, in hanc mundi lucem prodii *Lipsiae*, praestantissima Musarum sede, celeberrimoque Saxoniae emporio, ipso anno seculi huius *octavo* ineunte. Parentibus gauisus sum munerum splendore atque generis nobilitate illustribus, Patre B. ABRAHAMO CHRISTOPHORO, in Mockau, Alten et Ploesen hereditario, Potentissimo Poloniarum Regi, Saxoniae Electori, FRIDERICO AVGVSTO I. a Prouocationum consiliis, supremæ Curiae Prouincialis Assessore, Scabinatus Electoralis Seniore, ciuitatis Lipsicae Consule Primario, Templi atque Scholæ Nicolaitanae Curatore, anno 1658. d. 18. Apr. nato, anno 1728. d. 25. Sept. vita functo; Matre ANNA MAGDALENA, D. BARTHOLOMAEI LEONHARDI SCHWENDENDOERFERI, magni suo tempore Icti, Professoris Publici Ordinarii, supremæ Curiae Prouincialis, Facultatis Iurisconsultorum atque Academiae Senioris, Ecclesiae Cathedralis Merseburgensis Decani, filia natu minore, anno 1712. d. 8. Aug. praematurò nimium fato mihi erepta. Auus paternus mihi fuit CHRISTOPHORVS PLAZ, Augustae Vindelicorum natus, Lipsiam posthac sese recipiens, ibique mercaturam felicissimo cum successu faciens. Auiam habui VRSVLAM CATHARINAM, D. ABRAHAMI TELLERI, ad div. Thomae Pastoris et Consistorii Lipsici Assessoris, ex DOROTHEA, nata BIERLINGIA, filiam natu maiorem. Proauus paternus, ANTONIVS PLAZ, fuit nobilis negotiator Augustanus, Pro-

Proauia, ANNA MARIA, e gente SCHANDERNEL-
LIA. Matre carissima orbatus cum anno 1713 d.
27. Dec. ad tertia vota transiret pater, atque tori so-
ciam MARGARETAM REGINAM, e celebri gente
PACKBVSCHIA sibi cooptaret, huius educationi com-
missus maternae propensionis haud vulgaria me acce-
pisse documenta gratus adhucdum recordor. Maxi-
ma vero parentis, media inter grauissima negotia vi-
gilantissimi, in eo posita fuit cura, vt mature tam san-
ctissimae religionis rectis principiis imbutus, quam
humaniorum literarum solida cognitione instructus et
mihi et aliis aliquando utilis efficerer. Singularis ve-
ro mihi contigit felicitas, inter rariores vtique ponen-
da, atque semper postea et nunc adhuc sapientissimae
prouidi Numinis directioni grata a me habita, quod
unicus saltem a prima pueritia ad academicae vsque
vitae periodum mihi fuerit praeceptor, cuius fidelis-
sima instructione vsus prima literarum elementa om-
nesque, quae ad altiora studia ducunt, disciplinas, se-
rie haud interrupta, ediscere potuerim. Veneror ea-
propter gratissima, post fata adhuc, pietate indefes-
sam Magnifici atque Summe Reuerendi b. IOANNIS
CHRISTIANI HEBENSTREITII, tunc Philosophiae
Magistri, posthac concionatoris Sabbatici Nicolaitani,
dein lycei Thomani Conrectoris, postmodum Lin-
guar. Oriental. Prof. Ordinarii, denique S. S. Theol.
Doctoris et Professoris primarii, Decemviri, Eccle-
siae Cathedralis Misnenensis Canonici, Maior. Prin-
cip. Coll. focii et Nationis Misnicae Senioris, anno
1756. d. 5. Dec. pie defuncti, in me per integrum
decennium ab anno 1713 informando collocatam lau-
datissimam sollertiam, tanto minus a me hic ampliore
praeconio extollendam, quanto certius penes omnes
constitit, quanta cum contentione, grauitate atque
prudencia HEBENSTREITIVS omnibus suis muni-
bus praesse consueuerit. Huius adeoque fidelissimae
debui instructioni, quod decimo quinto aetatis anno

ad academica pergere potuerim studia, ad quae, ut ne prorsus immaturus accederem, puer adhuc tam disputatoriis quam oratoriis exercitiis ingenium ad sublimiores praeparavi disciplinas. Florebat nempe tunc consortium quoddam puerile disputatorium et oratorium, sub moderamine M. CAROLI FRIEDERICI PEZOLDI, Scholae Thomanae Collegae tertii, quod ingenioli sui vires, pro aetatis modulo experiebatur, cuius instituti non satis commendandi vberri-
mos fructus postmodum non sine voluptate perspexi. Orationem solennem in Schola Nicolaitana anno 1718. d. 6. Decembr. *de belli incommodis* in actu quodam publico recitavi. In ciuium academicorum numerum anno 1713. d. 22. Mart. Rectore Illustri HOFMANNO receptus, mox philosophicas scholas GEORGII PHILIPPI OLEARII, FRIDERICI MENZII, IO. CHRISTIANI LEHMANNI, et LUDOVICI CHRISTIANI CRELLII adii, a quibus etiam physicam accepi, disputationibus vero philosophicis sub moderamine praeceptoris mei optimi, HEBENSTREITII, atque IENICHII habitis interfui. Iam cum de studii genere eligendo mihi nunc esset cogitandum, me animum arti medicae applicaturum, parenti, nihil tale opinanti, significabam, a quo tamen consilio tanto minus me existimabat auocandum, quanto magis intempestiuam parentum improbatam morositatem atque duritiem, qui iniquum in liberorum ingenia et propensionem sibi arrogarent imperium. Desiderio potius meo beneuole annuens, praeceptores quoque mihi cupiebat esse doctrina praestantissimos, inter quos SCHACHERVM et WALTHERVM, priorem Facult. Med. Decanum, alterum Anat. et Chirurg. Professore, illius postmodum successorem, primo ponendos iudicabat loco, quorum instructione quinquenium adiutus, omnes artis salutaris disciplinas edidici, WALTHERO potissimum duce complurium cadauerum in theatro anatomico incidendorum opportuni-
ta-

tatem nactus, atque ad expeditissimam in artificio
 nitide praeparandi facilitatem formatus. Cumque
 haud vulgari quoque in rem herbariam me trahi in-
 telligerem amore, ex AVG. QVIR. RIVINI scholis
 proficere studui, quo tamen ipso anno eunte mortuo,
 ex familiari commilitonis mei, IO. ERNESTI HE-
 BENSTREITII consuetudine atque frequentioribus
 cum ipso factis excursionibus non leues cepi fructus.
 Neque tamen reliquas artis medicae doctrinas negli-
 gendas esse intelligens, Chemiam a QV E L M A L Z I O
 accepi, praxin vero clinicam prudenter exercendi ra-
 tionem KÜCHLEO praeunte edoctus fui; medici-
 nae forensis dogmata B A V E R V S exposuit. Non ve-
 ro auscultando solum tempus academicum a me con-
 sumi cupiebat pater prudentissimus, quin potius ut
 publicis etiam speciminibus editis profectuum meo-
 rum redderem rationem, aliisque exemplo essem,
 aequissimo statuebat consilio. Primo itaque statim
 academicae vitae anno, superato tentamine, ab Am-
 plissimo Philosophorum Ordine instituto, primae lau-
 reae honores tuli, in qua panegyri specimine graeco
de artis medicae eminentia disserui. Ad studia nunc
 alacrius prosequenda excitatus, cum insigni disputa-
 toriorum exercitiorum tenerer amore, Baccalaureus
 adhuc quinquies ex cathedra philosophica varia argu-
 menta propugnaui. Praeside vero praeceptore meo
 HEBENSTREITIO, anno 1725. mense Febr. Dissert-
 ationem *de corporis humani machina, diuinæ sapien-
 tiae et providentiae teste* defendi, octiduo elapso Phi-
 losophiae Magister creatus, cuius dignitatis immuni-
 tates altera Dissertatione, *practica prioris parte* eodem
 adhuc anno obtinui. Factorum dein etiam in re me-
 dica profectuum specimen editurus, anno 1726.
 Praeside B A V E R O *de usu medico exercitiorum corporis,
 illustribus praesertim familiarium*, ex cathedra medica
 disputaui, sub cuius quoque moderamine in publico
 collegio disputatorio tam respondendo quam oppo-

nendo physiologicis potissimum argumentis disquirendis operam dedi, ita ut rite sic praeparatus atque sub finem anni 1726 ab Ordine Medicorum ad examen theoreticum admissus, Baccalaurei medicinae honoribus exornarer. Anno 1727. Dissertationis *de tabaco sternutatorio* propugnandae ergo altera vice superiorem cathedram philosophicam conscendi, quodque reliquum esset academici temporis sub Ill. WALTHERI directione cadaueribus secandis impendi, ad alterum practicum examen accessurus atque Doctoris gradum in academia patria sumturus. Patris tamen tristi morte superueniente, et, quod non diffiteor, aliquem commilitonem cunctantem praeventurus, ad consilium subito mutandum adactus, HALAM secessi, ibidemque superatis examini-
bus consuetis, habitaque Dissertatione *de tussi infantum epidemica*, d. 18. Oct. 1728. a MICHAELE ALBERTI Doctoris cepi gradum. Mox in patriam reuersus scholas aperui medicas, atque mature academiae utilis futurus in explicandis potioribus medicinae disciplinis vires experiri coepi, non intermissis exercitiis disputatoriis tam priuatis quam publicis anno 1732. et 1736. institutis. Morte praematura nobis anno 1733. erepto CASPARO BOSIO, Professore Botanices extraordinario constituto, singulari regia clementia in eius locum successi, postquam iura Doctoris Lipsici atque potestatem in Facultate medica locum suo tempore tenendi Dissertatione solenni *de potus Cofe' abusu noxio* indeptus fueram; quo officio praestito, praemisso Programmate *de plantarum radicibus*, Oratione adituali munus mihi demandatum d. 17. Iul. anno 1733. auspicatus sum. Anno 1748. clementissime iubente Potentissimo Rege ex Misnica in Saxonicam translatus Nationem, sequente vero anno Ordinarius Botanices Professor declaratus, in Professorum Ordinariorum cooptatus fui Collegium, anno 1753 die Georgii primum Rector electus. Anno 1742. Academia Caesareo Leopoldina Naturae Curio-
forum

forum me suum esse voluit focium, cognomine PLASTONICI II. honoratum. Anno 1754. BAVERO d. 22. Dec. demortuo, d. 28. eiusdem mensis locum in Facultate medica obtinui. Anno 1744 post Ill. GÜNZII, archiatri regii, obitum, Physiologiae Professor Ordinarius constitutus, praemisso *de plantarum plethora* Programmate, d. 17. Oct. munus mihi clementissime concreditum adii, ipso ad annum 1758 vsque functus, quo tempore post HEBENSTREITII Decani et QVELMALZII, huius perdecendium successoris, fata, Anat. et Chir. Professor, paucis vero diebus elapsis Pathologiae Professor constitutus, in Maioris Principum collegii sociorum numerum receptus, Decemuir electus atque Facultatis medicae Senior declaratus fui. Succedebat QVELMALZIO veteranus meus amicus, LUDWIGIVS, post tria tamen lustra anno 1773 d. 7. Mai. nobis ereptus, cui ego successor mense Iunio fui datus. Anno 1770. WINKLERO mortuo, Natio Saxonica me suum esse voluit Seniore. Praeter Recturam aestiuam anno 1753 mihi traditam, anno 1757. 1761. 1765. 1769. 1771. 1775, et 1779. eidem muneri praefui, anno 1765 eapropter maxime illustri, quod SERENISSIMO ELECTORI placeret Vniuersitatem nostram sua primum dignari praesentia, quo tempore coram IPSO in bibliotheca academica *de diaeta principum* mihi differendum fuit. Longe vero splendidior quinta mea fuit Rectura, cum anno 1769 die 2. Maii, in solennitate homagii praestandi coram folio Electorali mihi publica fides Vniuersitatis nostrae nomine stipulanda, atque sincerrima pro PATRIS PATRIAE salute vota essent facienda. Anno 1773 a Magnifico tunc Rectore BORZIO post exacta decem lustra in ciuium academicorum numerum denuo receptus: atque biennio post in solenni panegyri Magisteriali, Decano Spectatissimo ERNESTIO Magister semisecularis iterum renunciatus fui, eodem anno post obitum S. R. CRYSII, Senior Academiae

Mm 4

factus.

factus. Anno 1778 mense Oct. cum solennia Doctoralia semisecularia publico actu medico inter amicissima vota Collegarum coniunctissimorum celebrarem, ab Vniuersitate HALENSI transmissisplendido Diplomate Doctorali honoratus atque iterum ex valuis publicis Doctor renunciatus fui.

Res domesticas quod spectat, coniugium inii anno 1729 d. 1 Iun. cum lectissima virgine MARIA MARGARETA, ADOLPHI FRIDERICI HOFMANNI, negotiatoris probi atque felicitis filia vnica, duarum filiarum, RAHELIS MARGARETAE et HENRIETTAE MAGDALENAE matre. Coniuge hac paucis a puerperio secundo diebus anno 1732 d. 6 Iul. mihi erepta, ad secunda transii vota, anno 1733. d. 17. Febr. cum ornatissima virgine CHRISTIANA MARGARETA, HENRICI FRIDERICI ENGELSCHALLII, villarum et praediorum Senatoriorum iura administrantis filia vnica inita, quatuor liberorum matre, REGINAE WILHELMINAE, ANTONII HENRICI, CHRISTIANAE SOPHIAE et MARGARETAE SOPHIAE, cum qua fidelissima vitae meae socia anno 1783 iubilaeum gamicum celebrandi rarissima mihi felicitas contigit.

Ceterum, quae summa Dei fuit gratia, admodum constante corporis valui robore, vtpote nihil minus quam molliter educatus. Superatis enim anno 1715 variolis, quarum eruptionem enormes haemorrhagiae triduanae comitabantur, aliisque praeterea puerilibus morbis feliciter debellatis, ad tricesimum vsque aetatis annum nihil quidquam molestiarum ex aduersa valetudine sensi, nisi quod nunquam vel leuiori frigori ferendo me parem intellerem, cum vicissim intensissimum calorem, quod omnes norunt, absque vllo semper tulerim incommodo, alacrior inde potius, cum alii languerent, factus, quam raram temperiem an illi a vino debuerim abstinentiae, quae quasi natua mihi fuit, haud incassum forte auguror. Anno autem 1737. vere ineunte subito arthriticis vagis corripiebar

piebar doloribus, duarum tamen septimanarum spatio elapso disparentibus, a quo tempore ad annum 1751 usque ex vota valui; die vero 21 Aug. dicti anni nihil plane sinistri opinantem, dum lectionibus botanicis in horto medico vacabam, subitaneus febrilis horror cum repentina virium prostratione inuadebat, quem grauior aestus, vomitiones, sensuum perturbationes atque contumaciores conuulsiui motus excipiebant, febris malignae dirissimi praenuncii et comites, quos insequeretur purpura alba vera, adeo vt fatalem huius morbi fore exitum nullus dubitans sarcinulam colligerem, euentu tamen metui haud respondente. Decani nempe HEBENSTREITII atque amantissimae coniugis post Deum debui sollertiae, atque diurnae nocturnaeque vigilantiae, quod sex hebdomadam periodo finita, pristinis viribus recuperatis, atrocissimum eluctarer morbum. Non minus anno 1757 sub secundae Recturae finem febre exanthematica acuta inuadebar, qua superata, ex metastasi ad oculos facta inter enormes dolores pertinacissimamque oculorum inflammationem visus metuebam iacturam, vano tamen metu, cum, etiamsi aliquot adhuc vicibus morbus hic ocularis recurreret, nihil tamen detrimenti ex visu senserim, quem mihi adhuc, dum haec scribo, (mense Octobri 1783) integerrimum esse, nullo vitro oculari iuandum, inter summa diuina pono beneficia.

Omniū vero a munificentissimo Numine in me collatorum innumerorum beneficiorum gratissima atque deuotissima mente memor, me his quoque indignum fuisse profiteor, qui praeceptorum diuinorum frequens violator viam salutis saepe deserui. Supplex tamen coelestis Patris veneror clementiam, qua me quoque immorigerum subinde atque peccatorum maximum ineffabili nihilo minus cum patientia tulit atque reuertendi tempus benignissime concessit.

Mm 5

Tuus

Tuus fuit, aeternae et misericors humani generis Protector, in me quoque amor, quo me in Filio Tuo dilectissimo amasti, cuius nec in me incassum collocatum voluisti sanctissimum meritum. Ne auertas Tuam a me faciem, neque per omne, quod superest, brevis et misellae vitae tempus, me provida Tua desere tutela. Ne auferas Spiritum Tuum Sanctum a me, qui perpetuus in illecebroso hoc mundo mihi comes, magister, monitor, cuncta mea facta dirigat, fidem meam stabiliat, amorem Tui augeat, atque tandem hac mortalitate exiturum ad beatissimas ducat sedes, meque in eorum numero esse efficiat, qui perennibus laudibus Tibi: *Sanctus, Sanctus, Sanctus est Dominus Deus Zebaoth!* occinunt, atque sempiterno maiestatis et gloriae Tuae adspectu exhilarati, nomen Tuum in aeternitatum aeternitates celebrant. Tuere academiae splendorem, Ordinis mei honorem, urbis felicitatem, meorum salutem.

Ita laetus Iudicis pacati aduentum exspecto, ὃς μετασχηματίσει τὸ σῶμα τῆς ταπεινώσεως ἐμοῦ, εἰς τὸ γενέσθαι αὐτὸ σύμμορφον τῷ σώματι τῆς δόξης αὐτοῦ.

Scripsi die XVIII. Oct. A. R. G. MDCCLXXXIII.

M. T. Θ. Δ.

S c r i p t a P l a z i i
D i f f e r t a t i o n e s.

De corporis humani machina, diuinae sapientiae teste	1725
— — — — — Pars	
altera practica	1725
De vsu medico exercitiorum corporis, praesertim	
personis illustribus familiarium	1726
De tabaco sternutatorio	1727
De potus Coffe abusu noxio	1733
De foliis plantarum	1740
De caule plantarum	1745
De morbis ex munditie	1746
De munditiei affectatae incommodis	1747
De morbis ex oblectamentis I.	1748
De flore plantarum	1749
De morbis ex oblectamentis II.	1749
De morbis ex oblectamentis III.	1750
De sanitatis publicae obstaculis	1753
De partu debili reficiundo	1754
De oblectamentis illustrium noxiis	1759
De therapia per iucunda	1760
De therapia per iniucunda	1762
De vulgationum remediorum vsu non reiiciendo	1763
De morbis ex vitae genere I.	1764
De medico audace	1766
De remouendis sanitatis publicae impedimentis	1771
De amoliendis sanitatis publicae impedimentis	1771
De sensibus, morborum causis	1772
De sensibus internis, morborum causis	1772
De curatione per iniucunda	1773
De morbis ex vitae genere II.	1774
De medicina morbos faciente	1776
De chirurgia morbos faciente	1777
De ineuitabilibus morborum causis	1778
De subitaneis morborum causis	1778
De salubritate et insalubritate habitationum	1781
De humoribus, morborum causis	1783

P r o g r a m m a t a.

De artis medicae incrementis	1732
De radice plantarum	1733
De seminibus plantarum	1736
De brutorum imaginatione	1749
De ple-	

De plethora plantarum	1754
De natura plantas muniente	1761
De virtutibus plantarum ex ipsarum charactere non addiscendis I.	1762
— II.	1762
— III.	1763
De paedantismo medico I.	1762
— — — — II.	1762
— — — — III.	1763
— — — — IV.	1764
De saccharo veterum	1763
De plantarum sub alieno coelo nascentium cultura	1764
De signis mortis non solute explorandis I.	1765
— — — — II.	1766
— — — — III.	1766
— — — — IV.	1767
— — — — V.	1767
De voluptatibus, studiorum impedimentis	1767
Non omnia in re medica bono fieri exemplo I.	1768
— — — — II.	1771
De foetris	1768
De mortuis curandis	1770
De empiricis	1771
De piis medicorum desideriiis	1772
De arte naturam superante	1772
De abortibus medicis	1772
De scrupulositate medica	1772
De <i>ὀνομαστικῆς</i> medicae difficultate	1773
De minutiis, non semper a medico posthabendis I.	1773
— — — — II.	1774
De non semper mortifera funiculi vmbilicalis inter-	
missa deligatione	1774
De medicina per hypotheses corrupta	1774
De erroribus medicorum secantium vincibilibus	1775
De putredine a corporibus arcenda	1775
Subitaneae super variis argumentis medicis cogita-	
tiunculae I.	1775
— — — — II.	1778
De erroribus medicorum inuincibilibus	1776
De iuribus medicorum	1776
De medicina polemica	1776
De causis contemptus medicinae	1777
De magiae vanitate I.	1777
— — — — II.	1777
De mirabilibus in re medica	1777

De fa-

De fama per doctrinam augenda	- -	1778
De inconstantia medica	- -	1778
Series Decanorum Facult. medic. Lips. continuata		1778
De natura non fatifcente	- -	1779
De magnetismo et electricitate fascini experte	-	1779
De exiguo ex medicina lucro	- -	1780
De medicae vitae commodis et incommodis	-	1781
De medicina supra iurisprudentiam aestimanda	-	1782
De licentia medica	- -	1782
De longaeuitatis impedimentis I.	-	1782
— — — — — II.	-	1783
Priscae et recentioris Medicinae commendatio	-	1783
De scientiae naturalis dulcedinibus	- -	1783

Orationes typis exscriptae.

De coelibatu, medicis fugiendo	- -	1767
De feminarum in medicinam imperio	-	1768
De veste Doctorem non faciente	-	1768
De splendida medicorum miseria	-	1770
De Thalia medicinae ministrante	-	1771
De Galeno opes dante	- -	1771
De praepostero medicinam rationalem addiscendi consilio	- -	1772
De arte, naturam superante	- -	1772
De medico omnium audacissimo	- -	1773
Feminas homines esse	- -	1774

XXXII.

Continuatio indicis scriptorum physico - medicorum, quae anno 1779 prodierunt.

I. B. MORGAGNI de sedibus et causis morborum per anatomen indigatis Lib. V. cura Tissot. III. Volumina. Yverduni, 4.

F. S. MORGENSTERN'S *Unterricht für Hebammen zum Gebrauch seiner Vorlesungen.* Magdeburg, 8.

A radical and expeditious cure for a recent catarrhus cough a Chapter on the vis vitae strictures on the treatment of compound fractures by JOHN MUDGE. Lond. 8.

Lettre a Mr. le Chevalier de Born, sur la tourmaline du Tirol, par M. MÜLLER — traduction de l' allemand, augmentée de plusieurs notes de l' éditeur (M. de Launay) A Bruxelles, 4.

O. F. MÜLLERI descriptiones et historia animalium rariorum ac minus notorum. Vol. I. Lips. 8. (*vid. comment. nostr. Vol. XXIV. p. 396.*)

Ej. Zoologiae Danicae iconum Fasc. I. Lips. fol. (*vid. ibid.*)

Ej. Florae Danicae fasc. XIV. Ibid. fol.

I. A. MURRAY Apparatus medicaminum. Volumen II. Gott. 8. maj. (*vid. comm. nostr. Vol. XXIII. p. 260.*)

Ej. *medizinisch-praktische Bibliothek, 3ten Bandes 2tes Stück.* Ebend. 8.

Ejusd. Diss. sistens spinae bifidae ex mala ossium conformatione initia. Gött. 4.

Ejusd. Diss. de hepatide maxime Indiae orientalis. ib. 4.

Ejusd. Observationes et animadversiones super variorum insitione, ib. 4.

Guistonian Lectures read at the College of Physicians by S. MUSGRAVE. Lond. 4.

A treatise on the Hydrocele. By LAWRENCE NANNONI. Lond. 8.

Histoire naturelle du Tuffilage et du pétasite pour servir à la phytologie du Rhein et des duchés de Juliers et de Berg. Par M. NECKER, à Mannheim, 4.

A Catalogue of the Plants in the Garden of I. BLACKBURN: arranged according to the Linnean system by AD. NEELE. Lond. 8.

Is. NEWTONI Opera quae exstant omnia. Commentario illustrabat SAM. HORSLEY. Lond. 4.

E. G. NICOLAI *Pathologie VI. Theil* Halae, 8: (priora partes vid. comm. nostr. dec. III. Suppl. p. 22. et Vol. XXII. p. 334. 452.)

Description de l'Arabie, d'après les observations et les recherches faites, dans le pays même. Par M. NIEBUHR. Nouvelle Edition en 2 Volum. A Paris, 4.

Descripcion natural, politica y economica de España. Por DON FRANC. MARIANO NIPHO. In Madrit, 4.

Précis sur la nature des maladies produites, par le vice des humeurs lymphatiques, leurs différentes especes et le traitement qui leur convient. Par M. NOEL. A Paris, 8.

I. I. NOLTENS *Bemerkungen von Steinen, welche in den Harngängen zwischen den Häuten der Urinblase gefunden worden.* Cassel, 8.

K. W. NOSENS *Abhandlung von Mennigbrennen, besonders in Deutschland.* M. K. Nürnberg, 8.

Dictionnaire historique et géographique de la Province de Bretagne; dédié à la Nation Bretonne par M. OGE'E. à Nantes et Paris, Tome II. 4. maj.

(Reliqua proxime.)

Con-

Contenta in hac parte.

I. Acta medicorum suecicorum, Tom. I.	-	-	p. 387
II. CH. FR. REVSS primae lineae encyclopaediae medicae	-	-	p. 391
III. ED. SANDIFORT anatome infantis cerebro destituti	-	-	p. 395
IV. ADOLPH. MURRAY diss. in gangraenam scroti observatio	-	-	p. 396
V. IO. CHRIST. TRAVG. SCHLEGEL collectio opuscul.	-	-	p. 398
selektorum ad medicinam forensem. Vol. I.	-	-	p. 398
VI. First lines of the practice of Physic etc. by WILL.	-	-	p. 399
CULLEN	-	-	p. 399
VII. Dissertations on select subject in chemistry by MARTIN	-	-	p. 405
WALL	-	-	p. 407
VIII. <i>Versuche mit Quecksilber</i> von I. PRICE	-	-	p. 407
IX. <i>Abhandlung über die Bereitung des Brechweinsteins</i> von	-	-	p. 411
I. G. A. HÖPFNER	-	-	p. 411
X. ROEDERER et WAGLER tractatus de morbo mucoso, edi-	-	-	p. 414
tus ab H. A. WRISBERG	-	-	p. 414
XI. <i>Beobachtungen der epidemischen Krankheiten</i> von L. F. B.	-	-	p. 417
LÉNTIN	-	-	p. 417
XII. (Vden) <i>Magazin für die gerichtl. Arzneykunde und me-</i>	-	-	p. 420
<i>dicinische Polizey</i>	-	-	p. 420
XIII. <i>Gazette de Santé</i> von IO. H. RAHN	-	-	p. 423
XIV. <i>Aufsätze aus der gerichtl. Arzneywissenschaft</i> von I. T.	-	-	p. 426
PYL. <i>Erste Sammlung</i>	-	-	p. 426
XV. IO. DAN. METZGERS <i>Grundriss der Physiologie</i>	-	-	p. 429
XVI. De limitandis laudibus moschi, auctore B. L. TRÄLLES	-	-	p. 434
XVII. PETR. I. VASTAPANI de china china in synochis	-	-	p. 439
XVIII. WENG. TRNKA DE KRZOWIZ, historia febris he-	-	-	p. 442
cticae	-	-	p. 442
XIX. ERN. ANT. NICOLAI <i>Sammlung von Beobachtungen</i>	-	-	p. 447
etc.	-	-	p. 447
XX. Nouveaux Mémoires de l'Academie de Dijon. Premier	-	-	p. 452
semestre.	-	-	p. 452
XXI. PLATTNERI institutiones chirurgiae rationalis, edidit	-	-	p. 462
CAR. CHR. KRAUSE	-	-	p. 462
XXII. Vroedkundige Oeffenschool door IACOBS	-	-	p. 469
XXIII. De cholelithis observationes D. HENR. FRID.	-	-	p. 479
DELIUS	-	-	p. 479
XXIV. THUNBERGII diss. nouas insectorum species sistens	-	-	p. 483
Pars I. II.	-	-	p. 483
XXV. I. G. WALLERIUS tal, om nödig jämförelse emellan	-	-	p. 495
de chemiska Vndersökningar och Naturens werknin-	-	-	p. 495
gar	-	-	p. 495
XXVI. G. MERVILLA riflessione sulla natura, cagione e cura	-	-	p. 498
dei cancri	-	-	p. 498
XXVII. <i>Medicinisch-praktische Beobachtungen, erste Samml.</i>	-	-	p. 508
von Dr. HEINR. FEL. PAULIZKI	-	-	p. 508
XXVIII. Practical observations on venereal complaints by I.	-	-	p. 515
SCHWEDIAVER	-	-	p. 515
XXIX. DE MEZA Compendium medicum practicum Vol. I.	-	-	p. 526
II. III.	-	-	p. 526
XXX. E. G. BALDINGERI selecta doctorum virorum opuscula,	-	-	p. 532
in quibus HIPPOCRATES explicatur	-	-	p. 532
XXXI. Noua physico-medica	-	-	p. 541
XXXII. Continuatio indicis scriptorum physico-medicorum,	-	-	p. 558
quae anno 1779 prodierunt	-	-	p. 558

